



Войны козуб

5.2020

ПЕТӦ 1926 ВОСЯНЬ

ЛЭДЗӦНЫ: КОМИ РЕСПУБЛИКАСА ЮРАЛЫСЬЛӦН АДМИНИСТРАЦИЯ,
КОМИ РЕСПУБЛИКАСА ГИЖЫСЬ КОТЫР

ВОЙВЫВ КОДЗУВ



ISSN 0134-4323

БЫД ТӦЛЫССЯ ЛИТЕРАТУРНО-ХУДОЖЕСТВЕННОЙ ЖУРНАЛ

5 (881) ОДА-КОРА (МАЙ) 2020

ТАЙӦ НОМЕРЫН:

Алексей ПОЛУГРУДОВ. ТайӦ шуда тулыс.
Редакциясянь кыв 3

МИЯН ЮБИЛЕЙЯС

Чолӧмалам! 4
Андрей ПОПОВ. Окота олыштны енэжкӧд орчӧн...
Кывбурьяс 5
Чолӧмалам! 10
Анжелика ЕЛФИМОВА. Олӧм торпыригыяс 11
Анжелика ЕЛФИМОВА. Асылӧдзыс — куим час да джын...
Кывбурьяс 17
Чолӧмалам! 22
Александр ШЕБЫРЕВ. Шӧракостас... Кывбурьяс 23

ЫДЖЫД ПОВЕДАЛЫ — 75

Елена КОЗЛОВА. Бур юӧр. Висьт 31
Алексей ПОПОВ. Войся бипур дорын. Кык юкӧна пьеса ... 39
Александр УЛЬЯНОВ. Альпы гӧраяс дорын... 57
Нина КУРАТОВА. Сийӧ луныс 64
Иван ТОРОПОВ. Регыд дас квайт. Повесьтысь юкӧн 70

12+

Обложка вылын снимокыс Юрий Лисовскийӧн.

© «Войвыв кодзув» («Северная звезда»), 2020 г.

СЫКТЫВКАР

СЕВЕРНАЯ ЗВЕЗДА



*Ежемесячный
литературно-художественный
журнал*



Учредители:

АДМИНИСТРАЦИЯ ГЛАВЫ РЕСПУБЛИКИ КОМИ

**«СОЮЗ ПИСАТЕЛЕЙ РЕСПУБЛИКИ КОМИ» - РЕГИОНАЛЬНОЕ
ОТДЕЛЕНИЕ ОБЩЕРОССИЙСКОЙ ОБЩЕСТВЕННОЙ ОРГАНИЗАЦИИ
«СОЮЗ ПИСАТЕЛЕЙ РОССИИ»**



Издатель:

АУ РК «ИЗДАТЕЛЬСКИЙ ДОМ КОМИ»

ДИРЕКТОР ОРЁЛ И.Н.



РЕДАКЦИОННАЯ КОЛЛЕГИЯ:

Главный редактор

ПОЛУТРУДОВ А.В.

Ответственный
секретарь

КИЧИГИН И.Н.

КОЗЛОВ Е.В.

УЛЬЯНОВ А.В.

УЛЯШЕВ О.И.

ЛИМЕРОВА В.А.



ТАЙӦ ШУДА ТУЛЫС

Ми воклы, войвывсаыдлы, тулысыд — дыр виччысянатор. Кӧдзыд да кузь тӧв бӧрын ставыс гӧгӧр пондӧ ловзъыны, тырны олан вынӧн. Воссъӧны юяс, быдпӧлӧс лӧбачыс локтӧ войвылӧ чужтыны да быдтыны йылӧмгъяснысӧ. Лымйыскӧд тиӧтши сылӧ войыс... Лолав, быд лов, ловзӧдчы, курав шондӧ да вӧр-ва вынсӧ!

Та понда, кӧнкӧ, майыс миянлы и торгъя виччысяна. А та кындзи нӧшта на и торгъя тӧдчана да торгъя шуда.

Ӧти-кӧ, журналнымлӧн уна бур гижыс ӧрт чужис буретши майын. И тайӧ номерын юбилейнысӧ ӧтпырйӧ пасйӧны куймӧн! Май 18-ӧд лунӧ — Евгений Валерианович Козлов, май 27-ӧд лунӧ — Анжелика Геннадьевна Елфимова, а май 28-ӧд лунӧ — Александр Васильевич Шебырев. Татиӧм ногӧн жӧ вайӧ ӧтвылыс ми найӧс и чолӧмалам. И куймнанныс — тулыс кодъ югыдӧс да творчествонас ловзӧдысӧс!

Мӧд-кӧ, тулысыс вайис миянлы Победа, да ставӧн ми ӧнӧ — и журнал вӧчыссыс, и журналӧ гижыссыс, и журналсӧ печатайтсыссыс, и журналсӧ лыддысыс-донгъялыссыс — лӧк войнасӧ ас вывтӧ нуысыаслӧн, фронт вылын ли, тылын ли Победаӧ, а война бӧрас — олӧм бурмӧдӧмӧ ассыс вермана пай пуктысыаслӧн йылӧмгъяс. Ныв-пиян либӧ кыдзи ачым ме — внукъяс... И «Бессмертнӧй полкын» мунысыас пӧвстын воыс-во пыр унджык содӧ правнукыс. Олӧмыс, кодӧс вермысыас козьна-лисны миянлы, мунӧ. Зӧв жаль, мый муртса эз ов Победа лунӧдз сйӧ вержысыас пӧвстсыс ӧти — Никон Кондратьевич Хатанзейский... И миян мог не вунӧдны налыс, код вывтӧ мунис войнаыс, Подвигсӧ. И не вузавны Паметьсӧ.

Но век жӧ — тайӧ шуда тулыс. Ловзӧдыс да бур юӧргъяс вайыс. Сйӧн и воссъӧ Победалы сйӧм юкӧныс Елена Козловалӧн «Бур юӧр» висътӧн. Мед кольӧ Победа луныс миян сӧлӧмгъясӧ нэм кежлӧ да шыалӧ локтан кӧленаясын! Чайта да, Победа дорысыас локтан кӧленая олӧм понда Подвигсӧ и вӧчисны. Медым ми, кыдзи шуис Иван Григорьевич Торопов Федя Мелехин кывгъясӧн, лӧбалим: «А гаикӧ ме, Федя Мелехин, сӧдкыд кадӧн быдтӧм-нюжӧдӧм леторос, ӧнисянь век понда кытчӧкӧ лӧбны — ӧнӧдз тӧдтӧм на шудаингъясӧ лӧбны... Ӧд войнаыс помасис!».

И медым ми югыд бордгъя ловгъясӧн да думгъясӧн збыль пыр лӧбалим тулысын кодъ сӧстӧм енӧжас, олӧмыс пыр вӧлӧ тыр лӧбач дзользӧмӧн да тайӧ номерас моз ӧкмӧм бур юӧргъясӧн, бурсиймгъясӧн да поэзия горӧн!

«Войвыв кодзув» редакция нимсянь,
пыдди пуктӧмӧн да ставсыс муӧдз копырӧн,
Алексей Полугрудов.





Чолөмалам!

Пыдди пуктана Евгений Валерианович!

Став сёлөмсянь чолөмалам Тэнö, Коми муын нималана гижысьöс, тшупöда пасөн, 60 арöс тырöмөн!

Дас квайт арöсөн Тэ вöчин медводдза воськов литератураö, йöзöдін «Войвык кодзув» журналын кывбур. И сэтисянь, көні көть Тэ эн вöв: армияын, университетын, журнал редакцияын уджалін либö көнкö мукöдлаын — литератураыс Тэныд лои аслысьяма югыд туйöн. Быд лыддысьысь Тэкöд тшöтш воylvлiс чужан сиктад, Эжолад, шöйтлiс матiгöгöрса

вөр-ватi, нимкодясис видзьясөн да эрдгьясөн, шондi улын ззысь рöма Важ Эжвайн. Со кутшöм стöча Тэнад творчество йылысь гижöма филология наукаясса кандидат, поэт Алёна Ельцова: «Олöмыс сылы — югыд тувсов войö да арся зэр бöрын лөньюм вöрын чужöм мойд. Мирыс вöсьö лирика герой водзын, и быд шытор, быд көр, вөр-валён быд вöрзöдчыштöм йöлöгайн шыасьöны лирика герой пытикын да чужтöны выль, мича кывбур образгьяс:

Тувсов войяс — мойдгьяс.

Тувсов войяс — вöтгьяс.

Югыд кыддза раскын

Чуксасьöны көкгьяс.

Потласьöны коргьяс,

Öвтö чöскыд дукөн.

Вунöдчылан быдөн

Татшöм лöсьыд здукö...

Тэнад кывбургьясыд сёлöм вылас воисны и коми композиторгьяслы, найö лöсьöдiсны мыла сьыланкывгьяс.

Ыдждыд сям Тэ петкөдлiн роч да финн-йöгра литература вуджöдiгөн. Лыддысьысьяс тöдмасисны коми кыв вылын роч поэтгьяскöд: Глеб Горбовскийкöд да Игорь Шкляревскийкöд, Юрий Могутинкöд да Дмитрий Мизгулинкöд; финн-йöгра поэтгьяскöд: Октябрина Вороновакöд (саами), Прокопий Явтысьыккöд (яран), Александр Доронинкöд (эрзя), Альбертина Ивановакöд (мари) да мукöд авторкöд. Тэнад вуджöдöмөн коми кыв вылын пуктылiсны республикаса театргьясын мирын нималана драматурггьяслысь: Лопе де Вегалысь, Федерико Гарсиа Лоркалысь, Миклош Дярфашилысь, Нина Мазурлысь, Николай Островскийлысь да Николай Гогольлысь спектакляс.

Сиам Тэныд крепыд дзоньвидзалун, семьякост шудлун, кыпыд олöм-вылöм, мед кыд дыр на лö зумыд, а перöйд ёсь!

Гижысь ёртгьяс.

Андрей ПОПОВ

ОКОТА ОЛЫШТНЫ ЕНЭЖКӨД ОРЧЧӨН...

КЫВБУРЪЯС

Арся крест

Тан вөр-ва скуп, но бурджык оз и ков —
Сідз велалін, мый весиг кыскө сэтчө.
И сьökыд кресттө нуиг усьлө лов.
Ар — абу олөм, да! Но бөр на чеччан.

Зэр мөдөдчас, и некытчө он пет;
Сідз өшинь дорын казътылөмө сетчан.
Ар дыр на кыссияс, сөмын кувны мед?
Өд сыкөд гажтөм кувнытө. И чеччан.

И мунны татысь, мудзөм ловлы мезд
Мөд муысь корсьны лыбөдчан өдвакө.
И мед кө весиг көрт туй переезд
Тан вөйджык арын повзьөдчысь маньякысь.

Да, крест, но аслад — сьөктөдө ли оз,
Эн дзуглясь, чеччы, оз кө узьсы бара.
...И лөнь вөр-ваө пырө тепловоз
Да тутөстө. Дерт, көнкө, ыджыд карысь.

Арө пыран лун

*Довольно для каждого дня
своей заботы.*

Мф. 6,34

Ар кадысь кадө дзескыд жыр кодь овлө,
И петан туй сэн абу, мөвп оз чуж.
Да, ставыс абу сідз! И курыд ловлы,
Мый мөд ног овны ньөти ме ог куж.

И дзескөдөны важөн төдса кывъяс,
Лов пессьом содө, асыкалө шог!
И аски понда төжд нин босьтө сывъяс —
Мый регыд ковмас нуны арся мог.

Но дзескыдлунсьыс весиг лача чинө,
И гөгөрвоа — бурыс нем оз ло.
Ар матын нин.
И ньоти вөт оз инась.
И выль асылыс некыдзи оз во.

Синмассьом

*...и глазной мазью помажь
глаза твои, чтобы видеть.
Откр. 3,18*

Лыдды быд кыв вежөртиг «Отче наш».
Да эн мыжав йөзсө, друг мыжа ачыд.
Юртө чатөрт, енэжсьыс корсьлы гаж,
Енэж выйнас мавт синтө, он кө аддзы.

А то варов кыв вылад, ваш* он дзеб,
Аслыд чайтсьө — озыр, бур көма-паса.
Көть и шудтөм збыльвылас, голь и жеб...
Кодыр синмыд пемыд, сэк нем он казав.

Но а сытөг сайөдны, мый көть вөч,
Мустөм мөвптө весьшөрө, он нин велава.
Морт сэк абу көдзыд ни абу пось;
Өдва-өдва шоныдыд — абу делө.

Прөстө дегов — быттьө варенньөкөд чай.
Китыр пөжөм паренча, сө грамм лача.
«Отче наш» лыдды, мөвпалышт ассьыд пай,
Кодкө эм на радейтысь, войт кө аддзин.

Юлөн чөв олөм

Ю визувтө, и кыв сылы оз ков —
Ни роч, ни коми, либө нөшта кутшөм.
Сы вывти кымөр кывтө быттьө лов.

Чөв олө ю.
Став мөвпсө пыдын кутө.
Ю кывтөм, кыв... Да оз мөй тайө чуйд,

* Ваш — нюм.

Мый кык кывйислөн вужйын өти подув,
Но вежөртассө дзебис кадлөн нюйт.

Чөв олө ю.
И юалөмыс содө.

Дзор Стикслөн пөшти гытөм визлөг шөр —
И коді сылысь чөв олөм эз вежөрт,
Здук сөмын нюйтсө вөрзөдлас, и бөр...

Чөв ланьтас ю.
Оз кывлысь, весиг вежөн.

Ним

Важ евангельскөй висьтысь лясіс
Том вежөрө мен тешкодьтор:
Голь мортос нимтөма сэн — Лазарь,
Но нимтөг кольө озыр морт.

Мый ньобан сьөмсьыд?
Гашкө, инө,
Став мусө.
Керка ньобан мед.
Но артмө, донаджык морт нимыд,
Чин-озырлун кө ним оз сет.

* * *

Окота олыштны енэжкөд орччөн,
Морт кывйөн шыасьны сы дінө тэд.
Ыркыднас лолыштны бөр мунөм водзын,
Югдандор кокныда ойбыртны мед.

Шөпкөмөн кевмысиг ун пиө вөйтчан:
«Мылышты, Енмөй, лов сибөдысь көдж...»
Сералысь челядьос аддзан кө вөтөн,
Быттьөкө райын тэ, сералан тшөтш.

Асья прөгулка

Бара асыв. Овны абу сөр на.
Сөмын няйтыс! Тадзи воысь-во:
Кодзувьяс моз кымынөд нин дворник
Сылі, улич чышкалысь эз ло.

Татшөм дивө йылысь ог жө кутөй
Гижавны газетө, лэдзны ки.

Мыйон садьман — медводз весав мутё,—
Велөдліс тадз Сент-Экзюпери.

Кодкё шуас — нэм пё сідзи олім!
Состөмлунё велавам-ө ми?
Вөлі дворник, муніс — ёгыс коли.
Да мый гижліс Сент-Экзюпери.

Тшака зэръяс

Элясьё морт суседлы,
Зэрө пө лун кост лун.
Мыйся пө тайё гожөм?
И видзөдлы туйяс вылас,
Быттьё өтторъя гуран.
Олөм! — он лок ни он мун.
— Гортад он письты,— шуө,
Но думъясыс ставыс Ен йылысь.

И нөшта сы йылысь думайтө,
Мый некоркө кувсяс, дерт.
И вир-яйсө эновтөм бөрын
Зэр улө петас көмтөг
Гуранъяс таявны лолыс,
Кытыськө корсьлыны мед
Енэжө кайысь кебан* —
Сэн туйыс пө буждіс жө, көнкө.

Воча шуө суседыс,
Тшак петас пө регыд зэв,
Мед вөрө кайлыны, колө
Өтгульяс
удж вылысь корны.
Морт довкйөдлө воча юрнас,
Но пасйө — судьбалысь зэр
Енмысөн абу на индөма.
И Феофан Затворник

Велөдліс: мездысьны тадзи
Войтырсө чуксалө Ен,
Чуйдө, көть водзвыв төдө —
Көнкө му вежандыр локтө.
Морт дөжналө:
— Сапөг абу,
Нинөмөн тшакавны мен.
— Сапөгтөг некыз,— шуө суседыс.
— Сытөг көтөдан коктө...

* Кебан (диал.) — мелководье, брод.

Крапкис өдзөснас

Суседъяссө куим лун дорвыв
Корөмөн корис старик.

Өдзөс крапкөмысь жугалис томан,
Колө вежны, оз пөдлассы дзик.

И быдөнөс дзерөдіс таdzi
Да торкаліс налысь удж.

Ме выль томан сылы ньөби —
Пуктыны некод оз куж.

Старик меным шуис:— Эновт!
Он сяммы — эн жуглы юр.

Да збыль мөй быдса подъездысь
Кипода слесар оз сюр?

— А тэныд аттьө и таысь.
Шу донсө да унджык эн кор...

И кувсис друг — тайкө узьө,
И өдзөсыс тайкө оз ков.

И патера коли восьсөн —
Босът ставсө, мый чөжліс нэм.

А мый эськө сылысь и босътан?
Выль томаныс сөмын и эм.

Комиөгис Евгений Козлов.





Чолөмалам!

Чужигад, медводдза лолыштигад муса чужанинд быдөнлы сетö ас-сьыс вын, сям да аслыспöлöслун. Быдөнöс быдтö ас ногыс да юктöдö аслас ваён. Со и нэмөвöйся коми сикт, Маджа, козьналіс коми войтырлы тайö визув мортсö — Анжелика Геннадьевна Елфимоваöс. Гижысь, вуджöдчысь, журналист, ведущöй, режиссёр... Помтöг позьö лыддьöдлыны, кытчö тайö мортис пуктис сьöлөмсö, вынсö да сямсö.

И мед көть медводдза кывбурыс петалис 1989 воын «Красное знамя» газетын рочөн, ми сійöс медводз тöдам коми поэтён. Анжелика йöзöдчыліс «Войвыв кодзув», «Арт», «Родная Ладога», «Инвожо», «Невский альманах» журналгьясын, уна öтувгья сборникын. Петалисны и асшөр небöггяс: «Аддзысьлытöдз» (2002); «Еджыд вöтгяс» (Таллинын, нель кывгья, 2008); «Вемöсөн и вөтөн» (2010).

Кывбургьяссö вуджöдöма роч, удмурт, эст, англия, француз кывгьясö.

Анжеликалысь уджсö пасйöма кыдзи республикаын, сідзи и Россияын да суйöр сайын. Сійö Финляндияса М. Кастрен котырлөн журналистикаын лауреат (2002), Эстонияса рöдвуж войтыргьяс программалөн литературнöй премия лауреат (2014); «Медбур лирической кывбур» юкёнын ставроссияса «Зарни перö» конкурсын вермысь (2008)... И чайтам, лоö и водзö на пасйöма тайö енбиа аньсö!

Но бара на казгыштам — воссис миянлы Анжелика Геннадьевна кывбургьяс пырыс. Татшöм кыпыд здукгьясад тай пыр наградаяс лыддьöдлан, а öд мыш саяс миян юбилярлөн вель кывкутана удж. И та йылысь медся бура сійö висьталö ачыс: «...а менам кывбур гижöмöй — быттö оломсö лöсьöдöм: öтпырйö доя и кыпыд, сьöкыд и майбыр, полöм и окотитöм. Быд кыв дорö, кыдзи быд воськов дорö, вежавидзöмөн да пыдди пуктöмөн нин матыстчан. Кывкутан лыддьысьысь водзын».

Сиам Анжелика Геннадьевналы крепыд дзоньвидзалун, творческой уджын выль вермöмгяс! Мед и водзö коми йöзыслы Тэ вöлін сэтшöм жö коланаён! Кузь нэм да бур шуд!

Гижысь ёртгяс.

Анжелика ЕЛФИМОВА

ОЛӨМ ТОРПЫРИГЪЯС

Кывбуръяс йылысь...

Ме ог гөгөрво, кызд верлибр либө «еджыд» кывбур гижысьяс кутöны юраныс кывбур визьяссö (строкаяссö). Менам тай найö сöмын размер да рифма отсöгөн и кутчысьöны сэни-а... Кывбур гижигөн зэв ёна радейта корсьны виччысьтöм рифма, кöть и, овлö, вель ёна мучитча. Водзын, велавтöг на, вежонъясөн вöли тадз коньöрала. Ставнас вöльнöй светыс мустöммылас, синмөн некод вылö видзöдны ог вермы, ветла да пон моз эрга. Сэсся гижа кывбурсö да, оз на кö артмы (сьöлöм оз бурмы), нöшта на ёна шогыс нюкыртö. Пöттöдз ачымöс пиняла: гижысь лоöма кытыськö, сямыс абу, а сэтчö жö колö суйсьыны! Сэсся быттьö содтöд кодкö пытшкын на дэльöдö: мый нö, эз сюр рифмаыд али мый?! Но-но...



Коркө водзынджык вөлі кыла, быттё став кывбурыс ме пытшкын гижёма нин да куйлө морөс шөрын. А ме сөмын джуджыд кабала чукөрсьыс зіля гөгөрвоны. Бура кө тыдалө, кывбурыд өдйөкодь и артмө, а оз кө, сідзкө, вушйөма карандашөн гижөмаыс да, лыддынысө эг куж...



Өні тайө вошис кытчөкө... Неуна мөд ногөн мөді кывбурьясөс кывны. Шуам, дыр кө ог гиж, сәки шыпасьясыс быттё вом пытшкөсөс заводитөны тыртны, өталягиасьоны сәні, кывйыдлы мешайтчөны. Пессьоны, петны вөзйысьоны. Радла гусьөник, мися, сідзкө, кывбуртор, слабог, чужө. А овлө и тадз: көсьян өтитор йылысь гижны, а, видзөдан да, дзик мөдтор йылысь кывбурыд артмөма. Аслым шемөс лолө...

Школаын на кывбурасьны окотитөмыд босьтліс. Помнита, велөдысь йылысь гижы блокнотө: «Профессия учитель очень нужная / Профессия учитель очень важная...». Рочөн, дерт! Роч вөлі да!

Лыддылі, Есенин пө, вөлөм, куим кывбурөн лун гижө, да тшөтш сы бөрся босьтчи вөтчыны. Вот и мырсьышти... А учи-

лицеын, казътыла, мөд курсын, гижы быдса поэма — «Первая любовь». Общөй тетрадь тыр лои: «ме тәнө радейта, тэ менө — он...» Кыдзи и колө радейтчөм йылысь кывбурад, вөліны сән и ю, и бакенгьяс, и берег дорын пукалөм-шогсьөм...

Смелмөдчи да хорөн веськөдлысь Наталья Георгиевналы петкөдлі. А сійө менө пондїс такөдны: «Лоас на муслуныд, эн шогсьы». А мыйысь меным шогсьынысө? Тайө өд кывбур, а абу збыльтор. Но водзө гижөмысь эг өвсьы. Торъя тетрадьө кывбурьясөс мичаа гижы да выльысь Наталья Георгиевнаыдлы петкөдлі. Эз, небось, шань мортыд, некор найөс кулит ли тырмытөмторьяс вылө индав. Пыр ышөдїс: «Зэв бур, молодец!..» Мөд морт шөрө кө веськалі, гашкө, дзик мөд мортөн и ачым лои. Но вот со мойвиис. А ме өд сәки вөлі сөмын дас квайт арөса йөй нывкаөн на!..

Өти кадө дзикөдз эновтчылі кывбур гижөмысь. Ачым весиг эг гөгөрво, мый дугдысьсөма, сэтшөма оломыс другысь вабергачасис... А кор гөгөрвои, вот и повззылі! Помасисны али мыы-ы-й? А код нө ме сәсся, сідзкө-ө-ө-ө?! Но, слабог, вөляникысь-вөляникысь бөр босьтчи. И өні Музаөй кө ме дорө бура дыр оз кежав, ог нин повззы. Төда: воас кад, и кывбур бара чужас!

Ен йылысь...

«Гижтӧм» кад помасьӧм бӧрас мӧдӱсны мыйлако Ен йылысь кывбуръяс чужны. Бӧрыннас нин гӧгӧрвои: тадз ме олӧмсӧ выль ногӧн заводитӱ гӧгӧрвоны. Верстяммыштӱ. Кутшӧмкӧ философия сяма аслым лӧсьӧдӱ. Кӧть тай и пыртчӧм морт, но вичкоад и сӧк эг тшӧкыда пыравлы, ни ӧнӱ ог кежав. Видзъяс дырйиыд ог кослунась ни. И грекӧй, тӧда, тырыс.

Да кӧть и «Ен» кывйыс кывбурысь вошис, но гижигӧн пыр Ен дорӧ шыӧдча. Тӧда: сылӧн кӧсийӧм-окотитӧмтӧг весиг ӧти шыпас оз артмы. Сӱдзи веськыда и шуа: «Енмӧй, отсав кывбур гижны!». А сӧсся, артмас да, аттьӧала сӱйӧс.

«Отче наш»-тӧ велӧдӱ. Водӱг-чечиг лыддя. Быттӧ со и эска нин, но век на, кыла, мыйлако ог тырвйӧ. Век на йӧз видзӧдлас-сӧрнидонъялӧмсӧ корскорӧ вылӧджык пукта, кӧть эськӧ ог нин сӧтшӧма, кыдзи водзын вӧлӱ. Слаб мортыд, слаб... Быдторйӧ ылавны дась...



Небӧгъяс йылысь...

Лыддысьны велавлӱ вит арӧссянь. Менам кадӧ тайӧ вӧлӱ дивӧ. Медводдза классӧ мунӱ да, ставныс на мӧмляйтӧны, лӧгӧс петкӧдлӧны.

Ӧнӱ небӧгтӧ апалӧмӧн-апала. Водзын библиотекаӧ ветывлӱ, книгаяс ӧна ньӧбавлӱ. Но кадыс пондӱс «топавны», небӧгъяс — донсявны, ӧнӱ колана гижӧдъяс электроннӧй небӧгӧ пукта да сӧтысь лыддя, синмӧй омӧльтчыштитӱс да, кабала вывсьыд лӧка аддзыны кутӱ. Сӧмын вот коми небӧгъястӧ сӧтчӧ пыртны оз позь. Со и лоӧ роч да зарубежнӧй литератураӧн миритчыны.

Водзитӱ, менам томдырйи на, бур книгатӧ колӧ вӧлӱ судзӧдны. Помнита весиг, коркӧ тӧдӧмӧн ветлӱ «Дом книги»-ӧ кутшӧмкӧ лекция вылӧ, код бӧрын позис ньӧбны А.Блоклысь ичӧтик кывбур чукӧр.

Талун, майбыр, книганад тыртӱсны. Кодлы абу дыш, сӱйӧ и, видзӧдан да, небӧг лӧдзӧ! Ӧнӱ мӧдторйысь шог: он тӧд, мый бӧрйиыны да лыддыны та мындасьыс. Лӧп пысьыс бур лыддянторсӧ зӧв сӧккыд лои корсьны. Ӧна лыддя классикъясӧс. Талунъясӧ эськӧ зӱля жӧ син пыр нуӧдны, но на пыиысь этшаӧн вермӧны сибӧдны ас дораныс. Быдлаын сӧмын ӧтитор: узылӧм, виӧм, нартитӧм, корсьысьӧм, повзӧдлӧм... Коркӧ ыштитӱ некымын тома талунъя драматургия вылӧ. Ӧна и сӧласи-пӧляси!

Казялі: ог кө дзик пыр чышкы книгасо да коля модысь лыддьом выло, модысь сэсса сійос ог нин восьтыв. Кажитчана мовпьяссо торъя тетрадьо на пасьяла дай, а мыйла — и ачым ог тод...

Радейта бура помасысь книгаяс.

Проза йылысь...

Кывбур гижысьдылөн тай вежыс петавло и прозаик «слава» выло. Менам сидз жё. Босьтылі гижны скетч сяма висьторьяс да весиг ыджыд пьеса. Яндзим тодтог мыйсюрояс йозодлі, но, слабог, эг ставсо. Ыджыдтор вылад сямой ньоти на абу вөлөма. Ой-ой, велөдчыны на колө! Мыйкө босьтышта аслым Светлана Горчаковалөн театркөд ёртасымысь. Кытікө бур йозыс чуйдыштöны. Бара жё, лыддьомторсьыс мыйкө казяла.

Öнi со «Чушканзiö» ичöтик тешторьяс, кодöс эськө позис сиктса сцена вылын пуктыны, гижала. Ачым клубад уджавлі да тода, мый татшöмыс буретш сэни оз тырмы. Надейтча, кодлыкө да лөсялас.

Гижысьяс йылысь...

Рочнад пöшти дас во чöж гижаси да, ни öти коми гижыськөд эг вöв тодса. Рочьяссьыс паныдасылі-сёрнитлі Александр Алшутковкөд да Александр Суворовкөд...

Помнита, коркө Маджа клубö волісны ворсны драма театрасяс Öльöш Поповлысь пьеса. Тiралан ки-кокөн матыстчылі жö Алексей Вячеславович дорö кырымпас босьтны. Сійö лоис медводдза коми гижысьöн, кодöс ме аддзылі ас синмөн.

Мöднас лоис Алёна Ельцова.

Коймöднас — Михаил Елькин.

Нельöднас — Владимир Тимин.



Коді лоис витӧд-квайтӧд-ветымынӧднас, эг нин сӕсса ар-тавлы.

Владимир Васильевич литератураын менам вежа бать.

Геннадий Юшков коркӧ Печать керка коридорын паныдасигӧн шуис, мыйла нӧ пӧ тадз гижан: «ӧвссы, вай, сьӧлӧмӧй, ӧвссы...» Сьӧлӧмыдлы пӧ ӧвссыны оз позь...



Василий Лодыгин Кулӧмдінын том гижысыяслӧн семинар вылын юалис, но и мый пӧ тӕ тайӧ кывбурнас кӧсийн висьтавлы: «Тӕнад синъясид менам синъясын. / Пӧдін тӧдлытӧг — и он сюр...»?!

Нина Куратова вӧлі пырас Гижысь котырад да сумкасыс пыр и кампет перъяс, Анжелочкалы пӧ...

Иван Торопов висьтавліс, быттьӧ кувлӧма коркӧ да аддзывлӧма нин мӧдаръюгыдсӧ, но бӧр таладорас ыстӧмаӧсь...

Роч гижысыяскӧд, кор найӧ кывбуръясӧс босьтчисны вуджӧдны, ӕртасыны жӧ мӧді: Володя Цивунин, Игорь Вавилов, Андрей Попов, Сергей Журавлӧв, Коля Кузьмин... Кымыныськӧ босьтчылі кӧть нин код йылысь кӧ на пыись казтьылӧмъяс гижны, но сідзи ни ӧти гижӧд помӧдзис эг и вайӧд...

Луннебӧг йылысь...

Коркӧ аслым кыв сеті: босьтча гижны луннебӧг (дневник). Нӕлысь кымын, эг кӧ унджыкысь, сетлі аслым кыв! Ӑні со витӧд во нин гижася. Первойсӧ рытнас вӧлі пуксьывла, а сӕсса асыв вылас вуджӧді. Мый тӧрытнас вӧлі: кодкӧд паныдасылі-сӕрниті, мый вӧчи-мӧвпалі, кутшӧм книга лыддышти... Ставсӧ веськыда зіла сӕтчӧ гижны. Оз уна кад и босьт, минут 10-15

сöмын велавтöг сьöкыд вöлі кольöм лунтö тöд вылад уськöдны, кор сійö сы мында лöп-өгөн нин тырöма. А öнi, вунöда кö ли-бö мый понда кö ог удит гижны, лунтыр сэсся ачымöс лёка кыла. Мыйкö быттö оз тырмы. Тетрадьöй кö ки улын абу, кöть кабала вылö, но пасйышта, сэсся костас сюя. Ог тöд, ас-лым али коркö кодлыкö лыддьöм вылö гижа...

Но, и шмонитöм йылысь...

Радейта, кор ме гөгөр ставныс кыпыдöсь, нюмъялöны-вашъялöны, сералöны-сөрöны. Велöдча лоны пыр кыпыд руаөн, а тайö, чайта да, олöмас медся-медся сьöкыдторйыс. Мукöддыр-йиыс другысь видзöдлан, мый керсьö гөгöрыд, да юрсиыд сувтлö! Мыйсяма нö тайö эськö олöм?! Сэсся кызкö-мыйкö бөр ас саяд воöдчан, вашъявны заводитан, серамö ставсö бергöдан... Мöд ногыс эськö важөн нин, гашкö, и кулыштiн да...

Кыз шуласны, быдөн вылын олöмыс ас ногыс шмонитö, сöмын куж сы дорö лöсьöдчыны, мед кывны асьтö шудаөн!



Снимокъяс вылын: 1. Вад ты вылын. 2. Мамыскöд, Лидия Степановнакöд. 3. Искусствояс училищевын велöдчигөн. 4. Медводдзаясь йöз дорö. Владимир Цивунинкöд (шуйгаладорас) да Михаил Елькинкöд. 5. Владимир Тиминкöд да Андрей Поповкöд. 6. Эжва ю бокын.

Снимокъясыс авторлөн гортса архивысь.



Анжелика ЕЛФИМОВА

АСЫЛӨДЗЫС — КУИМ ЧАС ДА ДЖЫН...

КЫВБУРЪЯС

* * *

Сійөс аддза да,
Сьөлөмөй йөймө!
Садьтөг пышыйны-котөртны,
Вошны!
Кытчөдз муслуныс
Дзыкөдз эз прөймит,
Морөс гөгөрөс
Вөрөн потшны!

Колө терпитны,
Терпитны колө!
Гожөм помөдзыс —
Муртса нин төлысь...
Юмов синваысь чужөмөй сола.
Төрыт кораси.
Аскомысь — көлысь...

* * *

Нисьө лымгялө,
Нисьө зэрө.
Төвшөр төлысь. Водз асыв. Сикт.
Тыртөм тетрадь
Да косьмөм перө
Өти визьнитөм весиг оз йит.

Нисьө палялі,
Нисьө узя.
Кынмөм төлысьыс ме кодь блед.
Коркө вөтад кө
Тэныд усьла,
Дырджык вөтыд оз вушый мед...

* * *

Эжва юыс
Ямөм пыдди туө,
Регыд ваыс воас
Кильчө дорө.
«Мыйкө на и лоас,—
Мамой шуө.
Кутшөмкө да дивө,
Көнкө, лоас...»

Тода, кутшөм дивө
Локтас ванас:
Саридз дорсянь воас
Ыджыд караб.
Менө нуас татысь
Төдтөм карө,
Көні шуд-таланөс
Лота ставнас...

* * *

Төрытыс лоас аски,
Аскиыс лоас төрыт.
Лым чырыс усис
Ки пыдөс шөрө.
Дас кык.

Юмовыс муртса курыд
Водзөсө пырджык сетө.
Тэ менө сэссия
Некор он вунөд
Сэтөн...

* * *

Сьөд ракаөн
муртса на эльтөны мартсө,
А кыз пу нин гусьоник
Гөрддзавлө гарсө.
Дзик мөд нога туй бокын
Вашъялө тола,
И абутөм саридзнас
Ывлаыс сола.

Сө здук вылө муртса на
Нюжаліс луныс,
А Одиссей — гортланьыс,
И бөрсяньыс — Улисс.
Гөрд жоньяслөн чивзөмыс
Чутөдө чөвсө.

Бара на, сідзкө нө,
Коллялім төвсө...

* * *

Инмөдчан кө,
чуньтө сотан,
Яйой пач кодъ дон.
Гажтөмтчөмөй
вывті кода,
Меным вывті ён.

Некыдз палявны
ог вермы,
Ыпийо выв и ув.
Ковмас тэ сайо мем петны,
Дзикөдз мед эг кув...

* * *

Сьөлөм: зутш-зутш...
Дінтөм нюрсө вудж,
Йывтөм шорсө кел,
Радейтан кө зэв.

Сьөлөм: клон-клон...
Дінтөм нюрыс дон,
Йывтөм шорыс кын,
Онi он нин мын.

Сьөлөм: шков-шков...
Дінтөм нюрысь сов,
Йывтөм шорысь ма
Аскөд вайома...

* * *

Асылөдзис — өкмыс...
Асылөдзис — сизим...
Асылөдзис —
куим час да джын...
Пемыдыслөн сьодыс
Небзьо визьон-визьон,
Визьон-визьон
Бара еждө лым.

Часі тічкөм кывза,
Қорся төдса шылад,
Өталягъяс
нинөмыс оз сюр.

Шоныд улӧс-пызан
Кыаыслы нъылыд
Кывтӧ быттӧ
Ытва дырйи пур...

* * *

Узьӧм пыдди бара
Кывбур нуска-тэча,
Песся быттӧ йирӧ
Гоз-мӧд пытш ли той.
Пызан весьтын помся
Кӧдзыд джоджас педза,
Пычка мырдӧн рифма
Гоз-мӧд войт.

Йӧзыслӧн со квайтӧд
Вӧт нин важӧн эштӧ,
А ме век на некыдз
Ӧтиас эг пыр.
Гашкӧ, ыджыд грекысь
Тадзи мыжӧс вешта.
Мед жӧ, сідзкӧ, вешта
Вель на дыр...

* * *

Кӧні чужӧ кывбур —
Сьӧлӧмын ли вежӧрын,
Кыдзи локтӧ кывбур —
Ланьтӧмӧн ли горзӧмӧн?
Кытчӧ мелань вотӧдз
Сійӧ туяс кежалӧ,
Коді сійӧс сәні
Бӧрддзӧдӧ ли ворсӧдӧ?

Синмӧс кунъла, восьтыла,
Гашкӧ, тавой казяла,
Гашкӧ, тавой тӧдмала
Кывбурӧйлысь шыяссӧ.
Садьма асьядорыс,
Юрлӧсӧй тай вазьӧма.
Кодкӧ бара гижӧма
Тетрадӧ нин кывъяссӧ...

* * *

Тулысӧдзыс быдса тӧв на,
А ме кыла,
Кыдзи гӧрддзасьлывтӧм лымйыс
Надзӧн сылӧ.

Кыдзи кынмавлытөм муас
Пессьö эжа.
Кыдзи сөникавтөм, йитөм
Туö Эжва...

* * *

Енэж-саридзас
Чөвтла тыв,
Кыя пемыдсьыс
Содз тыр кыв.
Лөда-пуктала
Серъяс кост.
Кодкө лөсялас,
Кодкө — оз.

Асъя йирмөгсьыс
Кусас сись,
Вылө саялас
Кывбур визь.
Кодкө енэжас
Чөвтлас тыв,
Кыяс саридзсьыс
Гоз-мөд кыв...

* * *

Лым да пес,
Да пес да лым.
Увлань — зырым,
Вывлань — тшын.

Лыддян моздор,
Лыддян зыр,
Мед он кынмы,
Мед он тыр.

Бара асыв,
Бара рыт.
Кадыс кывтö
И оз кывт.

Пес да лым,
Да лым да пес.
Тöлыс кыö
Еджыд вез...

❖ ❖ ❖

Чолөмалам!

Май төлөһү помын 60 арсөһү пасйө коми поэт, прозаик Александр Васильевич Шебырев. Сййө чужис Кулөмдин районса Пожөг сиктын. Öнi оло Помөсдинын, веськөдлө Помөсдин школаса краеведческой музейөн. Гижысь оло аслас районын, и став висьт сюрөһүс сылөн, дерт жө, йитчөма сиктса оломкөд, кодi сетө мөвпалан русө и йөзкост волысьөмгяслысь серсө. А оломьд вермас лоны быдпөлөс, мукөддырйиыс сэтшөм гудыр-гадыр, сэтшөма морттө гартлас и пыдзыртлас... Но олом олысьлы петан туйтө быть өд корсь! Тайө темасө вөрзөдөма Александр Васильевичлөн уна гижөддын.



Мыйкөд поэьö откодявны А. Шебыревлысь кывбургяссө? Кор гитараөн ворсөны сөнгяссө жалиттөг, кор чайтсьö — вот-вот найө орасны... Сидз жө зэлавлө лолыд, кор лыддян сылысь кывбургяссө. Лыддян помөдз, и пуксьылас чөв-лөнъ — ловлы личөд. И пондас уджавны вежөр.

Александр Шебыревлысь кывбургяссө, висьтгяссө да пьесагяссө поэьö аддзыны «Войвыв кодзув», «Арт», «Чушканзи» журналгясысь. Унаысь сййө вөли «Эзысь борд» литературной конкурсын вермысьөн. Сылысь гижөдгяссө йөзөдөма уна отувгя сборникын. Петис и кык асиөр книга: «Олом туйти» (2001) да «Фараон» («Сизимбергөдана олом») (2019).

Нимкодъ, кор төдан: оло көнкө пармаын морт, ветлө-шөралө гулыд яггяс, но оз прөстө кыйсьы, а мөвпалө, сьөлөмсө песө. Татшөм морт лөкног оз дойд вөр-васө, коланаысь унджык оз босьт, оз горшась. Татшөм ногөн овны чуйдө и ассьыс быдтасгяссө: йылөмсө и том гижысьяссө, кодгяс нырччөны литератураө, воывлөны Помөсдинын уджалысь «Петас» кружокө. Лоас-ө кодкө коркө на пысь ыджыд гижысьөн, петкөдлас кадыс. Но мортлы пыр колө эскыны, а сидзкө, виччысям литератураө содтөд вын.

Чолөмалам Александр Васильевичс чужан лунөн да сиам лоны дзоньвидзайн, шудаён и водзө чуймөдны лыддьысьяссө аслас гижөдгясөн!

Гижысь ёртгяс.

ШӨРАКОСТАС...

Прөща

Мый ме төдлі, мый ме кывлі —
Вөлі эз?
Гашкө, вөтын менам леган олөм мунис?
Сунис гарті, чужис коркө
нырагез.
Мый и дөмны? Гын сапөгөс босьтны вуніс.
Чарөм вывті көмтөм көкөн
тіля со,
Но ог тірав, мөдар,— пөсялөма көкөй.
Мыйкө нуза... Сөмын некор ог нин
во
Сійө местаас, көн олө зумыш
вокөй.
Менам вокөй... Пөрысь вокөй —
Парма-вөр.
Сөмын мыйлакө тай вөрыс рушөн сылі.
Повзьөді ме. Вокөй шуліс: мортыд —
скөр.
...Прөстит вай, мый тані мортөн
олі-вылі.

Муслун

Кызд пуыс мед вежа сарапана...
Пельсь пуыс — өтка юра-бана*.
Муслуныс кө на костын и чужө,—
Шөракостас, көнкө, олө-кужө.
Некорыс оз сывйыштчыны пуяс.
Оласны сідз... Олөмыс кө туяс.
Нормөм кыддзыс паныд — вазьөм синмөн...
Пельсь пулы видзөдласыс инмө.
...Муслуныс кө на костын и чужө —
Шөракостас, көнкө, олө-кужө.

* Өтка юра (фраз.) — гөтыртөм.

Сёр ар

Усьё лым: мулөн кынёмыс сюмалё,
Шыён ковмёма енэжса шыдöсыс.
Чорыд сьолёмыс камалё-кумалё,
Потас сэки, кор мыччыяс пьдöсыс,
Потас сэки, и эшкынён тубыртчас,
Унзиль синъяснас вöтъясö уёвтас.
Оз и тöдлы, кьдз кадыс тай гудыртчас.
Восьтас синъяссö — тулысыс нюмёвтас.

Дой

Ваыс чинлö, ваыс тулö...
Чужан кывйöй менам кулö.
Сийöс, рамöс,
аски дзикöдз виасны.
Асланым жö,
асланым жö киясным!
А ме тöда, да, ме тöда...
Тöда — сыысь талун пöда.
Коми кывсö
йөршитисны нюръясын:
Асланым жö,
асланым жö юръясын!
Мый и овны, мый и вывны...
Кьдзи гөгөрвоны — кывны?
Чужан кывйöс,
коми кывйöс, начкöны,
Кьдз пу нöшөн балябöжас
вачкöны?
Синъяс куня. Пельяс тупка.
Сьолём дойын упка, упка...
Пöльяс-пöчъяс, ылöдiм тай
тiянöс!
Керисны ли мый ли, гашкö,
миянöс?

Шөрö-бөрö...

Вошöма тай шөрö-бөрö,
Мыйкö нускö, мыйкö вөрö...
Абу коми, абу роч,
Кывйыс гөгөрвотöм, шоч!
Висьтав мыйкö коми кывйөн —
Сэки кутышта ме сывйөн.
Чужöмсяньыд рочлөн йитöд?—
Сэки кутыштла ме китö.
Кьдзи овны татшöм шочнас,

Абу коминас ни рочнас?
Ќти кывйын муас чужин,
Мод кыв пиын олин-кужин?
Ловзясны кө пöльяс-пöчьяс,
Городасны: «Тувсов көчьяс!
Вунöдін кө чужан кыв —
Абу миян пи да ныв!»

Ёрт кө...

Ёртыслөн ёртыс кө — ёрт,
Мыйла тэ, ва коми морт,
Ёрт дорад шыödчан рочөн?
Ас кывйыд кылö нин шоча?
Вунас кө пöльыдлөн кыв —
Көдзалас чуж мулөн сыв.
Дорйыны некодлы лоас —
Вöлисти помыд тай воас.
Коминад сёрнитан шоча...
Сöмын он ло тэ ва рочөн!
Кыдьяö, гашкө, и — пöран...
Кабырнад эжасö гöран!
Бöрсяныд дзоридз оз пет.
Думыштлы! Вежöртö лет.
Комиыс тэныд кө ёрт —
Комиөн сёрнит, бур морт.

Би

Биысь — биысь моз повны* оз ков:
«Тірöм висьöмыд» лэбодас вынтö.
Биыд унаысь шонтывлö лов,
Кор тэ ыркалан, кор тэнö кынтö...
Биыд, овлывлö, югзьöдö туй,
Кодыр вошан тэ сап пемыд вояс.
Кор нин эбöсыд бырöма, жуй...
Кор нин виччысян, — олöмыс лояс.
Кор тэ бурөн — сэк бурөн и би
Шоныд сьöлöмнас гыöрсö сывдас.
Тэ эн пöдты яр бисö, эн ви:
Ачыс жуймöдчас, саймовтчас, кывтас...
Ёна дöзмöдны сöмын оз ков!
Сэки би дорас локтасны бияс...
Тэнад ярлунысь бипур оз пов.
Кöсьяс, — кокыштас.
Талялас.
Виас.

* Биысь моз повны (фраз.) — ёна, зэв ёна.

Шуд

Тэ бара мунін
И кык син костысь сылін.
Тэ өдөбсин и
 енколаас разалін.
Ог шу, мый вунін,
Но кыла, мый тэ — ылын.
И кодкө кевмө, медым
 рушмин-пазалін.
Тэ — менам шудой!
Тэ өти здук и олыштін.
И нимкодълунсө
 дышпырысь тай ваялін.
Тэ, лөзоврудой,
Тайө здукас... колыштін...
Но кутсьөма тай ньөвтө!
 Вошин, саялін.

Асыв

Читкыль синъяссө асылыс восьтіс,
Чөла нюмъөвтіс. Синвасө косьтіс.
Выльысь чужис тай,— овны да вивны!
Сюся видзөдны, ас гөгөр кывны:
Кызди мазыс бергалө-зільө,
Кызди кодзувкот уджалө-тільө,
Кызди сус пуысь гылалө лыскыс...
Визув перк бөръя кольсө тай кыскыс.
Пышкай лэптөма вивланьө нырсө.
Сюзьыс — шемөсын: воштөма шырсө.
Сюртөм мөскыслөн вөраыс — тыра...
Гидө сөөдчысь-матушка пырас.
Ыргөн чеп вылын чепсасьө понйыс:
Важөн восьса нин вердысьлөн вонйыс.
Керка трубаысь чепөсйис тшыныс:
Эм на пачыслөн, майбырөй, выныс.
Эм на, майбырөй... Дивөыс — олөм!
Ловъя ловъясөй, шыбитөй полөм!
...Читкыль синъяссө асылыс восьтіс,
Чөла нюмъөвтіс. Синвасө косьтіс.
Выльысь чужис тай,— овны да вивны!
Сюся видзөдны, ас гөгөр кывны.

Кызкө-мыйкө

Лоөма — мый лоөма.
Кытчө вои — воөма.
Кыті ветлі — вунөма:

Паметь йи́рас суно́ма.
Быттьо́ кадыс уна на...
Гашкө, водзө муна на.
Ва паныдсө ката на,
Чолөм, визув катанар!
Мөвпала тай, дзөръяла...
Регыд кадыс ньөръялас:
Сулалан кө — жуялан...
Ырыштчан кө — уялан.
Мед кө важыс вунөма,
Паметь йи́рас мунөма...
Аскиыс өд — волө на,
Эскөмыд кө олө на?
...Сьөлөм улөс кыла на.
Кыдзкө ола-выла на.

Выль лун

Кор шондйыс сялькөдчас-мыссяс,
Кор разалас пач ломтан саыс,
Кор номъялысь чужөмсө мыгчас,—
Сэк юкмөсын юмовзяс ваыс,
Сэк олөмыс синъяссө восьтас,
Выль чужысьлөн бөрдөмыс кылас.
Но синвасө бырөдас-косьтас
Пось шондйыс: кагуклы сьылас.

Дзоридз

Унзіля дзоридзлысь синъяссө лысваыс мыськө...
Шпынняялө мичаыс. Код сійөс луд вылас корис?
Енэжсянь усьөма — воөма кытыськө, кыськө...
Вөр-васө мичлуннас весигтө бергөдіс. Ёрис.
Енэжыс исковтис увланьө. Синтөммис муыс.
Дзоридзсө видзөдны көсйө, да пемдөма мирыс.
Шөпкөдө муыслы юдорса кусыньтчөм пуыс:
«Дзоридзас — олөмлөн пыдөсыс. Мичлуныс. Йирыс...»

Сорси

Тэнө ме эг төд...
Тэ коркө вөлін мөд.
Тэ коркө вөлін вөй.
И ме вөлі сэк — йөй.
Бөйыны эг куж...
Ме чайті — кавган вуж.
Но чужис марьямоль,
Да меным эз и коль...
Весиг өти тусь.

Но петіс айлов. Сюсь!
Тэ чуймалін — шай-пай...
Да сикотшаліс тай!
Аслым шуи: мун.
Но паметгысь — эн вун...
А сикотшаліс мөд!
Мый шуны тэд? Ог төд...
Сьолөм — абу кын.
Но бырөма нин вын,
Мед турбыльтчыны бөр...
И тэнад пөлыд — скөр.
...Тэнө эг и төд.
Тэ, гашкө, збыльысь мөд?
Сьод синмыд — абу вөй...
Ме сорси. Нэмсө йөй.

Сыла

Копрася пулы:
Став корөмөй — енэжө лэб!
Морт на эз шулы,
Мый пуыдлөн вынйөрыс жеб.
Пожөмлысь кора
Бур йөзыслы шуд да кузь нэм.
Сёрнита гора:
Ме вöрас тай өтнам и эм...
Дзебасөн ола,
И йөзыслы кывйөс ог сет.
Вöрас кор вола —
Пыр кора... Но синва оз пет.
Сьолөмөн кыла:
Быд ловъялөн — аслас тай пом.
Вöрын ме сыла...
Но йөз водзын тупкыса вом.

Эг и төдлы

Ме эг и төдлы: гартыштисны тывйөн
Да лөзов муас кыскыштисны гусьөн.
Мөд олөмас ме вөлі — сыланкывйөн.
И лэбалі сэн, олі аня-тусьөн.
Ме вөйлалі сэн, идөгъяскөд сылі,
Да енколаас восьса синмөн узи.
Быд кодзувлысь сэн шылад тэчас кылі,
Но вөтөн-сорөн тайө муас уси...
Кыз вөтөн-сорөн?

Гартыштисны тывйөн!
И төдтөм муас кыскисны тай гусьөн.
Мөд олөмас ме вөлі — сыланкывйөн.

А лои... Кыдз нин сійӧ...
Этійӧ тай... шусьӧ?


Нинӧм тай он кер...

Нинӧм тай он кер...
Кор туйӧс тупкис сувтса зэр.
А сәсся личкис мусӧ шер!
Нинӧм тай он кер.
Нинӧм тай он вӧч...
Ме тiра-вися — рудов кӧч.
А шерыс вылісяньыс — стӧч!
Нинӧм тай он вӧч.
Водзӧ тай он мун...
Ме бара вошти ӧти лун.
И аскиас ме ог нин сун.
Бара вошти лун.
Бӧрӧ ог жӧ во...
Ме водза кодъыс ог нин ло.
Ме аски вылас зэвтчи, но...
Бӧрӧ ог жӧ во.
...Нинӧм тай он кер,
Кор туйӧс тупкис сувтса зэр.

Лэб

Асъявылыс югыд шондi петіс.
Нюмъялӧ тай, челядь моз и ворсӧ...
Аслас шоньд кияснас тай сетіс
Менам киӧ ловъя ӧгырторсӧ.
Пӧльышти — и ӧгырыд со ӧзйис.
Дзирдӧн тырис унзиль олӧм-вылӧм.
Меным шондi ассьыс вынсӧ вӧзйис
(Норлунӧс мӧй морӧс бердысь кылӧ?)
— Энлы... Ёнасӧ эн шогав, мортан,
Чикышӧн вай недыр олышт-вылышт!
Тэныд вӧляыс оз тырмы, ёртан,
Лэбзы вывлань! Сынӧд кӧрсӧ кылышт...
И ме лэбзи. Тойыштчи, да — лэбзи.
Норлунӧй да полӧм руӧй сылі.
...Кыткӧ сьӧлӧм улын менам небзис:
Ачымӧс ме лэбачӧн тай кылі.





ПОБЕДА!
1945–2020



Елена КОЗЛОВА

БУР ЮОР

ВИСЬТ

*Сиа Альберт Егорович
Ванеевлӧн югыд паметълы.*

Дас кык арӧса Альберт пукаліс вӧв вылын да майшасьӧмӧн мӧвпаліс, кыдзи-мый артмас луныс, ӧд сійӧ талун медводдзаысь ӧтнас петіс ылі туйӧ: орчча сиктӧ муно поштала. Верзьӧма вӧлӧн.

Мамыс сійӧс чуksалис водз:

— Нӧрпала ме талун, Альберт, висьӧдча,— раминика шыӧдчис сійӧ.— Тэныд ковмас ветлыны газетгьясыдла. Верман-ӧ да кужан-ӧ?— синвидзӧдласыс мамыслӧн вӧлі тӧждысяна.

Детинка звирк чеччис вольпась вывсьыс да пыр и кӧсйысис:

— Ветла, дерт. Туйсӧ ӧд тӧда. Эг на вунӧд. Да и Каркоыд ачыс нуӧдас.

Детинка тэрыба да пелька мӧдіс пасьтасьны.

— Эн тэрмась, эн, водз на. Пуксьы да пуӧм картупельсӧ сӧй, ид нянь да йӧв кружка пызан вылас и.

Мамыс нин вевъялӧма пач ломтывны, пусьыны-пӧжасьны.

Альберт тэрмасьӧмӧн нургьясьыштіс, мӧдіс лӧсьӧдчыны туйӧ.

— Истӧг да чер босьт, сытӧг тай оз петавыны ылі туяд. Ид няньсӧ ставнас пукты...— тӧждысис мамыс.— Верзьӧмӧн ӧд ковмас мунны, лымйыд ёна нин сылі да. Турунсӧ конюшня боксьыд мешӧкӧ пуктышт да седлӧ бердад кӧртышт. Каркоыдлы сетан, пошта дорас воан да, лӧньджыка сулалас.

Альберт тэрмасьӧмӧн петіс гортсьыс. Ставсӧ босьтіс, нинӧм эз вунӧд. Воддзаысьсӧ поштаысла мамыс нуӧдліс сійӧс южмӧм туйті гылыда шывгысь вӧла доддын. Ӧні ковмас ветлыны верзьӧмӧн.

Кельыдлөз ывлаыс вочасөн югдö.

Мамыс Альбертлөн поштаын уджалö. Вежоннас кыкысь сийö додьявлö колхозса вöв да ачыс ветлöдлö öкмыс верст сайö газет-журналла да письмöясла. Öнi лымйыс ёнакодь нин сылис, туйыс лябзис, мыччысисны кушинъяс да гöпъяс, вöла-доддянад туяд он нин мöд. Альберт туйö петны оз пов, сийö кужö вöвнас весь-кöдлыны: колян гожöм ёна нин ытшкöм видз кузя гöняйтлис, сабри* чöвтысьяслы турун юр кыскалис.

Конюшня дорас öтнас и лэччис. Катшыс, еджыд сьылиа руд гöна пон, котöртis водзын. Батьсö война вылö босьтöм бöрын найö Катшыскöд торйöдчылисны сöмын вой кежлас. Вöр-ваö петалигөн эськö Альберт дорысь понйыс эз нин вешйыв, но весиг школаысь петöмсö виччысьлис.

Мугов гөнсиа Карко пыр и тöдiс Альбертöс да радпырысь гөрöктыштитiс. Мамыс пыр öти вöлөн ветлöддывлis поштаысла, да Альберт гежöдика, кор лишавлис, чöсмöддывлis Каркоöс нянь торйөн. Вöвлань матыстчöм бöрын мелiа шыöдчис сы дорö да шыльöдыштитiс сьылиöдыс. Сэсся сийöсалис да петкöдiс ывлаö.

Бура нин югдöма. Шондiа мича лун пуксьö.

Юыс сиктсъянныс ылын, буракö, верст кык лöö: туйыс мунö медводз муяс да видзьяс пöлөн, сэсся колö вуджны козъя вөр дi, да вöлисти мыччысяс. Öнi сийö кын, йи улын на шойччö. Юдорыс, лунвыв пöката берегыс, ставнас нин куш. Лымйыс кольöма сöмын вöраинъясын да южмöм туй вылын. Таöдз ёна шоныд нин вöли, кöть тулысыс таво и нюжалис. Ю пöлöныс артмылöма дор ва, но талун и сийö йизьöма. Ставыс кын.

Öдйö и воис ю мöдарас. Водзын — пожöма яг. И Катшыс, и Карко туйсö асьныс тöдöны. Понйыс кымыныськö вöтчывлис мамыс бöрся, тшöтш ветлывлis поштаысла. Воча локтысьсöс татшöм водз асывнад оз жö ков виччысьны. Сидзкö, позяс и ас думъясас вöйтчывны Альбертлы.

Дерт, школаас талун мунтöм лои. Но мамыс кöсйис чойыскöд гижöдтор мöдöдны велöдысьяслы. Альберт таысь оз майшась, бура велöдчö да öти луннад оз коль ёртъяссьыс. Бөр вöтöдас. Да и татшöмыс гежöда овлö. Со мамыс нёрпалö. Мед сöмын чорыда оз висьмы. Быд ногыс нин эськö Альберт отсалас сылы, мый вермас да кужас. Сидзи и батыслы кöсйысис, кор сийöс босьтисны война вылас. Мамыс бөр бурдас, мöд ногыс оз вермы лоны.

Рытнас, кор Альберт бөр воас гортас, мамыс сылы воча нюммунас, шуас: но, пиук, воин, вай пыр, мыссьы да пуксьы пызан сайö. А сэсся, пызан саяс пукалiг, бара на гарыштак: ыджыд пи тэ менам, отсасьысь быдман. Альбертлы любö, кор мамыс сийöс ошкö, да оз и öтдортчы быдсикас уджсьыс: ватö да пестö пырмунiгмоз пыртас, керка дорысь лым зыртас, мöстö сёöдас, бөръя кадас унаысь мамыс пыдди газетъяс разöдлис. Пошта новлöдлöмыд зонкалы абу и удж кодь, сиктсьыс став

* Сабри (диал.) — зорöд.

йөзсө төдө, котөрөнмоз и артмө сылөн, тэрыб да. Став сиктса понгыасы Альбертлы — ёртгыас, ветліг-мунигас быдөнөс ворсө-дыштас, сылітіыс шыльөдыштас.

Пошта вайөмсө йөзыс ёна виччысылсны, юасылсны, медеясө, дерт, найө, кодъяслөн рөдвужыс вөліны война вылын. Көсийсны төдны фронтвывса юөргыас. Медея ыджыд козиннас быдөнлы вөлі салдатскөй треугольник.

Альберт мамыслысь локтөмсө ёна жө виччысылс. Налөн керка өшиньті тыдаліс төвса туйыс. Мыйөн мамыс Карко вөлыскөд тыдовтчылісны туй чукуляс, Альберт котөртліс пошта вылө. Мамыс ыджыд сумканас чеччыліс доддысь, мукөддырийиыс ёна гегдөма-кынмөма, а зонка босытліс киас вөжжисө да скачөн лэччөдліс вөвсө конюшняө. Карко тэрмасис пырны аслас шоныд поэйө, шойччыны кузь туй бөрын. Вөлөс лэдзалөм да конюшняө пыртөдөм бөрын өшөдліс сийөс-заводсө тувйө да бөр тэрмасылс пошта вылө.

Мамыс видлаліс да торйөн-торйөн пукталіс быдөнлы газетгыас да письмөяс, пасьяліс йөзыслысь овьяссө да мыччыліс Альбертлы. Корсюрө косөдліс кутшөмкө письмөяс, дзевліс пызан йөрас, найөс пө ачым нуа. Кор сийө письмөяссө сетаваліс, Альберт оз төд. Но сийө гөгөрволіс, мый тайө письмөясыс усьөм салдатгыас йылысь. Оти татшөм письмө воис Опонь пөльлы, суседылы. Альбертлы кажитчис, мый сэки став сиктыс, став матігөгөрыс чөв усыл. Тайө чөвлунсө косяліс сөмын Опонь гөтырыслөн лөкысь пессьөм-горзөмыс. Альберт письмөыслы оз эскы. Сийө оз эскы, мый Опонь пөльыслөн пиыс, Иваныс, ыджыд тушаа, шонді рөма чикыля юрсиа нюмгыялысь зонмыс, оз во гортас. Воас, да кызди и войнаөдзыс, петас кильчө вылас, аддзас Альбертөс да шуас:

— Но мый, кызд нин, вокө, олан?

Сөмын сийө вөлі тадзи шыасьө, вокөн шуө. Вот войнаыс помасяс, и воас. И батыс воас. И мамыс бурдас, оз мөд висьны-нёрпавны. И ставыс лоө бур. Альберт помалас школа, водзө велөдчыны мунас. Сетчө сылы велөдчөмыс.

Вөлыс корснитіс, да Альберт быттьө очсалис аслас думьясысь. Видзөдліс Катшыссө. Век на понйыс водзын котөртіс, буракө, абу на и мудзөма. Котөртиштас, сэсса исалыштас туй дорсыыс лымсө да водзлань ризөдас. Карко вөляникысь сы бөрся рөдтіс.

Вөрас лымйыс ёна пуксьөма, ляпкалөма, топалөма. Кор воддзаысьсө мамыскөд кыкөн таті, вөртиыс, вөла-доддөн мунісны, лымйыс вель на уна вөлі. Но сылыштавлөма жө нин, да туйыс юж. Альберт казтыштіс воддза ветлөмсө да нюммуніс, кутшөм лөсьыд вөлі мамыскөд орччөн пукавны вөв доддын.

Гажаа, йирки-кама таргө йизьөм туй вывті доддыс. Кокниа рөдтө Каркоыс, весиг кырлы воча вөлыс оз ньөжмөдлы өдсө. Вөрас лымйыс вөрзъывтөм на, сөмын пуяс гөгөрыс артмөмаөсь гурангыас, пу дінтіыс лымйыс муөдзыс сылөма.

— Мам, видзөдлы, пу гөгөрыс лымйыс сылөма.

— Водджык тай пу гөгөрыс сывлө. Сідзкө, пуыс ловъя, сетө шоныд, весиг лымсө со вермөма сывдыны.

— Ловъя... Опонь пöль висътавлывліс, мый быд мортлөн көнкө вöрас эм аслас пу.

— Сідз тай шульвлöны пöрысь йöз,— ышловзис мамыс.

— Мам, а мортыс кö кулö, сылөн пуыс пöрö?

— Пöрö.

— А Иваныс, Опонь пöльыдлөн пиыс, война вылö уси, да сылөн пуыс тшöтш пöрас.

— Ог тöд, гашкö...

— Мамö, а Иваныс менö öд вокöон шуліс. Ме ог эскы письмöбысы,— нормис Альберт.

Мамыс чöла топöдыштис зонкаöс ас бердас да тапкöдыштис пельпомас.

— Войнаыс помасяс да воас Иваныд, И батъö воас. И ставыс лоас, кыдзи важөн вöлі,— пöся шуалис Альберт.

— Бурас эскыны колö, пиук. Сэки кокныдджык овнытö лоö,— чöv ланьтис мамыс.

Эм көнкө и Альбертлөн аслас пу. Но кутшöм? Көнi? Вöрыс öд паськыд, кысь сійöс корсян? А Иван кö уси война вылö, сідзкö, и пуыс сылөн пöри? Колö Опонь пöльысь юавны. Но юавнысö Альберт оз лысьт. Юалас Иван йылысь — дойдас пöрысь мортлысь сьölöмсö. Эз, эз пөр Иванлөн пуыс. Воас вокöыс.

Ягыс помасис, мыгчысисны медводдза керкаяс. Сиктыс унзиль на вöлі, но пачьяс ваймöмаöсь нин, тшыныс трубаясысь эз пет. Альберт кежöдiс Каркоос пошта дiнö, домалис вöвсö майöг гозйö, личöдiс сийöссö, ныр улас чöвтис кос турун моздор. Ачыс модзмöдыштис кокъяссö да кайис пошта кильчö вылö. Öдзöсыс восьса, сідзкö, Мича Лида удж вылын нин. Мичанас Лидасö сöмын Альберт шуö ас кежсьыс. Кор мамыскöд татчö волісны, том аныс ёна сьölöм вылас воис зонкалы. Гöгрöсiник чужöма, ичöтик вöсньыдик ныра, гырысь кельыдлöз синъяса, руд чикыля юрсиыс пельпомöдзыс. Сэтшöм варов да визув нывкаыс, кыв вылас востер и.

— О, видза олан, сьöд сэтöр синма зонка,— чолöмасис медводдзаөн Лида.

— Видза олан,— нюмгёвтис воча Альберт. Абу эськö сійö сьöд сэтöр синма, муговöсь сылөн синъясыс, но мед нывкаыс сідз шуö, сылы кö кажитчö.

— Öтнад али мый воин? Мамыд тэнö лэдзис? Татшöм мусаник зонкасö? А кöинъяссьыс он пов?

— Ог. Ме Катшыскöд вои.

— Мамыд вылö муан, сэтшöм жö кузьмöсiник чужöма. Мичаник. Гашкö, инö, бöрсö ог лэдз тэнö да. Жöник пыдди аслым кольöда,— Лида гылыда серöктис, кельыдлöз синъясас сылөн öзйисны вильыш би чутъяс.

Альберт эз виччысь татшöм веськыд сёрнитö том мича нывыдлысь да гөрдöдiс.

— Эн пов. Ог на öни кольöд, коркö быдмыштан да,— вомтырнас серöктис том ныв.

Сяркнитис телефон. Лида тэрыба босьтис трубкасö.

— Кывза. Мы-ый?— нюркнитис сійö вежсьöм гөлöсөн.— Вы-

лысь висътав,— трубкасо пуктом бõрын сийõ здук чõв пукалис синсо куньомõн, чужом вылас гõвкъялис шуда нюм.— Победа, Альберт,— гусьõнмоз артмис сылõн, а сэсся гораа горõдис:— Победа!— тэрыба чеччис улõс вывсыс, уськõдчис Альбертлань. Топыда кутлис сийõс, куимыс окышtis да õтпõлõсõн петис пошта кильчõ вылõ:— Победа!— гораа горõдис сийõ да кыкнан чабыртõм чуньяса кияссõ вывлань чургõдõмõн бара:— Победа!

Йõрас эськõ кывзысыс морт эз ло, сэни сулалис да кос турун сияссõ босыталис Карко да сы дорын кõлачõ гаровтчõмõн шойччис Катшыс. Понийс Лидалõн горзõмыс чермунли, сэсся тшõтш мõдис гораа увтны. Лида бõр пырис пошта жырийõ, бара топõдлис ас бердас зонкаõс.

— Тэ гõгõрвоан, Альберт, Победа! Война помасис.

— Гõгõрвоа,— воча нюмъялис сылы зонка да родõмпырыс ачыс кутлис нывсõ. Сы пытшкын ылькмунис нимкодълун. И бур юõрсыс, и нывкаõс кутлõмыс.

— А миян сиктын некод на оз тõд. Телефонис оз уджав кум лун нин. И радиоис кантораын жугалõма. Колõ õдйõджык мунны да висътавны,— майшасьны мõдис зонка.

— Альберт, дас кык час лунын клубын лõõ митинг. Сийõс кывзы, сэсся и мунан, ставсõ висъталан. А õни вай дасътам поштатõ, ставсõ тэчам, а сэсся õтлаын и ветлам.

Победа! Победа! А йõзыс мыйта вõли чукõртчõма клуб дорас: жуõны сõмын! Некор та мында йõзсõ õтчукõрыс Альберт, ичõт сиктад олгõн, эз аддзыв. Быдõн нимкодясис, кыдзи кужис: кодi кутчысылис да окасис, а кодi бõрдис. Кильчõ вылас кодкõ кужтõма няжгис гудõкõн.

Клубас Альберт пукалис Лидакõд орччõн. Кутшõм лõсьыд да шоньд сы дорын, быттьõ мамыскõд. õтнаслы эськõ зонкалы бокõвõйинад эз сэтшõма мозды. Кывзисны сиктсõветса да колхозса веськõдлысыясõс, кыкнанныс зэв гораа эскõдисны, мый фашистскõй гадинаõс лои вõтлõма да пõдтõма аслас позйын. Сэсся шуисны õтувъя пызан паськõдны клубас, õтвылыс пасйыны Победа лун, казътывны усьõмаясõс.

— Меным колõ мунны,— вашнитис Альберт Лидалы.

— Бур туй!— тапнитышtis киас том ныв. А сэсся сувтõдис:— Энлы!— босыtis зонкаõс китыс да нуõдис сиктсõветса пред дорõ.

— Николай Иванович, со зонкаыс ыли сиктыс поштала локtis, сэни телефон ни радио оз уджав, йõзыс оз на тõдны Победа йывсыс. Колõ кыдзкõ юõртны. Эскасны-õ зонкаыслы?

Латшкõс тушаа да косиник чужõма дзор юрсиа мужичõй сюся видзõдлис Альберт вылõ:

— Кодлõн нõ ачыдсõ лоан? Предыслõн? Тõда, тõда, батъыд фронт вылын. Но õни воас регыд. Лок петалам сельсõветõ. Ме тэд безоговорочнõй капитуляция йылыс кабала сета. Нуан сиктад, сетан õния предыслы, мед чукõртас став йõзсõ кантораас да гораа лыддяс. Тэ лоан сиктас бур юõр вайысьнас!

Сельсõветын Альбертлы сетисны кабала лист, кытчõ õтарас и мõдарас вõли гижõма дзоньнас фашистскõй Германиялõн без-

оговорочной капитуляция йылысь. Горша да тэрмасьомон зонка лыддис отчид да и модысь. Николай Иванович нюмъяломон виччысис. Шуда синъясон Альберт видзодлис сы выло, кусыньтис кабаласо да суйис пытшкос зептас.

— Ме моді. Аттьо!

— Бур туй!— шеныштис кинас сиктсөветса пред.

Зонкалы колө тэрмасьыштны, мед öдйöджык воöдчыны гортас да висьтавны нимкодь юöрсö мамыслы, чойяслы, ас сиктсалы, Опонь пöльлы.

Зонка петис ывла выло. А шондйис! Быттö йöзыскöд тшöтш радло. Гожся кодь луныс шоныд. Клуб гөгöрас муыс кос нин, сэни котралисны челядь, увтчисны понъяс. Альберт чукöстис Катшысöс да веськöдчис пошталань, көни сийöс виччысис Карко.

Зонка вöлі шуда! Победа! Батъыс воас фронт вылысь! Сийö нуö аслас сиктö бур юөр! Мунігмозыс Альберт унаысь сувтліс, выльысь и выльысь лыддис капитуляция йылысь гижöдсö, кужис нин наизусть, но зэв ёна поліс, мед эськö сийö эз вош. Зонкалы кажитчис, мый кабаласö гижöма абу сиктса телефонистка, а ачыс Сталин либö маршал Жуков.

Коли нöшта вомöнавны пожöма яг, сэсся туйыс лэччöдас ю дорö, а сэни нин и сиктыс матын. Вуджан юсö, каян кыр воча, козъя вөр ді бөрти рöдтыштан ойдлана видзяс вомөн, муяс дорті — и гортын. Катшыс öні дышеника вöтчис бöрсяньыс, мудзöма, буракö, кузь туйтö вуджигөн.

Вöрыс помасис, тыдовтчис ю. Но мый нö тайö? Юыс вөрзöма. Ыдждыд йи палакъяс кывтисны увлань. Альбертлөн топавліс сьöлöмыс. Йи кывтö? Кыдзи? А мый нö öни вöчны Альбертлы? Кыдзи нö сийö гортöдзыс воöдчас? Зонка сувтöдіс вöвсö. Карко гора гөрöктис. Катшыс ордйöдіс найöс да гажаа увтöмөн уськöдчис юланьыс.

Мый-мый, но татшöмтортö Альберт и мөвпыштлыныс эз кужлы. Öд асывводзнас на, туйö петигөн да таладор берегас вуджигөн, ставыс бур вöлі. Туйыс кын, весиг ю дорышса ваясыс йизьöма-öсь. А öни? Öтнас кө, гашкö, позяс йи палак вывтйис чечтавны, да и то он лысьт, вильдан да дзумгысян кöдзыд ваас. А вöвсö кытчö колян? Некрыдз Альберт эз куж чайтны, мый веськалас татшöм лэчкö. А мамыс нинöм асывводзнас эз шу, мый вöчнысö детинкалы, йиыс кө вөрзяс. Сылы тайö тшöтш виччысьтöмтор, буракö. Бөр мунны орчча сиктö да сэни код ордын кө узыны? Сийö жö почтавивса уджалысь Лида ордас вöзйысьны? Но öд туйыс зэв кузь бöрсö бергöдчынысö?

А сэсся асывнас мый? Кодарö сетчыны? Колök, оз öти лун йиыс кылав. Мыйла мöдар берегас морт абу? Некодлысь и юавнысö: мый нö вöчны? Ачыс, дерт, мыжа, дыр манитчис сиктас да, сёрөн ю дорас воис.

Дерт, ю вөрзöмтö видзöдлыны сиктсаясыд воывлöны, но со некод абу. Сёр нин, рыглань кадыс, öд колö скöт вердны да семьятö ужнайтöдны. А, гашкö, оз на и тöдны, мый йиыс вөрзис? Öд ю дорсяньыс сиктöдзыс верст кык кымын, да и вөр нырд сиктсö сайöдö. Со и мамыс сийöс оз виччысь ю дорас.

А мый эськө и вочас мамыс? Сынөдтіыс өд оз вуджөд, мойдын моз ю вомоныс пос оз вермы лосьөдны.

Сідзкө, лоө татчө кольччыны. Пестыны бипур да тані и пукавны. Альберт личөдіс седелка гезсө, мед Каркоыслы вөляджык вөлі. Чөвтис сылы турун коляссө. Бур, мый мамыс тшөктис кос турунсө аскөдыс босьтны. Сідзкө, сійө чайтис, мый вермас татшөмторйыс лоны? Но мыйла нинөм эз шу? Мед не повзьөдны? Шуис кө, Альберт эськө повзис туйө петны? Да өд и няньсө Альбертыслы мамыс уна пуктөма. Сідзкө, сьөлөмнас кыліс: юыс вермас вөрзыны. Но надейтчис, мый оз на та өдйө.

Буракө, ю дорас ковмас войсө колявны. Вөлыдкөд да понйыскөд абу гажтөм. Куимнад он пов. Колө корсьны пес. Бур, мый мамыс жө чуйдіс чер босьтны. Шуис, чертөг да истөгтөг ылө туйө петны оз позь. Альберт тайөс и сідз төдіс. Сійө гөгөртис лым улысь мыччысьөм кушинсө, чукөртис пес ылө лөп, но колө вөлі кыськө корсьны коңда, мед войбыд кежлө эськө тырмис... Бара на бурпөт гөграліс да чукөртис, мый вөлі поэянаыс да коланаыс, сэсся дыр ноксис пөрөм кызд дорын, кулис сямөдсө, төдіс, мый уль лөптывд оз мөд өзйыны, кыскаліс-чукөртис өтилаө став пессө да өзтис бипур. Пыр и лои гажаджык, но пемыдыс ёна сукмис гөгөрыс. Юдорса вөрыс сулаліс сьөд стынйөн. Катшыс, буракө, гөгөрвоөма жө, мый гортөдзыс талун оз воны, куйліс бипур дорын да никсышталіс.

— Мый нө, кынөмыд сямалө? — шыасис зонка сы дорө.

Катшыс никсыштіс да ланьтис. Альберт кыскис сумкасьыс ид нянь джын, юкис шөри да сетис понйыслы. Мөд джынсө бара на кык пельө юкис, өти джынсө вомас суйис, а мөдсө коліс: кор ёна мөдас кынөмыс сямавны, сэк сёяс. Ветліс да чукөртыштіс разалөм турун сіяссө Карколы, мед тырмас асывводзөдз.

Би ылө видзөдігмоз казтыштіс талунъя лунсө. Сійө медводзаясь өтнас вөлөн ветліс мөд сиктөдз. И со мый лои. Бөр гортас эз лок. Но мед, Альберт өд ыджывд нин, абу китөм-коктөм, пөгибө оз во. Төдө, мый колө вөчны. Тапкөдыштіс морөс зепсө, тані кабаалаыс. Мед эськө оз вош, оз косяссьы, оз көтась. Талун сиктсаяс оз на төдны, мый воис Победа. Став мирыс празднуйтө, а найө оз төдны. Сэтшөм окота вөлі Альбертлы вайны тайө шу да юөрсө ас йөзлы, нимкодясьны накөд тшөттш. А өні? Дыр-ө мөдас кывтны йиыс? Вөлыслөн туруныс этша. Асылөдзыс лоө тані пукавны, а сэсся өд бара мыйкө тыдовтчас. Мый өні вөчө мамыс? Ёна, көнкө, майшасьө, дыр эз во да. Вермас лоны, висьталісны нин, мый юыс вөрзөма.

Бипур дорын пукавны вөлі лосьыд: биыс гажаа ворсөдчис, югдөдіс матігөгөрсө. Но мыш саяс — тшем пемыд. Шуштөм. Альберт төдіс, мый повнысө нинөмысь. Кутш ли катш кө кылас, медводз чепөсьяс понйыс. А сійө лөня куйліс бипур дорын, сөмын корсюрө пель лапсө вөрөдыштіс.

Альбертлы кажитчис, мый тайө кузь войыс оз нин и помасьлы, быттө эз и унмовсьлы, но ойбырмунсьылөма жө. Чур-чермуні садьмис Катшыслөн ёся увтөмысь. Зонка тільыштіс синъяс-сө: понйыс котраліс берегдор мозыс. Мөдарладорас кодьяскө

воёмаось, ва вылас лэдзёны пыж. Ётиыс, буракё, Опонь пёль, а мёдыс — Косьта, сусед, неважён воис ранитчём бёрын гортас. Альберт чепёсйис ю дорланьыс: воисны, воисны!

— Э-ге-ге!— горзё да өвтчё Альберт. Да нимкодъысла чеччалё-йёктё.— Э-ге-ге! Победа! Победа!— оз вермы виччысьны тайё берегас воёмсё ас сиктсаяслысь.

— Мы-ый?— абу кылёмаось найё.

— Победа! Победа!— бара горзё Альберт.

Сійё аддзё, кутшём сьёкыда вуджёны айлов: ётиыс тойлалё йи палакъяссё, мёдыс сынё на костті. Йи торьясыс гежёдджыкось тёрыгтя серти, но вёляысь кывтёны да тэрыбджыкось.

Косьтаыс, кузь гёленя сапёга, водзджык чеччис пыжсьыс да матёдіс сійёс берег дорланьыс.

— Но мый, пиук, шуан? Победа?

— Победа.

— Вай кутла тэнё бур юёрсыд!— топёдліс морёс бердас зонкаёс Косьта.


Опонь дед мыйлакё мёдарё бергёдчёма, тыдалё, синваыс петіс.

— Мамыд зэв нин ёна шогсьё тэ вёсна. Тёрыт висьталёмаось, мый юыс вёрзис, да ин оз аддзы. Куимысь рытнас пыраліс, майшасьё. Сэсся кодкё висьталёма, мый бипур пестёмаось мёдар берегас да лаймаліс,— висьталіс бёрынджык Опонь дед.

Каркоёс бура сёёдісны вайём турунён, юкталісны, домалісны пу дорё да колисны. Шуисны, мый вуджёдасны лун-мёд мысти, кор йиыс дугдас кывтны. Катшысёс да Альбертёс пуксьёдісны пыжё да вуджёдісны ю вомён. Гортлань! Бур юёрён!



Алексей ПОПОВ



ВОЙСЯ БИПУР ДОРЫН

КЫК ЮКОНА ПЬЕСА

ВОРСЫСЬЯС:

ГАБОВ — кокас ранитчөм салдат, ветлө кöстыльяс отсöгөн.

ÖНДРЕЙ — ки пöла салдат.

ДУНЯ — шопер, шöр арлыда.

МЕДВОДДЗА ЮКÖН

Тулыс пом да та вöсна ставныс шоныда пасьтасьöмаöсь. Салдатьяс шынеляöсь. Вокзалö пырö томиник салдат. Тайö сержант Габов. Чеччöма сöмын на локтысь поезд вылысь. Йöткасьö кöстыльяс отсöгөн. Мышкас мешöк. Сьöкыдырысь мунö да пуксьö. Пöрччö мешöксö. Видзöдалö гөгöрбок. Корсьö быттьö кодöскö. Мыччсьö ки пöла салдат. Ыджыд тушаа, ар комына кымын. Тайö Öндрей. Дзонь киа, пельпом саяс öшö-дöма нопсö.

ÖНДРЕЙ. Комилань мунысь эм абу?!

ГАБОВ (*видзöдö горöдысь вылö*). Ме, ме Комилань мунысь.

ÖНДРЕЙ. Тэ? Тэ нö кытысь ачыд?

ГАБОВ. Эжва боковысь.

ÖНДРЕЙ. Кыдз нö кöть, земляк, тэнö шуöны? (*Веськыд кисö чургöдö.*)

ГАБОВ. Öлексей... (*Мыччö воча кисö да быттьö виньдö. Сэсся зэв öдйö согтö.*) Василей. Василей ме.

ÖНДРЕЙ. Öлексей али Василей? (*Горакодь серöктö.*) Менам тай öти ним-а. Öндрейön шулöмаöсь. Öньюөн.

ГАБОВ. Ме Василей. Абу Öлексей. Сидз вомысь Öлексейыс чеччыштис. Вок менам сэтшöм нима вöли да.

ÖНДРЕЙ. Да, гортланьыд мунигөн шудыдла быдсямаыс овлö.

ГАБОВ. А тэ кытысь?

ӨНДРЕЙ. Ме, ме Комиысь.

ГАБОВ. Комиыд од паськыд. Эжваысь жö? Али Изьваысь? Колöкö, Печера вылысь да?

ӨНДРЕЙ. Бöрас висьтала. (*Мыйлакö весиг быттьö дöзмыштö.*)
Öнi некор. Тэрмасьöны йöзыс.

ГАБОВ (*нопсö волысалигмоз*). Мыйöн нö мунны көсьян?

ӨНДРЕЙ. Эстөн машина сулалö. Ме сöвти сы вылö мыйсьюрö...

ГАБОВ. Тэ шоперыс али мый? Öти кинад нö кыдзи...

ӨНДРЕЙ. Абу, абу ме. Мунан да аддзан.

Габов чеччалöмөн мунö. Öнью водзын восьлалö да сувтышглöмөн виччысьлö зонмös. Оз тэрмöдлы весиг.

ГАБОВ. Мун, мун. Ме сүдä.

ӨНДРЕЙ. Ноптö пöрччыв.

ГАБОВ. Ачым на эськö верма да. Отсалан кө — ог лөгась.

Өндрей кинас отсалö пöрччыны да нуö зонлысь нопсö. Матыстчöны машина дорö. Кабинаас пукалö нывбаба.

ӨНДРЕЙ. Со тайö шоперыс. Öдьяөн шуöны.

ДУНЯ (*вомалö*). Абу Öдä, а Дуня.

ӨНДРЕЙ. Со мунысьöс вайöдi.

ДУНЯ (*петö кабинасьыс, видзöдö зон вылö*). Жугалö кө машинай, кыдзи водзöсö мунас?

ӨНДРЕЙ. Мед сöлас... Жугалö кө, ме мыш вылын сийöс нуа.

ДУНЯ. Тэ? Эн сөр.

ӨНДРЕЙ. Ог жö сөр. Нуа, мися, ас вылын.

ДУНЯ. Тэ од туй костас бара бөр косан.

ӨНДРЕЙ. Эн йöз дырйиыс нинöм абусö висьтав. Шуи, мый нуа, сiдзкö, нуа. Ме кывнад тэ моз ог печлась.

ДУНЯ. Видзöдлам. Кыдз нö сийöс шуöны?

ӨНДРЕЙ. Ачыс висьталас. Эг торъя велав. Öлексейөн али Василейөн.

ГАБОВ. Василей ме.

ДУНЯ. Тэ, Öнью, кузолас кавшась. Василейыс мед ме дорö пуксяс. Куимнад кабинаад некыдзи ог төрöй.

ӨНДРЕЙ. Мед и пуксяс. Сöмын нинöм сыкöд эн вöч-а. (*Пелька кавшасьö кузолö да пуксьö мешöкьяс костö.*) Сöмын, Дуся, эн öдйö мун.

ДУНЯ. Верман татшöм туйöд öдйö мунны. Бура пуксьы. Öнi куритчыштам и вөрзьöдчам. (*Кыскö купайка зепсьыс чабрасьöм папирос пачка да чургöдö Öньюлань.*) На, чöсмась. Талы, зонмыслы, ог весиг вöзйы. Том на. Нинöмла велöдчынысö.

ӨНДРЕЙ. Менам аслам эм. (*Кыскö шынель зепсьыс табак көшельсö да кужтöг öти кинас гартыштö чигаркасö. Сэсса чургöдö көшельсö Габовлы.*) На, курит.

ГАБОВ (*нюжöдлö кисö, но мыйлакö зэв öдйö суйö зептас. Быттьö ассьыс корсьö*). Оз ков. Ме ог куритчы.

ӨНДРЕЙ. Он кө и он. Ми тай Öдjaköд тшынасям со-а.

ДУНЯ. Кутшöм нö ме тэныд Öдä лои? Сибалис сэни тайö

нимнас. Арсяньыс нин дөзмөдчө. Дуня ме. Кутан кө водзө тадзи шуны, чеччөда кузовсьыс. Подөн мун. Сідз эськө и лоас да. Бөрсө подөн жө косны ковмас.

ӨНДРЕЙ. Оз, мися. Помөдзыс муна. Кытчөдз тэ, сэтчөдз и ми. Сэсся видзөддам.

ДУНЯ. Тайос тэ унаысь нин шулин. Көсья вөлі верөс туйө гортө вайөдны, а тэ, тыдалө, гөгөрвоин да усйысин? Повзин али мый меысь?

ӨНДРЕЙ. Эг эськө да. Но пыр мыйкө вунөдсьөма лоө да сийөн коса.

ДУНЯ. Мый нө нин сэтшөмсө вунөдан, медым няйт пиас шыбитчыны?

ӨНДРЕЙ. Отитор. А талун помөдз тэкөд мунны? Көть нин Эжва ю дорөдзыс?

ДУНЯ. Он кө бара чеччышт.

ОНЬӨ (*аслыс бурджык пуксянин корсьө да мышкыртчөмөн ёкмьылтчө кузолас*). Мун ли мый нин сэсся. Пемдас да, збыльысь горшөдз сибдам.

ДУНЯ. Ог сибдөй. Менам локтигөн вөлөкыс шогмана вөлі. Эз на со зэр. Няйтыс дзикөдз шупалис. Зөркыдджык сөмын тэныд сэні лоас-а.

ӨНДРЕЙ. Ме вөсна эн майшась. Василей, тэ нө мый миян-лысь больгөмсө кывзан? Пуксьы нин кабинаас.

ГАБОВ. Гашкө, тэныд купайка сетны да. Менам мешөкын өд эм.

ӨНДРЕЙ. Ковмас кө — кора. Öнi сідз на абу көдзыд. Вай татчө ноштө. Сэні, кабинаас, и сідз дзескыд. Öдя. Бара эз сідз шусьы. Дуня со абу миян кодь косньөд. Вермас сідз тэно дзескы-дінад топөдны, мый нимтө вунөдан.

ДУНЯ. Дугды тшөкөлдывайтнытө. Миян сөян вылын он ёна тшөг. Абу важ кадыд. Пөттөдз сөйны мед.

Дуня да Габов пуксьөны кабинаас.

ГАБОВ. Дыр муннысө?

ДУНЯ. Абу регыд. Кутчысь кытчөкө. Кутчысьтөгыд шыблавны кутас. Ме вылө на верман веськавны-а. Сэки мый вөчны мөдам?

ГАБОВ. Кутчыся.

Кутө уджавны машина мотор. Мунөны быттьө зэв лёк туйөд.

ДУНЯ. Мый нө чужөмыд пөлөстчөма? Нимкодясь! Гортлань өд муна. Ме тэ кодьсө унаөс нин нулі. Ставныслөн вомныс пельөдзыс. А тэ со быттьө шома капуста паньыштөмыд. Эсійө сэтшөм жө. Мыйкө абу сідз али мый гортад?

ГАБОВ. Ставыс сідз.

ДУНЯ. Абу, тыдалө. Аддза өд. Он кө висьтав и эн. Мырдөн пычкыны ог кут. Туйыс водзын кузь на. Письтас да, ачыд висьта-лан.

ГАБОВ. Меным нинөм висьтавнысө.

ДУНЯ. Нинөм кө и нинөм.

ӨНДРЕЙ (*кучкалө кабина вевтас*). Сувтөд ассъыд тарантастө!

ДУНЯ. Мыйкө бара вунис али мый?

ӨНДРЕЙ. Эз. Сувт татчө! (*Машина сувтө. Мужичөй чеччыштө кузовсьыс.*)

ДУНЯ. Чайтан кө, мый ме тэнө ас гортөдз нуа, то эн таысь майшась.

ӨНДРЕЙ. Ог ме нинөмысь пов! Ог!

ДУНЯ. Полан на тай. Мыйыськө. Лолышт сынөдсө да бөр пуксьы.

ӨНДРЕЙ. А тэ лөсьыдджыка мун дай! Мед оз пыркөд.

ДУНЯ. Таысь лөсьыдасө некыдзи нин.

ӨНДРЕЙ. Муртса кузовсьыс эстчө эз чивгы да.

ДУНЯ. Оз нин ков аслыд чеччыштнытө.

ӨНДРЕЙ. Кад воас да, чеччышта. Öнi ог на.

ДУНЯ. Сидзкө, топыдджыка кутчысь. Татшөминьыс водзын зэв на уна. (*Габовлань юрсө бергөдыштөмөн юалө.*) А тэныд кызджык-мый? Оз шыблав эсийөыс моз?

ГАБОВ. Вывті бурыс абу.

ДУНЯ. Тянлы ставныдлы лёк. Быттө сөмын меным өтнамлы нимкодь татшөм туйтөыс кыскасьны.

ГАБОВ. Ме өд ог тай тэнө мыжды. Доймөм кокыс со кутис ёнтыны.

ДУНЯ. Öти пөлөса пукалігад, тыдалө. Петав лолыштны. Кокыд өшалыштас да, гашкө, кокнялас. Ме өд тэ кодьсө унаөс нин кык сайө вонад нулі.

ГАБОВ. Гашкө, петала да, збыльысь лөсьыдджык лоас.

ӨНДРЕЙ. Мед петалас. Тані эськө няйт да. Вильснитчас и быдөн.

ДУНЯ. Эн дыр сэні тапикась. Кадыс абу. Ме весиг вунөді, кызди тэнө нимтөны.

ГАБОВ (*өдйө*). Василейөн.

ӨНДРЕЙ (*Габовлы*). Вывті али мый нө лёк тэныд?

ГАБОВ. Абу эськө да. Петавны ковмас кокөс шойччөдыштны.

ӨНДРЕЙ. Ме тэнө час кутышта. Зэв нин лёкинө сувтөма да. (*Дунялы.*) Косджык, лөсьыдджыкин мөй эз сюр тэныд?

ДУНЯ (*петө жө*). Быдлаын татшөм. Со татчө лок, тані косджык. (*Кыскө папирос пачкасө да бара чургөдө мужикьяслань. Габов бара нюжөдлө кисө.*)

ӨНДРЕЙ (*казялө зонлысь ки нюжөдлөмсө*). Тшынасьлін али мый? Неважөн на, тыдалө, чөвтөмыд.

ГАБОВ. Эг, эг куритчыв. Некор эг. Сидз артмис.

ӨНДРЕЙ. Эн кө и эн. Меным нө мый.

Габов сулалө көстыльяс вылас мыджсьөмөн. Дыркодь чөв олөны.

ДУНЯ. Мыйкө кодкө висьталөй ли мый ли! Кутінныд сэні кыкнанныд чөв овны. Тадзтө өд ме өтнамөн верми мунны. Ме гаж вылө тьянөс босьті. А видзөдлан тьян вылө да, мөдарө на, жутыль босьтө. Кыкнанныд быттө шома турипув сөмын на курччалөмөн ньылыштөмныд.

ГАБОВ. Мый нө колө висьтавынысө?

ДУНЯ. Мыйкө висьталой дай.

ГАБОВ (*аггзө, мый Оңдрей нинөм оз көсый висьтавыны*).
Меным висьтавынсы дзык нинөм. Гортө со муна.

ДУНЯ. Татшөмгыяссө ме эг на босьтлы. Кык өткодьсө. Кыдзи бара ті өта-мөдныгө аддзинныд-а? Дыр корсьысинныд?

ОҢДРЕЙ (*Дунялы*). Куритчин?

ДУНЯ. Эн мөй папирос пом шыбитөмөс аддзыв?

ОҢДРЕЙ. Гашкө, мися, мөдөс помся озтан да.

ДУНЯ. Ог. Пөті.

ОҢДРЕЙ. Сідзкө, мунам водзлань.

ДУНЯ. Тэ мөй сөлан жө. Ме чайті, мый тэ татчөдз и локтін.
Сэсса бөр косан.

ОҢДРЕЙ. Шуи тай, мый кор кадыс воас, сэки и коса. А өні вай мунам, войыс суас туйкостас. Тэрмасьыштны колө. Сиктө-дзыс вель на ылын.

ДУНЯ. Тэ нө кыгысь төдан? Та ыласө эн на волі да.

ОҢДРЕЙ. Карта вылысь видзөдлі.

ГАБОВ. Збыльысь ылын на сиктөдзыс?

ДУНЯ. Ылынокдь. Оз кө нинөм ло, вой кежлас воам. Өні оз дыр кежлө пемдыв да, лөсьыд.

ГАБОВ. Сэні шойччыштам да, водзө на нуан миянөс?

ОҢДРЕЙ. Сэні тыдовтчас. Сэтчөдз воны на колө.

ДУНЯ. Эн вай лөксө чуксав. Нинөм оз ло. (*Кабиналань весь-көгчө*).

ОҢДРЕЙ. Миянкөд оз, а тэнад чибөйд вывті асныра. Вермас и дудны.

ДУНЯ. Сир пинь горшад. Пуксьөй. Мунам водзлань. Гортла-ньыд.

ОҢДРЕЙ. Мунам и эм. (*Отсалө пуксьыны Габовлы.*) Мунам өд?

ГАБОВ. Мунам. Гортө.

Машинаыс быгтьө вөрзье. Дуня зэвтчөмөн босьтчө бергөдлыны рульсө.

ДУНЯ. Тэ вай эн кыла-немөй моз пукав. Тадзитө өд меным, ок, гажтөм. Висьтав мыйкө.

ГАБОВ. Мый? Мый нө ме висьтала? Немечкөд тышкасьөм йывсьыс али мый?

ДУНЯ. Тайөс вай бурджык эн висьтав. Ме тэ кодьсө, шуа тай, зэв нин унаөс вайөдлы. И ставныс пызйысьөны-ошйысьөны, мый быгтьө на отсөгөн и зырисны немечтө. Ставныс кутшөмкө ыджыдтор вөчөмаөсь, мый Герой ним колө сетны, а налы весиг медальсө абу убөлитөмаөсь пысавны. Тэнад тай со абу жө унаыс.

ГАБОВ. Абу. Эг удит. А мый йылысь нө эськө висьтавынсы?

ДУНЯ. Радейтчөм йылысь. Ныв, көнкө, тэнө виччысьө и бы-дөн. Радейтө?

ГАБОВ (*тэрыба*). Гөтыр, гөтыр менө виччысьө. Аннуш.

ДУНЯ. Гөтыр? Зэв на том да. Быдтыны на колыштіс.

ГАБОВ. Мый? Мый быдтынысө?

ДУНЯ (*гылыда серөктө*). Збыльысь мөй эн гөгөрво шмони-төмсө?

ГАБОВ. А-а. Мый быдмана, быдмөма нин вөлі.

ДУНЯ. Челядь со эм нин и?

ГАБОВ. Эм.

ДУНЯ. Өти? Кык? Гашкө, куимөс нин удитлін лөсавны?

ГАБОВ. Дзик на өти. Ваньö.

ДУНЯ. Челядьды — тайö коланатор.

ГАБОВ. Эсйö, Оньюс нö, оз нин мөй медводдзаысь тэкöд мун?

ДУНЯ. Мыйла юасян?

ГАБОВ. Ачыд тай сылы некымынысь нин гарыштлін та йылысь.

ДУНЯ. Нинөм ме эг гарыштлы. Гашкө, кыв песөм могысь мыйкө и шусылыс да.

Габов гөгөрвоö, мый тайö сёрни визыс оз артмы, да ланьтö. Дунялы воддза сёрниис, тыдалö, лоис нин тырмымөн, да водзöсö эз жö нинөм кут юасны ни висьтасьны. Чöла бергöдлö рульсö. Моторыс мыйкө броткөдчыны босьтчö да другысьөн ланьтö.

ӨНДРЕЙ. Джөмдiс тай. *(Кабиналань юрсö нёровтлö.)*

ДУНЯ. Урсасин сэни да. Туналін, көнкө, бур пöт. Кузолад öт-надөн пукалiгөн.

ӨНДРЕЙ. Мед эг. Весиг эг мөвпыштлы та йылысь.

ДУНЯ *(чеччö да восьтö капотсö, гырководь вигзöгö)*. Кодныдкө мотора делöнас ноксылінныд эн?

ӨНДРЕЙ. Эг. Ме сэтысь нинөм ог пöтурайт.

ГАБОВ. Ме ог жö.

ӨНДРЕЙ *(лэччö кузолсьыс)*. Ачыд öд тай шоперыс, мый миянысь юасян. Тэ кö нинөм он аддзы, кытысь нин миянлы.

ДУНЯ. Ме сiдз юали. *(Водзö мыйкө ноксьö.)*

Габов кöстыльяснас йөткасьөмөн локтö на дорö да орччөнмоз сувтö.

ӨНДРЕЙ *(Дунялы)*. Мыйкө не сiдз али мый?

ДУНЯ. Ставыс сiдз.

ГАБОВ. Лөсьöдiн? Водзö сэсся мунам?

ДУНЯ. Водзö ни бөрö ог мунöй. Дудiс миян кöрт вöвным. Ковмас кодныдлыкö бөр карас ветлыны.

ӨНДРЕЙ. Кыдзи коднымлыкö? Тэ Василей вылас бурджыка видзöдлы. Вермас оз сйö кöстыльяснас йөткасьөмөн сы ылнаас собны няйтöдыс?

ДУНЯ. Тэныд и со нимкодь лои. *(Серөктыштö.)* Оз нин ков помка корсьны, медым бөр бергöдчыны.

ӨНДРЕЙ. Муна кö сэтчö, то бөрсö нö кодi локтас? Бытгö мыйкө кö вайны карсьыс колö? Ог öд сэтысянь татчöдз чивгы. А мый нö эськө вайнысö колö? Мыйла бөр сыланьö колö ветлынысö?

ДУНЯ. Со дась нин чепöсйыны. Да он колöй тi некоднанныд. Меным ковмас тапсьöдлыны. Аслым.

ГАБОВ. Мыйла аслыд? Онью со мужик морт, сйö тэрыбджыка öтарö-мөдарö ветлас.

ДУНЯ. Оз төд сийө, мый колө вайнысө.

ӨНДРЕЙ. Төдтөг ог ов. Төда. Кутшөмкө көрттор ли мый ли. Машинаыдлы өд сийө колө. Сідз өд?!

ДУНЯ. Тэ моторсыыс нинөм он гөгөрво. Мыйкө мөдтор ваян дай. Сөмын весьшөрө туйсө лоян. Энлы. Он-ө, эсийө, тэ кодкөдкө, мөд машинакөд коланаторсө көсйы ыстыны? Мунан сэтчө да кольччан. Сийөн и вөзйысян.

ӨНДРЕЙ. Ме ог вөзйысь. Ветлы ачыл. Зэв кө телепит. Меным кө эськө жугалөм көртторсө сетін, өдйө сэтшөмсө жө карсыыс эськө корси. Ме сэтысь быд розь нин төда.

ДУНЯ. Дзоньнас өд ог кут разьны моторсө, ичөтик часьт вөснаыс. Ме зэв бура төда, мый колө да кутшөм. Эз нин өтчыд сийө жугавлы. Вай дугдам ызгынытө. Тиянлы тані олыштны ковмас. Он кө быттьө асьныд водзө мунөй.

ГАБОВ. Видзам машинасө. Олыштам тэ локтөдз.

ДУНЯ. Сийөс видзны эськө оз ков да. Татчө некод оз лок. Нинөм оз вош сэтысь.

ӨНДРЕЙ. А кодкө кө машинаөн локтас ли, мунас ли? Сэні пукалысьясыс кө пакөститчасны.

ДУНЯ. Эн сөр. Менө тані ставныс төдөны, и ме төда быд шоперөс. Ота-мөдлысь некод и некор нинөм на юасьтөг эз босьтлыны. Отсавны отсавлісны, но медым мыйкө босьтны. Тэ, Öньө, мыйла тайө сёрнисө панін? Он-ө көсйы ме бөрся локны? Тэ вай зонсө татчө өтнассө эн коль. Съөд вөр шөрас.

ГАБОВ. Ме эськө некодысь нин ог пов да. Не татшөмтор ме вывті мунліс. Войвывса вөрад дивъя войколавнытө. Көсйө кө, мед мунө. Ме тай ас пайысь тэнө, Дуня, виччыся-а.

ӨНДРЕЙ. Ог ме некытчө татысь вөрзья, ог. Ме ёртгыастө съөд вөр шөрад некор на өтнанысө эг кольыв.

ДУНЯ. Вай мыйкө сөйыштам, а сэссия ме туйө пета. Тшыг кынөмнад өдйө жуньгас. *(Сюйлө юрсө кабина пытшикас да кыскө чышьяно гартыштөм пуөм картупель, сукар торьяс нөшта эм тубрасас, а сэссия нинөм эз и вөв.)*

Öньө аслас нопйысь кыскө жө путөм картупель.

ӨНДРЕЙ. Тайөс пөжавны на колө.

ГАБОВ *(разьө мешөксө да кыскө яя кансер банка)*. На, сөйөй. Та вылын эбөсыд содасджык. Дуня, паньыд эм?

ДУНЯ. Эм.

Габов восьтө банкасө.

ӨНДРЕЙ. Гашкө, бипур пестам да шыдтор пуыштам. Менам некымын путөм картупель на мешөкын эм. Ва сорнад яя кансерыд эськө нурьяджык и быдөн лоө да. Сукар торьяс кө на нөшта шыдас шыбитан. Öзта? Бипурсө öзта?

ГАБОВ *(Дунялы)*. Сідз сөям кө-а. Тэныд өд со тэрмасьыштны на колө и. Сідз өд?

ДУНЯ. Öдйөджык кө вөрзя, эськө бурджык да. А то рытыс суас да корсь сэссия йөзсө да тайө жугалөм часьт вежанторсө. Ми өд ог ставсө сөйөй. Ті кольччанныд да пуөй. Кадыд лоас.

ГАБОВ. Сідзкө, тэ отнадон и сэй. Бырөд джынсө. Ми мөд джынсьыс шыд пуам. Да өд, Оңдрей?

ӨНДРЕЙ. Мед сёяс. Дуня, эн яндысь, көть ставнас бырөд. Миян вылө эн видзөд. Тэныд өд эбөсыд ковмас. Төдам өд. Ми Василейкөд унатор аддзылим да төдлим. Сідз өд, землякө?

**Дуня бытгьө пискапырысь, жалитөмөн, пань йывнас босьталыштис
банкасьыс яй да гос торъяссө.**

ДУНЯ (*неуна панясьыштө*). Сэсся оз ков. Пөті.

ГАБОВ (*видзөдлө банкаас*). Тэнад абу на со чинлөма да. Вай сёйышт на. Миянлы өд тырмас. Менам нөшта коли. Бытгьө дыр кө локны он кут.

ӨНДРЕЙ. Сэй, эн куражитчы.

ДУНЯ (*бара неуна сёйыштө*). Öнi позьö и вөрзбөдчыны. Дзи-көдз тшыгъялөм мортос верма нин пановтны. Воөдча өд час-мөднад карөдзыс. Воа, дерт. Кыдз нө ог воыс? Бура олөй. Виччы-сьөй.

**Дуня саялө. Öнью корсьö кос бедьяс да чукөртö. Аддзö джек кодь
пу да тажъялөмөн öти кинас кыскö.**

ӨНДРЕЙ. Тайö пуклос пыдди. А татчө тэ, Василей, бипур пестышт. (*Кыскö мешоксьыс неыджыд пөрт*). Ме ветла ва корсьны. Гөптысь өд ог кут гумлавны. Гашкө, көнкө матигөгөрын ёль визувтө.

ГАБОВ. Ылө эн мун. (*Öзтö бипур. Пукалö сы горын да любуйтчö öзыйсь бедьяснас. Сувтөмөн виччысьö Öндрейöс. Мөдыс век абу. Йөткыштчö көстыльяснас да веськөдчö мунны. Но оз ылөдз мун. Бур кокыс кытчөкө крукасьö, көстылыс такөд тиөтти вильснитö и сунгысьö. Водö мыш вылас, видзөдö енэжас да тагзи куйлө.*)

ӨНДРЕЙ (*мыччысьö*). Шойччан?

ГАБОВ. Шойчча.

ӨНДРЕЙ. Ва гөптас водөмыд да. Кос местаыс эз сюр али мый?

ГАБОВ. Уси. Пес корсьны со мөдөдчи да татчөдз и вои. Крукаси велавтөгьд. Нинөм, кута сяммыны и вөрөд-ягөд уявны.

ӨНДРЕЙ. Велалан. Ме тай öти кинам первөйяссö нинөм жö эг сяммыв вöчны-а. Сэсся тай велалi. Дерт, унатор на ог куж, но ставыс водзын. Кутан и тэ чирк моз вутшгьяс костыс чеччавны. Овны кө көсьян — быдторйö мортыд вермө велавны.

ГАБОВ. Отсышт чеччынысö. (*Кисö нюжөдö.*) Ачым эськө верма жö да, но быгласигас дзикөдз верма няйт ванас көтасыны.

ӨНДРЕЙ (*отсалö кылөдчыны*). Ёльсö эськө эг аддзы да. Нюр матын паныдасис, сэтысь гумовтi. Шулөны эськө, мый нюр васьыд зоб вермас мыччысьны. Но да öтчыдысьнад, гашкө, оз на слöймы чужнысö. Унаысь кө пö тай юан — сэк зобьясян.

Öшөдöны бипур вылө пөрт. Габов весалö картофель.

ӨНДРЕЙ (*видзөдө том мортлөн угж бөрся*). Керкаын кө эськө и ачым кызкө-мыйкө тайос вөчи. Пызан вылө пукті да. Тані ог сяммы. Му вылас кө койышта да весала, то он нин сэс-ся мыськынысө нинөм чукөрт.

Кыкнанныс перйөны мешөксьыс неыджыд тасьтйөн, кытчө пуктөны сукар торпыригсө, коді кольыштіс Дунялөн.

ГАБОВ. Менам эськө мешөкын нянь на эм да.

ӨНДРЕЙ. Сійө сідз на кылалас. Туйыс кузь на. Өні сукарыс татчө тырмымөн лоө. Менам өд эм жө на няныс. Неуна. Чайта, мый асылөдзыс Дуняыс бергөдчас. Сэсся ставыс кө бур лоас, вермам водзө визгыны-мунны. Быгтьө, артмас кө сылөн мыйкө.

ГАБОВ. Артмас. Сійө, Дуняыс, эз нин, тыдалө, өтчыдысь ташөминас сюрлы. Сяммас петнысө.

ӨНДРЕЙ. Видзөдлам. Миянлы тані кокныдджык. Виччысь сөмын. А сылы. (*Видлө пөртйысь паньөн.*) Рушмыштөм картупельдыд яр би вылад өдйө пусяс. Регыд дась лоө.

ГАБОВ. Пөт кынөмнад виччысьнытө кокныдджык.

Пукталөны пөртйысь шыдсө да сөйөны. Өндрей ветлө мыськыштыны пөртсө да тасьтияссө. Габов видзөдө сотчысь бипур вылө. Өндрей локтө да тэчө дозмуксө нописьсө. Пуксьө Габовкөд орччөн.

ӨНДРЕЙ (*кыскө кошельсө*). Куритчылін али сідз дурлін?

ГАБОВ. Мый?

ӨНДРЕЙ. Тшынасьөмсө шуа. Ёна кыскавлін тшынсө?

ГАБОВ. Эг. Вөвлі эськө татшөмторйыс да. Куритчывлі коркө.

ӨНДРЕЙ. Зэв тай сюся видзөдан куритчөмөс да, сійөн гөгөр-вои. Кыскышт, сэтшөма нин колө.

ГАБОВ. Ог нин. Шыбиті кө, дзыкөдз кежлө нин ковмас чөвтчыны.

ӨНДРЕЙ. Эн и эм. Нинөмла выльысь босьтчыны. Ме тай со апала на. Гашкө, коркө дугда жө. Кор лёкысь кызөдны кутас. Ме өд водзті, война вылад босьттөдз, некор эг куритчыв. Сэні велалі. Партизанитігөн и то эг курит. Сөмын сы бөрын, кор... (*Чөв олөны. Быдөн ассьыс мөвпалө.*) Тэныд нө гортад окота абу локнытө?

ГАБОВ. Мый? Мый абу окота?

ӨНДРЕЙ. Гортад локнысө, шуа?

ГАБОВ. Окота. Мыйла нө абу?

ӨНДРЕЙ. А меным со абу.

ГАБОВ. Мыйла?

ӨНДРЕЙ. Кузя ковмас висьтавысө.

ГАБОВ. Гөтырыд мөдкөд овмөдчис али мый?

ӨНДРЕЙ. Та кузя ставыс бур.

ГАБОВ. Мыйкө мөдтор лоис али мый?

ӨНДРЕЙ. Эн и юась. Ог жө висьтав-а.

ГАБОВ. Он кө көсйы, эн и висьтав. Быдөнлөн аслас гусятор.

ӨНДРЕЙ. Абу на быд гусятор өткодь.

ГАБОВ. Код төдас на.

ӨНДРЕЙ (сувтлөмөн видзөдлө да бөр пуксьö). Дуняыслы, тыдалö, эз сюр колана часьтыс. Либö кытчöкө ылалис ли сибдiс ли. Быдторсö ковмас мөвпавны виччысигад.

ГАБОВ. Коркö локтас.

ӨНДРЕЙ. Василей, тэ со гортад нимкодпырысь локтан, а ме со ог и тöд, воа ог сэтчöдз.

ГАБОВ. Мыйла? Мыйла он во? Ми жö зэв нин матынöсь Коми мусяныс. Локтам Эжва юöдзыс, и гортынöсь нин.

ӨНДРЕЙ. Сэтчöдз, гашкö и, воа, но водзöсö? Водзöсö сэсся мый? А водзöсö и ог тöд. Со öд мый выйöдз вои. Гортыд нин тыдалö, а локнытö он лысьт.

ГАБОВ. Мыйла он лысьтыс?

ӨНДРЕЙ. Тэ том на, нинöм на он тöд олöмсьыс.

ГАБОВ. Тöда эськö да. Абу куш тэнад гусьторьясыс.

ӨНДРЕЙ. Тэ, Василей, мортыс абу шыбитана. Да и код тöдас кытысь, кутшöм сиктысь. Сёрнитанногыд абу мян вожысь. Та вöсна менсьым сёрниöс паськөдöмысь ог пов. А пытшкын кутны сэсся вын абу жö да, гашкö, тэ кутшöмкö туй индан.

ГАБОВ. Ме ог и тöд, мый татчö вочавидзнысö. Мырдысьөн висьтавны ог кор. Менам аслам олöм, тэнад аслад жö дай. Меным эськö и аслым нин кад мыйкö кодлыкö...

ӨНДРЕЙ. Василей. Ме öд збыльысь нин унаысь ырыштчылі тайö вöлөксö вуджны. И век бөр кослі. Ог вермы, и ставыс. Ог вермы водзöсö мунны, ог. Та ыласö, кытчöдз ми талун воöдчим, эг на веськавлы весиг. Гашкö, кодкö вылісянь меным тэнö ыстiс да. Енэжсяныс, шуа. Эн кö тэ кок пöла вöv, гашкö, ме важөн нин бөр карас вöлі да. Тэнö туй костö öтнадтö кольны ог кöсйы. Мыйкö лоас да, кыз кутан öтнадөн, öти кокнад водзöсö мунны? И со быттö тöдсьöма. Агтьö тэныд таысь! Та вöсна, гашкö, и висьтала став збыльсö да. Час пескысла ветла да висьтала.

Өндрей сувтö да мунö. Габов видзöдö сы вылö.

МÖД ЮКÖН

Вöчсьö сэнi жö. Габов пукалö. Өндрей вайö моздор тыр бедь. Пуксьö. Дыркодь чöv олöны.

ӨНДРЕЙ. Босьтчи да висьтала нин. Кымын арöс эськö меным сетан?

ГАБОВ. Ар комын кымын.

ӨНДРЕЙ. Сiдз кымын и эм. Война öзьян воö ме вöлі нин пöрнöй арлыда мортөн. Кыз шуласны, гöтыра и мöтыра нин вöлі. Гөрд Армияад эз босьтлыны. Кöсья эськö ачым вöлі да, мыйкö вывтi нин чига нулісны ме кодь арлыда рекрутьяссö. Кытчöкө тай пысасисны-а. Бөр косöдiсны. Пырысьтöм-пыр и гöтраси суседьяслөн Наста нима ныв вылö. Война пансян кадö ныла-пия нин вöліны. Но фронт вылö босьтiсны медводдзаяс лыдас.

ГАБОВ. Сiдзкö, тэ нелямын öтиöдсяныс война вылад? А менö нелямын коймöдын босьтiсны. Кольöм гожöм.

ӨНДРЕЙ. Бур, мый эз Москва дорё ыстыны, сэни пö ставсö шырöмөн-шырöны, некод ловйөн оз пет. Но и сэни, кытчö веськалі, эз жö кокныдыс вöv. Уна выль тöдсаöс ковмис дзебны. Но ачым со мöд гожöмöдзыс олі да, весиг эз парсышт пуляыс да граната-бомбалөн торпыригыс. Но пыр öд сэсса оз жö шудыд тэно видзны вермы. Немечьяс лёкыс уськöдчисны зырны миянöс.

ГАБОВ. Ме тайöс эг нин су.

ӨНДРЕЙ. Öти косьын дзик неыло самолётсянь чöвтöм бомба пасьмуніс. И ставыс пемдіс. Ас садьö вои да пу лапгьяс вылын куйла. А найöс кыскö кутшöмкö салдат. Тэ нö коді? Юася. Ме пö тайö. Бергöдчыліс да, тöдмалі миян взводысь тöдса салдатöс. И бара садьöс вошти. Войнас сöмын палялі. Вöрса эрд вылын. Орччөн моз куйло менö кыскысь салдатыд. Абу ловья. Выныштчи да кысси пуяслань. Код тöдас, көні да кодьяс тані ыджыдьясыс. Со тай нö немечыд кыз вувзысис. Гашкö, мый ылао бара зырисны миянлысь часьтсö да.

ГАБОВ. Дзик сідз. Мукöддырйиис он вöлі нинöм гөгөрво. Пырсяс пыдöджык да, кытшö на сюрлан и.

ӨНДРЕЙ. Асыв воис, некод некытөн оз кыв. Лун шөрöдзыс куйлі пу улын. Бытгтьö ас садьöджык воны босьтчи. Видзöдавны ачымöс гөгөрбок куті. Быдлаті морöсöс гартлöмаöсь, но, тыдалö, абу ёна парсыштчöма. Ёна кө öд, эг нин ловья вöv. Но мыйла гимнастёркаöй дзонь кодь? Тадзи кө öд доймалі, сійö пож кодь лоис. Да и абу сэтшöм вирöсь, сэсса и дзескыдджык бытгтьö. Куті видлавны зепгьяссö, көні став документгьясöй куйлісны. Дзик тыртöмөсь зепгьясыс. Весиг кыссылі эрд шöрын куйлысь салдат дорад да сы дорысь корси. Сылөн сöмын аслас кабалаясыс. Бөр пуяслань кысси. Муртавны куті, кыззи вермис тадзисö лоны. Тыдалö, пöрччöдöмаöсь менö ранитчöм бöрас. Шыбитöмаöсь гимнастёркаöс. Мыйлакö, весиг нинöм сэтысь абу перйöмаöсь. Гашкö, вывті тэрмасисны, колökö, кодкö зептас суйис да ачыс сэсса пуля шöрад веськаліс. Кытысь тöдан?

ГАБОВ. Да. Кытысь тöдан? Войнаыд война и эм. Сэсса петін жö миян йöз дорас?

ӨНДРЕЙ. Энлы. Эн тэрмась. Дзутся да бара некодлы нинöм ог висьтав. Неылын кыліс немеч сёрни. Ляскыси му бердö. Эз казьявны. Сэсса рытöдзыс некодöс эг кывлы. Пемдöм бöрын босьтчи кыссыны кыз позьö ылöджык. Асывнас немечыд, гашкö, мыйтта воас да таті мунны кутас. Сэсса кок йылö сувті. Видлыны, верма ог мунны. Ёна-ö вирсö вошти. Юрöй бергöдчыштö, но мунны верма. Перйи бедь да сы отсöгөн веськöдчи код тöдас кодарлань. Вежон мысти локаси партизангьяскöд. Куш ва вылад да пожöм йыв сёйигад став эбöсöй нин бырöма вöлі. Но кок выло öдйö сувті. Бур, мый гач зептын дöраторйö гартыштöмөн вурлі медальонсö, көні вöлі гижöма, коді да кытысь. Эскисны висьталöмлы да, быдса төв на партизаналі. Кытчöдз немечтö эз вöтлыны тайö вöрьяссыс.

ГАБОВ. А документгьясыд сюрини? Аддзин найöс?

ӨНДРЕЙ. Кытысь нö найöс аддзан? Бур, мый партизангьяслөн веськöдлысьыс повтöмлунысь ёна ошкис. Вель дыр юасисны, коді да кытысь? Мыйла некутшöм кабала ас йылысь абу? Сöмын

медальоныд сьорсыд. Ме и налы висьтала, кызд вермис, ме чайтөм серти, татшөмыс лоны. Петкөдлі мышкысь да морөсысь став вурыссө. Тыдалө, война вылад быдторыйыс овлө. Юасысь йөзыс, төдөмысь, унатор кывлөмаось да аддзывлөмаось. Но военкоматас, кытысянь босьтлісны, көйысисны гижны, мед пө подулаласны мыйөнкө тэ йылысь.

ГАБОВ. А китө нө паризаналигад воштін?

ӨНДРЕЙ. Эг. Бөрынджык. Ме сэсса ачым гортө письмө гжи. И кор воис вочакывйыс, муртса эг весьөпөр. Чойөй гижөма. Ме пө, Оньө, өні почта вылын уджала да бур, мый письмөтө некодлы эг сет. Тэ йылысь пө өд во сайын кымын нин похоронка воліс. Вай пө, Ен могысь, кызкө дзедьсы ли мый ли. Гөтырыдлы пө челядь вылад пенсия воө. Төдмаласны кө пө, мый тэ ловъя, бөр сьөмсө бергөдасны. Кытысь сы мындасө босьтасны? Ме пө, гижө чойөй, некодлы эг сет тэнсьыд письмөтө. Ставөн чайтөны, мый тэ ловтө пуктөмыд. Гашкө, мед пө сідзи и лоас да?

ГАБОВ. Гашкө, доймалөм бөрас өртъясыд тэнө пөрччөдісны да гимнастөркатө шыбитісны?

ӨНДРЕЙ. Ме тай сіджө мөвпала. Юавны некодлысь. Кызди збыльысьсө вөлөма? Кызди менө усьөманас вөчөмаось? Збыльысь мөй кутасны бөр перйыны челядьыслы сетлөм сьөмсө?

ГАБОВ. Тэ менсьым юалан?

ӨНДРЕЙ. И тэнсьыд, и ассьым. Ассьым эськө код төдас кымынысь нин юавлі да. А ылөдлысьөн кө менө шуасны? Мый нарoшнө гимнастөркаөс код вылө кө пасьтөді, мед кулөмаөн чайтисны? Уна весьөпөртана мөвп визъяліс сэки юрын. Такөданаыс ни өти эз во. Полі, мый военкоматас гижасны ме йылысь, да казьяласны. Но, мыйлакө, во джын коли, а некод эз топөд. Колөкө, эз ыстывны военкоматас юөрсө. Гашкө, ыстылісны да, сэнні мыйкө дзугисны. Өд Попов Андрей Васильевичыс уна. Сөмын миян классын кыкөн вөлім. Код төдас, мый лои збыльысьсө. Но чойлы гжи, мый өні ог на явит ачымөс. Мед сөмын сійө и төдө, мый ловъя. Сэсса, мися, видзөдлам. Войнаыд война и эм. Он төд, кор ловтө пуктан.

ГАБОВ. Тайөс збыльысь сэнні он төд.

ӨНДРЕЙ. Лов пуктөмөдз эг во, но шуйга кий со өна доймис. Сэтчөдз дрөбитчис, мый йитлынысө нин оз вөлі позь. Гырдазаөдз вундісны. Госпитальын туплясигөн бара гжи чойлы юөр. Мый ки пөла лои. Но тайө, тыдалө, оз мезды менө дзикөдз. Көсьясны кө, то дзескөдасны помөдз. Ме вылө пинь йирысьыд и ас сиктын на сюрө. Ылө оз ков мунны. Айөс өд кулакалысьясыс ловъяөсь на. Чой гижліс, мый сельсөвет да колкоз на кийн. Кулак питө дыр-ө винтуйтныгтө? Бать рөдас пө кыскөма, йөз сьылі вылын пө мөвпыштөма ассьыс челядьсө видзны. И таысь турки-таркиөн нуасны кытчөкө айөс моз. Сійөс тай кулачитөм бөрас ыстісны нөшта войвылө да, эз и воы бөрсө. Гашкө, нуөдігас и шковгисны-льийисны. Зэв асныра вөлі да. Көнкө, тшөтясьны кутіс. Код төдас! Лы ни кучик тай абу сылөн-а. Дзедьбисны эз морт ногөн — код төдас. И менам татшөм жө туй помьс лоас. Быттьө ловйөн кө немвичысьтөг гортө бергөдча. Тайөс гжи чойлы, а сійө ме дор жө сувтіс. Вермас пө тэ ногөн лоны.

ГАБОВ. Миян сиктын өд быдсыма йөзыс жө вөлі. Менам айө, вөлөм, кужө гын сапөг вөчны, вурсьыны. Ёна ветлөма бокө најөвитчыны. Йөзыс висьтавлісны, пыр пө уджаліс, весиг пө сөйө вөлі уджалігмозыс. Сідзи зільөмнас тырмана овмөсаөсь вөліны, да та вөсна и кулачитісны миянөс. Мый вөлі керкаын көлуйыс да скөтыс, ставсө мырддисны. Но сюри өти грамотнөй морт, коді гижис власьгьяслы шыөдчөм, мый оз позь найөс кулачитнысө, Көзяиныс пө, миян айным, абу нин ловья да, оз вөлөм позь кулакавнысө. Вөлі нин көсийөны керкасыным вөтлыны да та бөрын энөвтчисны жө.

ӨНДРЕЙ. Тян тай менам кодь жө олөмыд. Абу торья вежалана. Госпиталяд өд сэсся нэм он туплясь. Лэдзисны гортө. Дыр на эг пет тайө карсьыс. То өтилы отсышта сөян вылө, то сөвтчаректыся лавкаяслы. Көть өти киа, но вынөй судзьсыліс вөчны быд сьөкыд уджсө. Сэсся мыйкө погонаясыс, торйөн нин милиционерьяс, кутісны кыдзкө аслыспөлөса ме вылө видзөдны. Мыйла пө тэ тані бергалан, гортланыд он сетчы. Мыйкө пө тэнад сэні абу лючки-ладнө? Ковмис поездө пуксьыны да вөрззыны водзө. Вермасны өд гижны сиктаным ме йылысь.

ГАБОВ. Сэсся татчөдз, тайө карөдзыс воин?

ӨНДРЕЙ. Эг на пырысьтөм-пыр. Отилаө сувтлі жө, но эг нин дыр кежлө. Вежон кык, гашкө, эг ов. Водзө мөдөдчи. А тайө карас вои кольөм ар да тані и төвйи. Öти пөрысь пөч ордө пыри патеруйтны. Висьталі, мый гортын некод оз виччысь, да жаляддза лэдзис олыштны. Кодсюрө эськө бара босьгчылісны төдманы, мыйла татчө кольччи, Комиыс со тыдалө нин да. Öтилы вочавидзлі, мый аски нин туйө пета, мөдды мыйкө нөшта сөрлі.

ГАБОВ. Дуныыс со висьталіс, мый тэ ськөд некымынысь нин туйө петлөмыд. Бөр кослін али мый нө?

ӨНДРЕЙ. Кослі. И эг сөмын ськөд босьгчыв гортлань сетчынөтө. Збыльысь, унаысь ырыштчывлі мунны Коми муө. Но то вөла додьсьыс чечча да бөр коса, весиг ог висьтав, мыйла, то машина вывсьыд мунігкостыс чеччышта. Тадзи жө вөлі, кор медводдзаысь вөзйыси Дуня дорас. Отсалі сылы машинаас мешөк-ящикьяс сөвтны да кори, мед нуас Эжва дорөдзыс көть. Сэтысянь, мися, парокөдөн ката. Босьгис гаж вылө, а верст кык мысти чеччышті нин кузовсьыс да и бөр бергөдчи. Мөдысь тадзи жө. Со өні тэкөд мөдөдчи. Кыдз тэ, Василей, думайтан, мунны абу гортланьө?

ГАБОВ. Ог и төд, мый вочавидзнысө. Но нэмтө өд он кут дзебсясьны.

ӨНДРЕЙ. Сійө өд и эм. Тайө өд и вөтлө со менө гортланыыс. Тайө мөвпыс. Верми өд и кольччыны кыгчөкө. Овны кыдзкө-мыйкө. Но тайө мөй олөм лоө?! Сідз өд, Василей?

ГАБОВ. Да абу ме Василей, абу! Öлексей ме! Öлексей!
(Шуө тайөс да юрсө өшөдө.)

ӨНДРЕЙ. Кыдзи Öлексей? Василейөн висьтасин да?

ГАБОВ. Абу куш тэнад шогыс. Ме өд ог жө тай бур сьөлөмөн гортө со лок.

ӨНДРЕЙ. Нинөм ог гөгөрво. Тэ нө збыльысьсө коді? Мыйла другысьсөн Öлексейөн лоин?

ГАБОВ. Олексейон нэмсө вөлі эськө да. Со тай Василейон ковмө гортө локны. Вок менам вөлі. Василей нима. Звоннияс ми ськөд.

ӨНДРЕЙ. А көні нө сійө? Век на вөрөгкөд косясьө?

ГАБОВ. Оз нин. Уси сійө. Кор миянөс босьтисны война вылад, медся ёна полім, мый регыд мысти янсодасны. Мый көть и звоннияс, оз од кутны та вылө видзөдны. Кодным кытчө шогмам, сэтчө и ыстасны. Но быттьө кодкө вылісянь отсасис миянлы, эз лэдз разөдчыны. Миян од, кыз шуласны, гөг сюрөсным отлаын. Кыдзи асьнымөс төдам, некор эг торйөдчывлөй. Василей со весиг гөтрасис да гортө жө пөвсө вайис. Янастор вөчим том гозъялы.

ӨНДРЕЙ. А тэ ачыд гөтыртөм?

ГАБОВ. Эг слөймы. Вокөй панийс. Гортсяяс йылысь, война дырйиис нин сёрнитигөн медсясө пыр юаси Василейлөн семьякост олөм йывсьыс. Быттьө мыйкө кыліс менам сьолөмөй да көсийс унатор төдмавны Аннуш йывсьыс. Василей весиг дөзмывліс таысь. Тыдалө, вежөгтис.

ӨНДРЕЙ. А вөлі мыйысь вежөгтынысьө?

ГАБОВ. Вөлі, дерт. Эз на од сылөн вун, кызди ме котравлі жө Аннуш бөрсяяс. Но ныв, мыйлакө сійөс, Василейөс, бөрйис. Но медся нин ёна ме көйи төдны, көніджык уна вояс сайын ичөтик на Аннуш тапнитис Василейлы веськыд пельпомас? Кымынысь нин эськө юасьлі быдмигас та йылысь да, но сійө некыз эз висьтав збыльсө.

ӨНДРЕЙ. Мыйла нө буретш тайөс көсийин төдмавнысьө? Нинөм ог гөгөрво тэнад висьталөмысь.

ГАБОВ. Миянөс од мамысь өприч некод торйөдны эз вермыв. Дзик нин откодьөсь вөлім да. Орчча керкаысь Аннуш нима нывка эз жө вермыв. Ми ськөд пыр ворслім. Унаысь ылөддывлім. Сійө быттьө сёрнитө мекөд, а, вөлөмкө, Василейкөд, Ёна ота-мөд пыдди овлім, йөзсө пөръявльывлім. Век корим мамөлысь, мед дзик оти пөлөс паськөм вөлі, оти ногөн кыкнаннымысь юрнымөс шырліс. Йөзыс эськө шуасьоны вөлі и быдөн да. Вай пө көть кызкө торйөдышт пиянтө, мед төдім, кодныс коді. Но мам миянлысь кывзысис да сөмын вашмунліс шуасьысыяс вылад. Ме пө тай верма торйөднысьө-а.

ӨНДРЕЙ. Да, мамыд төдас.

ГАБОВ. Аннуш унаысь дөзмывліс миян вылө надуритчөмсьыд. И ичөтдырйи на мөвпыштис со мый. Ворсім отчыд ськөд налөн звөз улын. Василей тай эз вөв-а. Гашкө, Аннуш мудеритис да эз кор сійөс. Немвиччысьтөг шуис: «Василей, тэ мекөд көсьян ёртасыны?» Кыдз нө ог? Та вөсна и шуи, мый ме абу Василей, а Олексей. Збыль пө. Мися, збыль. Сэссия Аннушыд тапнитис менам веськыд пельпомө да висьталіс, мый өнісянь, кор лоам вокысь торйөн, ме пыр кута юасыны, кытөн ме тэныд пельпомад тапниті? Висьталан кө, мый миян звөз улын, то тэ Олексей. Шуан кө, мый...

ӨНДРЕЙ. Сюсь жө нывка! Меным эськө татшөмыс юрө эз во.

ГАБОВ. Абу йөй. Ме сэкинад пырысьтөм-пыр и юалі, а көні, мися, Василейлы тапнитін? Ог пө висьтав. Ме өддзөдчөмөн

вокос корсьны уськөдчи. Сійө сөмын шпыньмунис. Менсьым босьтчис юасьны. Эг висьтав. Сэсся унаысь шмонитөмөн отамодос ылөддывлім. Висьтавлім уна пөлос ингяс, кытөн быттьөкө миянөс Аннуш пельпомө тапнитіс. Василей зэв збыльыся висьталас, мый миян пывсян дорын пө. Ме сы пыдди муна Аннушкөд ворсны. Сійө пыр жө и юалас, көні тапнитліс, мед төдны, кодкөд ворсө. Ме и шуа, мый миян пывсян дорын, Василей ме. Аннуш тылыда серөктас. Бара на пө вокыд көкөдөма. Ме збыльсө и шуа, мый налөн звөз улын. Олексей пө, сідзкө. Сідзи өд Василей эз висьтавлы збыльсө. Тайос пө вот ог висьтав. Аннуш эз тшөкты.

ӨНДРЕЙ. Сідз эз и висьтав?

ГАБОВ. Энлы. Сэтчөдз воа на. Во джын воюйтім, пыр отлаын вөлім. Миянөс өд пулеметчикө велөдісны. Сійө первой номер, ме мод дай. Со и отчыд торйөдчим пехотаысь да котөртім веськыдывывлань, но миянлысь пулемөтсө немецкөй наблюдатель, тыдалө, аддзис да, восьтісны би. Юр кыпөдны эг кутөй вермыны. Мича, шондіа луныс лои вой кодь, гөгөр тшын-бус, вит метр сайысь нинөм оз тыдав, муыс сырмө. Куйла муас юрөс сүйөмөн да горза: Василей, тэ ловъя на? Некод оз вочавидз. Лэпти юрөс, видзөдлі, а вокөй вирөн нин ойдөма. Вомыс сөмын вөрыштө. Мыйкө шуалө, да нинөм оз кыв. Кысси сы дорө. Мый нө, мися, Василей, лоис? Пасьмунөдісны пө, тыдалө, став вир-яйөс. Ме көртала, шуа, и ставыс лоас бур. Кыска кытчө колө. Эн пө вөрөд. Пом, тыдалө, воис. Эн, мися, вай сөр. Ме көртала. Эн, шуө, вөрөд. Лэдз мыйсюрөсө удитны шуны. Василей, мися, эн вай йөйтав. Век жө видлі көртавны вокос, но аддзи, мый уналаті вирус петө. Став бингьяссө видзи, мый сямми, быттьө тупкалі. Олексей пө, киргөмөн нин шуалис Василей. Вай Аннушөс эн өтнассө коль. Он өд? Пинымөс отсав быдтынысө. Батьөн сылы ло. Эн, висьтала, майшась, ачыд на гортад бура воан. Эн асьтө пө да менө йөйтөдды. Көсйысян батьөн лоны Ваньөыслы? Көсйыся, мися. Быттьө татчө кө ог кольчы. Со кыдзи лыйлөны да. Василей кутіс лөкысь киргыны, а сэсся быттьө мый вынсьыс воөдчыліс на ас садяс. Весиг нюмсор на чужөм вылас пычмунліс. Муртса кывмөн шуис, мый Вылыс лөк пос дорын...

ӨНДРЕЙ. Сэні Аннушыс вокыдлы веськыд пельпомас тапнитөма? Висьталіс жө, сідзкө, кувтөдзис.

ГАБОВ. Удитіс тай шунысө. Сэсся и муніс. Ме кыскалі вок зепсьыс став документ-кабалаяссө, дзик ставсө, мый сійө сьорсьыс новлөдліс. На пыдди сүйи ассьым. Öні сэсся мый лоас лоө. Воді пулемөт сайө да куті сизьдыны сэтчө, кытгисянь кыліс немечьяслөн горзөмыс, команда сеталөмыс. Сэсся быттьө зорйөн вартісны веськыд кокө, снаряд торпыриг кок пөкйөд пырөма и петөма. Бинт абу. Кыссьыны ог вермы, да и кытчө кыссян, кодарланьө? Вокос өтнассө татчө ог коль. Морт ногөн гуавны колө. Мед сөмын пленө ог веськав-а... Но ылө татысь ог мун. Василейөс ог коль.

ӨНДРЕЙ. Ме тадз кымын жө дойми. Нинөм жө вөчны ог вермы. Кыысь вирус кыссьө и кыссьө. Со и.

ГАБОВ. Лун да вой коли, а ме век куйла. Друг казялі, телегаа

вöла мясянь воськов сё ылаті мунö. Телега вывсяньыс казялісны, матыстчисны. Кокöс көрталісны. Пыктöма да сапöг гöленьсö пуртöн ковмис вундыны. Та бöрын ме налы висьталі, мый менам сэні вок куйлö. Көні пö? Тшöтш жö доймöма? Сійö, мися, оз нин лолав. Гуавны морт ногөн колö. Гуалісны сійöс. Документъяс-сö перйисны да шуисны, мый сетасны кодлы колö.

ӨНДРЕЙ. Кокыд пежасис али мый? Вундыны ковмöма.

ГАБОВ. Вундісны тай. Сэсся дыр на новлöдлісны öтиласянь мöдлаö. Коркö медбöрын вои жö госпитальöдз. Неуна ас садьö воыштöм бöрын вермöдчи гижны гортö, Аннуш ним вылö письмö. Гижанног кузяыс эг майшась. Миян вылын пыр шензьылісны, кызди пö тайö вокъясылөн тадзисö артмö — дзик öд öтмоза шыпасьясыс петöны. Но ковмис öні унаысь плешöс көрлыны. Öд эг ас нимсянь гиж, а Василей пыдди. Пасйи, мый, тиянлы пö, дерт, воис нин Öлексейлөн усьöм йывсьыд юöрыс? Гижи, кызди сійö ассьыс ловсö сетіс. Некутшöма содтавтöг, кызди и ставыс вöлі. Сöмын Василей пыддиыс ачымöс быттö гуалісны ылі муас. Аслам доймöм йылысь дженьыда пасйи. Куйла сэнтö, но регыд көсйöны нуны мöдлаö. Татчö, Аннуш гöтырöй, мися, эн гиж. Мöдлаас кө дырджык куйлöдны көсйыясны, сэтчöс адрессö пасья.

ӨНДРЕЙ. Но, зонмö, висьталан жö. Весиг öд некызди оз эс-кыссьы.

ГАБОВ. Дыр эг унмовсь сэкинад да быдторйыс юрö воліс. Тöд вылö зіли уськöдны ставсö, мый Василей висьтавліс гöтыр йывсьыс. Гортö кө ловъя юрөн бергöдча, мед ставыс жö артмис сідзи, кызди мөвпышти. Сідзи, кызди Василей тшöктіс. Сійö öд бöрья здукьясас, збыльысь, корис вöчны буретш тадзи, мед ме гортö вои сы пыдди. Мед Аннушыслөн вöлі верöс, а Ваньö пи-ыслөн радейтысь бать. Мам, тöдöмысь, дзик пыр жö гөгөрвоас. Кызкö öд сійö тöдмавліс жö, кодныс ме, кодныс Вась.

ӨНДРЕЙ. Мамтö, шуа тай, он ылöдды. Чайта, мый и менам на көнкö сьölöмнас кылö, мый Öндрейыс ловъя. Кызд бара олö-а? Аддыла ог бара сійöс коркö.

ГАБОВ. Аддылан. Регод паныдасян.

ӨНДРЕЙ. Код тöдас на. Аннушсяньыд письмöыс воис?

ГАБОВ. Локтіс. Зэв полөмпырысь восьті гижөмторсö. Колökö, гөгөрвоис нин ставсö? Гашкö, Аннушыс Василейыскöд сёрнитчылісны, медым письмöас пуктас кутшöмкö гуся пас? Йöйыдлөн вуні сылысь тайöс юавны. Кызвынсö на кост олöмысь тöдмалі, а со татшөмтор йывсьыс дзикöдз юрысь петöма юавнысö. Дзöран киөн восьті письмöсö да дыр на эг лысьт видзöддыны шыпасьяс вылас. Сэсся чөвті жö видзöдласöс кабала вылас. Аннуш медводз сійöма видзны ачымöс. Тайö кывьясыс такöдыштісны. Зэв тэрыба нуöді дзоньнас письмöсö да нинөм сэтшöмас видзöдласөн эг крукась. Сöмын та бöрын босьтчи лыддыны тэрмасьтöг. Аннуш гижö, кызди быдмö Ваньöыс, кызди олö мамыс. Нинөм норасянасö оз пасйы. Зэв жалитö Öлексейöс. Ёна пö и мамыдкöд бөрдім, кор воис сылөн усьöм йылысь юöрыс. Тэнад письмööдз пö на юөртлісны. Геройскöя пö усьöма чужан му вöсна косьын. Пома-лöма гижöдсö косакодь быттö. Оз оқышт. Ни оз гажтöмтчы быттö. Гашкö, тадзи жö и помавліс письмöяссö воклы да?

ӨНДРЕЙ. Коми нывбабаясыд та кузя мөдпөлөсджыкось. Оз пасыыны окалом йывсыд. И оз лябны. Менам тай некор эз гижлы, мый сьокыд. Сідз гөгөрвоана, мый кокныдөдзыс ылын на.

ГАБОВ. Со и локта нин гортө. Майшася, каитча, мыйла та-дзисө вөчи.

ӨНДРЕЙ. Таысь вай, ёртөй, эн каитчы. Нинөмысь. А мыйла нө Аннушыс воктө верөснас бөрйис, а эз тэнө? Эз али мый кажитчы тэныд нылыс?

ГАБОВ. Кажитчис. Кыдзи нө сійө, Аннушыс, эз кажитчы? А со Василейос бөрйис. Мыйла? Тайос ог и куж висьтавынсьө. Ме сэсся, налөн көлысь бөрын, пыр жө и босьтчи куригчыны. Мед, мися, өнісянь эз ковмы некодлы юасьны кодным коді. Куригчысьыс Олексей, а тшынасьтөмыс — Василейыс дай.

ӨНДРЕЙ. Чайтан, оз төдмав Аннушыд?

ГАБОВ. Ог төд. Мый ог төд, ог төд.

ӨНДРЕЙ. Олексей. *(Сэсся мөвпыштө да вежө.)* Василей. Мед сыөн и лоан. И налы, и меным.

ГАБОВ. Ме тай некыдзи ог велав-а. Шуасны нимөн да, пыр жө бөрвылө видзөдсьө, абу-ө сэні Василей нима мортыс.

ӨНДРЕЙ. Велалан. Унджыкысь кывлан да и велалан сэсся. Сідз өд, Василей?

ГАБОВ. Сідз, Оңдрей. Сідз. Со и висьтасим өта-мөдлы асла-ным шог-маета йылысь.

ӨНДРЕЙ. Öнi и меным водзөсө мунны кокныдджык лөө. Абу ме өтнамөн, коді гортас полөмпырысь локтө. Мый нө тайө Дуныыс оз лок? Мунны өд колө.

ГАБОВ. Локтас жө кө-а.

ӨНДРЕЙ. Кылан, Василей?

ГАБОВ. Мый?

ӨНДРЕЙ. Ме карта вывсьыс коркө видзөдлі да, быттө абу нин торъя ылын сиктыс. Да и ва корсигас аддзылі ин, кытчө, тыдалө, йөз волөны. Ылын кө өд вөлі, некод эз лок. Матын, сідзкө.

ГАБОВ. Меным өти кокнад да көстыльяснад и километрыс ылын.

ӨНДРЕЙ. Дуныыс, гашкө, кор локтас да. Вай, Василей, ась-ным мунам. Ме тэнө ылын нуа. Кыті лөкджык.

ГАБОВ. Быдлаті лөк да.

ӨНДРЕЙ. Абу жө.

ГАБОВ. Ме ачым кытісюрө, шыльыд кө, верма муннытө.

ӨНДРЕЙ. Мый нө ми тані пукалам? Немечысь эг повзьөй, а гортө локны полам. Эсійөяс вөсна. *(Кыпөдлө гзонь кыылысь кабырсө вывлань.)*

Габов пысалө мыш вылас протеза нопсө. Киняулас сүйө көстыль во-ропсө да лөсьөдчө туйө.

ГАБОВ. Но, мөдөдчам. Мый виччысьнысө? Гашкө, кор локтас да?

ӨНДРЕЙ. Ме неуна таті лөкинтгыс нуышта. Сөв мышку ылө. *(Копыртчыштө мышнас зонлань.)*

Габов оз пыксыы, кыкнан кинас кутчысьо мужичой бердө. Костыльяссө сяммө киняулас кызкө топодыштны. И вөрзбөдчөны. Но эз торъя ылөдз и сяммыны муннысө. Онбө крукасьо да павгысьо. Габов тимбыльтчө орччөн. И тайо каднас мыччысьо Дуня. Куйлысь салдатъяс казялоны сийос.

ГАБОВ. Дуняыд со локтө. Эн чеччы.

ӨНДРЕЙ (*вашкөгө*). Видзөдлам, мый кутас вөчнысө.

ГАБОВ. Мудзам куйлынысө, гашкө. Дыр сылөн оз артмы да.

ӨНДРЕЙ. Дыр кө мөдас ноксыны, сэки и кыпөдчам.

Нывбаба кыгшовтө машинасө, видзөдлассө отарө-мөдарө чөвтлө. Бергөдчылө и налань. Сэссия өвтыштө кинас да лэптө машина капотсө. Мыйкө ноксыштө, пуксьо кабинаас да машина моторыс босытчө уджавны. Быттьб мунө. Казялө куйлысьясос.

ДУНЯ. Шойччаннды?

ӨНДРЕЙ. Лольштны тай водим со.

ДУНЯ. Абу жө тай ылөдз мунөмныд. (*Өндрейлы.*) А ме өдчайти, мый бөр косин. Тайо зонсө, кодө мыйыськө зэв жө ёна майшасьо, аскөдыд нуөдин и.

ӨНДРЕЙ. Дум эз вөв. Косөм йывсьыс. (*Сувтө га отсалө кыпөдчыны зонлы.*)

ДУНЯ. Чайти нин, мый падвеж лоим. Мися, менө ылисянь казяланныд да вөрас пыринныд. Сийөн и эг падвежасьой. Тадзи тай чайти-а, кор машина дорсьыс тиянос эг казав. Сөлөй, мунам. Гортад, тыдалө виччысьоны нин.

ӨНДРЕЙ. Виччысьоны!

ГАБОВ. Виччысясны, дерт. Кыдз нө оз виччысьны?

Найө пуксьоны. Онбө кузолас бара кавшасьо, Габов Дунякөд орччөн жмутнитчө. И вөрзбөдчөны гортлань.


* * *

ГӨЛӨС. Кывсьылис, мый Габов локтөма гортөдзыс. И кувтөдзыс олөма Аннушыскөд, быдтөма Ваньөсө. Казялис эз Аннушыс, кодө бергөдчис бөрсө, ог төд да ог висьтав. Мамыс унаысь ылавлөмөн шулөма Олексейөн, но пыр жө и вежлөма нимсө да зэв өдйө Василейөн чуксавлөма. Сийө некодлы нинөм жө пө эз висьтавлы. А со Онбө гортөдзыс век жө абу воөма. Мөд районө овмөдчөма. Чойыслы пыр нажөвитөм сьөмсө ыстывлөма. А сийө нин сетлөма гөтырыслы да челядыслы. Озыр жөник пө сюри да лишалөм сьөмсө тиянлы сета. Вокос казгылигмоз. Коркө уна во мысти, кор Онбөлөн гөтырыс кувсьөма, а челядь бьдөмаөсь, пиыс волөма пө поселокас, кытөн нэмсө отнас олөма айыс. Паныдасьлөмаөсь да вель дыр варовитөмаөсь. Мый йылысь? Ог жө төд да ог куж и висьтавнысө.

ПОМ.



Александр УЛЬЯНОВ



АЛПЫ ГÖРЯС ДОРЫН...

...Быд морт олöмын эмöсь лоöмторъяс, кодъяс йиджтысьöны вежöрад, кольöны нэм помöдзыд, вöрзöдöны ловтö да пыр казтьлöны ас йывсьыныс. Уналы, ме думысь, медтöдчана ло-öмторнас лои Ыджыд война, Айму вöсна вир кисьтана тыш, көнi юрнысö пунктисны миян лыдтöм-тшöттöм йöз. Бөръя война-лөн йöлöгаыс кылö и менам сёлöмын. Сы пыр мунисны менам пöль да бать. Кык чож, мам-батьлөн Öльöксан нима Гуляев да Ульянов ова öтка вокъяс, эз воны бöрсö Эжва йывса Дереваннöй сиктö, дас öкмыс арöса зонъясөн сотчисны войналөн ыпъялана биын. Буретш тайö кык зон йывсьыс и петалис Ыджыд Вермöм-сянь 65 во тыригкежлö менам «Дереваннöйса Öльöксанъяс» очерк. Первойсö «Коми му» газетын, сэсса «Войвыв кодзув» да «Арт» журналъясын. Комион и рочөн. Гижöдас пасйыли, мый олöмыд пыр водзö восьлалö-мунö, и ылыстчысь войнаыс дыр на кутас бурдлытöм дой моз висьны йöзлөн сёлöмъясын, казтьывны сийö ыли да сёкыд кад йывсьыс, виччысьтöг восьтны уна гусятор. А гусяторйыд сылөн уна на вöлöма, көть сы мында во нин лэбзис-мунис...

Ульянов Öльöксан кузяыс кө быттö ставыс вöли ясыд, рöд-вужыс тöдiм, мый зон дорйöма Сталинград, сёкыда ранитчöма да кувсöма госпитальын 1942 вося декабрь 20 лунö. Дзёбöмаöсь öнiя Волгоград обласьтлөн Клетск района Перелазов хуторын. Усьöм салдатъяслы танi сувтöдöмаöсь памятник, пасйöмаöсь и чожлысь ним-вич-овсö: А.П.Ульянов. А мамö вок йылысь Республикаса Память небöгысь аддзи сöмын дженьыдик юөр: тышкасьöма вöрöгкөд 107 гвардейскöй стрелкөвöй дивизиялөн 348 полкын. Ефрейтор. Усьöма Австрияын, дзик война помас, 1945 вося апрель 26 лунö. А водзöсö — кыв ни джын... Помни-та, мам меным челядьдырйи на висьтавлis: Öльöксан чожыд




пö ылі Австрияын юрсö пуктöма, бокöвöй муын куйлö. Но кутшöм кар-сикт дорын ловсö сетöма, кытчö дзевöма коми зонмöс — некод нинöм эз тöд. Верстям-мöм бöрын нин юрын уна юалöм бергаліс, та понда и босьтчи сэс-ся корсьны-стöчмöдны мамö вок-лысь война кадся туйсö. Отсаліс Сергей пийö. Сійö ачыс компью-терьясöн ноксьö да вöзйис Ин-тернет кузя пыравны Россияса Оборона Министерстволöн сайт вылö. Гашкö пö, сэні мыйкö эм Öльöксан Гуляев йылысь да. Вой-на кадся уна документьсь пö öні киритöмаöсь «гуся» пассö. И не-дыр мысти миянлы мойвиис: пийöлы сюрöма 1945 вося некы-мын колана кабала...

Öти кабала вылас вöлі Ав-стриялöн карта, стöчджыка кö шуны, петкöдлöма-индöма страналысь сійö юкөнсö, кöні тышкасис немечьяслы паныд 107 дивизиялöн 348 стрелкöвöй полк, сэки ставныс найö пырисны 3-öд Украинскöй фронтö. Апрель 13 луно миян салдатьяс бось-тисны Вена да тышгьясöн мунисны водзö. Венасö мездьсыяс лы-дас вöліны и 348 полкса рота-батальонгьяс. Полкыс сэсся кежис лунвыв, Альпы гöраяслань. Лиленфельд да Хайнфельд ичöтик каргьяс дорын, векныдик Визенбах ю бокын бара на пансисны немечьяскöд вир кисьтана косьяс. И мунисны найö дзык война помöдзыс...

Киын кута мöд кабала. Öні сійö абу нин гуся. Война кадся кабалаас пасйöма и Öльöксан чож йылысь. Нимсö сета рочöн, сідзи, кызди уна во сайын вöлöма: «Именной список № 59 без-возвратных потерь личного состава 348 гвардейского стрелково-го полка 107 Первомайской стрелковой гвардейской дивизии за период с 20 апреля по 29 апреля 1945 года». 246 лыдпас улын гижöма: «Гуляев Александр Дмитриевич, гвардии ефрей-тор, связист, член ВЛКСМ, 1926 года рождения, Коми АССР, Усть-Куломский район, с. Деревянск, призван Усть-Куломским РВК, убит 26.04.45., похоронен на высоте 782 в 2-х км от населённого пункта юго-вост. Хайнфельд, отец Гуляев Дмитрий Васильевич». И со мый содтöд чуймöдис менö. Усьöмаяслысь овьяссö лыддигöн казялі: Гуляев А.Д. бöрын, 247 лыдпас улын, индöма Коми муысь нöшта öти мортöс. Тайö Елькин Павел Ра-зумникович, связист жö, комсомолеч, чужлöма Сыктывдін ра-йонлöн Сёська сиктын, 1926 воын, чожекöд öттшöтшгья. Уджав-лöма татчöс Будённöй нима колхозын. Мамыс Елькина Людми-ла Григорьевна. Сёськаса зон усьöма Гуляев Öльöксан моз жö 1945 вося апрель 26 луно. Кыкнанныслы вöлöма сöмын на дас öкмыс арос...

Коймӱд кабаалаас индӱма, кытчӱ гуалӱмаӱсь коми зонгъясӱс. Бара жӱ нимсӱ вайӱда рочӱн. Сидзи, кызди гижлӱмаӱсь 1945 вося апрельнас: «Схема расположения могил военнослужащих 348 ГСП в районе высоты 782». Документыслӱн шуйгаладор



юкӱнас — нӱль пельӱса серпас. Синмад шыбитчӱ ичӱтик юлӱн сунис кодъ визъяс. Пасйӱма: «река Визенбах». Орчӱн тыдалӱ 782-ӱд мыльк. Визенбах ю дорас крест сјама пасъяс (гӱгӱрвоана, мый гуяс): 1, 2, 3... Лыддӱдлӱма и усъомаяслысь овъяссӱ, буретш найӱ куйлӱны тайӱ куйм гуас. Стӱчмӱдӱма: салдатгъясӱс дзебӱмаӱсь орчӱн, ӱти бӱрся мӱд, лунвывсянь войвылӱ. Первой гуас ӱкмыс морт, медводдзаяс чожӱй, Гуляев А.Д., сы бӱрся Сӱськаса Елькин П.Р., сӱсся Овчаренко, Гераськин, Кузьменко, Воротнок... Мӱд гуас куйлӱ дас нӱль салдат, коймӱдас — кӱкъямыс. ӱтувӱн — комын ӱти морт. Унджыкыс — том йӱз, чужлӱмаӱсь 1925—1926 восясӱ.

Став тайӱ кабаляяссӱ лыддӱм бӱрын менӱ шензӱдӱс быдӱн: со, мися, дзик война помас кымынӱн на кувсӱмаӱсь чужан муысь бокын. На лыдын тшӱтш менам чож да Сӱськаысь Павел Елькин. Зырӱмаӱсь вӱрӱгӱс Австрияса Альпы гӱрҕясӱдз да тани и пунктмаӱсь юрнысӱ коми зонгъяс. ӱти луӱ усъмаӱсь чорыд тышын, ӱти гуын и куйлӱны сы мында во нин. Кыкнанныс связист-гвардеечъяс, кыкнанныс ефрейторгъяс, кыкнанныс Коми муысь петлӱм войтыр. И кызди неважӱн на тыдовтчис, повтӱм да збой йӱз. Позьӱ шуны, геройяс. Та йылысь ме сӱсся неуна сӱрӱнджык висътала...

А Сӱська сиктын чужлӱм Павел Елькиныдлӱн нимыс дыр на бергалӱс юрын. Ёртасисны, дерт, ӱти батальонад служитӱгӱн кык коми мортыд, бура тӱдӱсны ӱта-мӱдсӱ. Гашкӱ и, Пезмӱг



сиктса училищеас отлаын велодчылысны да? Очерксö йöзöдöм мысти виччыси: збыль, мися, кодкö вермас и шыасьны да. Гижöд вылад. Елькинлөн рöдвуж пöвстысь. И кежалас кодкö Печать керкаö. Но сэки эз сюрны татшöмъясыс. Сидзкö, думайта да, кадыс абу на та могысь кисьмöма-воöма...

Аслым, дерт, сэсся окота жö лои водзö туюсьны, мыйкö выльтор тöдмавны чож йылысь, усьöмаяслысь гуяссö корсьны. Но кызди тайöс вöчны? Австрияö ветлытöг? Бур йöз висьталісны: Сыктывкарса журналист Галина Лавриненколөн нывьёртыс, роч гижысь Светлана Ширшова, Австрияö поздысьöма, Венаын пиискöд олöны. Ме и шыаси Галина дорö аслам шог-дойөн. Австрияын усьöм коми зонъяс

йылысь висьталі... Мися, гашкö, Светланаыд кызкö-мыйкö отсалас да? Мöдыд, дерт, абу мöдöма пыксьыны, корöма миянлысь став кабаласö да воöм бöрас пиискöд и ветлöмаöсь Визенбах юбокса 782 мыльк бокшаö. Кузь лунтыр корсьысьöмаöсь гöра пöлöныс, кытшовтöмаöсь гöгöр, мыльк йылöдзыс кавшасьлöмаöсь. Но документъясын индöм гуястö абу аддзöмаöсь. Некутшöм пас ни памятник пö сэни, тшем вөр нин та дыра каднад быдмöма, пöрöм пуяс туплясьöны, гырысь изъяс да... Светлана шогпырысь сэсся юөртис миянлы (сетам рочөн): «...Скорее всего, мы находились на том самом месте, где были захоронения, или в диаметре десятков метров от них. Мы добросовестно облазили тот кусок леса-горы, где, предположительно, были похоронены ребята, но ничего не смогли найти. Не исключено, что их останки вывезли и похоронили в другом месте...

А места там красивейшие, природа очень пышная, сложно даже представить, что здесь когда-то погибали наши солдаты...»

Та вылын быттö и орины-помасисны миян корсьысьöмъяс. Но виччысьтöг войнаыд восьтис асьыс нöшта öти гусятор. И тайö гусяторйыс бара жö вöлі йитчöма Öльöксан чожкöд да Сёскаса Павел Елькинкöд.

Неважөн уджъёрт вöзйис меным: пырав пö Оборона Министерствöөн Интернетын лöсьöдöм «Подвиг народа» сайт вылö. Сэни война кадö орден-медальён пасйылöм салдатъяс йылысь уна юөр чукöртöма. Гашкö, мыйкö на и нöшта сюрас тэныд да...

Сё збыль, ылі войнаыд дыр на кутас шензьöдны миянös. Шензьöдис-чуймöдис сійö и менö. Кымынöдысь нин. Пыри индöм сайт вылад да курыд ёкмыль горшö тасасис: чожлы награда

сетан кабала сюри. Дзик сійӱ: Гуляев А.Д., чужлӱма 1926 воын, коми, гвардияса ефрейтор, 348 полкысь мӱдӱд батальонса телефонист, тышкасьӱ вӱрӱгкӱд 1943 восянь, армияӱ босытлӱмаӱсь Кулӱмдінса райвоенкомат пыр. Награда сетан листас гижӱма (йӱзӱдам кыдзи эм): *«В боях за город Вена 10.04.1945 года тов. Гуляев будучи телефонистом обеспечил четвертую роту телефонной связью несмотря на ожесточенный огонь пулеметов и снайперов противника. Проверая телефонную линию наскочил на засаду врага и огнем своего личного оружия уничтожил 6 солдат противника. За проявленное мужество и отвагу гвардии ефрейтор Гуляев А.Д. достоин правительственной награды — ордена Славы третьей степени».*

Кабаласӱ кырымалӱма 1945 вося апрель 15 лунӱ 348 полкса командир, гвардияса подполковник Г.Е.Кащук. Татшӱм жӱ награда сетан кабала Г.Е.Кащук дасытӱма и Павел Елькин вылӱ. Чожлӱн ӱртыс абу жӱ кольччӱма мукӱдысь. Награда сетан ка-



балаас пасйӱма: *«В боях за город Вена 10 апреля 1945 года тов. Елькин под сильным пулеметным огнем противника обеспечил 5-ю стрелковую роту телефонной связью... Проверая исправность телефонной линии Елькин обнаружил станковый пулемет противника и 6 солдат. Подполз с тыла и бросил гранату, затем огнем своего личного оружия уничтожил врагов...».*

Тыдалӱ, чорыд кось мунӱма Вена вӱсна апрель 10 лунас. А муртса сӱрӱнджык, апрель 23 лунӱ, 107 дивизияса командир генерал-майор М.А.Богданов аслас приказӱн сетӱ орден-медальяс Вена мездысьяслы, коймӱд степеня Слава орденгяс вичмӱны мукӱдкӱд тшӱтш А.Д.Гуляевлы да П.Р.Елькинлы. Но эз мойви кык коми зонлы пысавны морӱсаныс ыджыд награда сӱ: куим лун мысти, Альпы гӱрҕаяс дорын, налысь ловсӱ апыштӱс пеж войналӱн ад горш би...

Выль кабалаястӱ аддзӱм бӱрын весь овны эг нин вермы. Шуи кайлыны Сӱськаӱ, корсылыны Павел Елькинлысь рӱдвужсӱ.

Ёна меным отсаліс татчӧс олысь, пӧсь сьӧлӧма морт М.В.Кузьчуткомова. Миян сёрни бӧрын весиг карӧдз лӧччылӧма, медым корсьлыны Павеллысь ичӧтджык Юля чойсӧ. Ачыс Мария Васильевна коркӧ уджавлӧма Сёськаас сельсӧветса предӧн, дыр веськӧдлӧма ветерангъяслӧн котырӧн. Унатор на помнитіс, кӧть арлыда нин. Сійӧ и висьталіс меным, мый Елькингъяс овлӧмаӧсь Вичкодор грездын, лӧптылӧмаӧсь сәні ыджыд да кыпыд керка. Павеллӧн вӧлӧма нель чой: Елена, Надежда, Нина да медся ичӧтыс Юля. Батьыс, Разумник Дмитриевич, мунӧма гражданскӧй да финскӧй войнаяс пыр, но бӧръя война вылас арлыд сертиыс абу нин босьтлӧмаӧсь. Зӧв бур да шоныд гын сапӧгъяс сёськаасяслы гындылӧма. Вӧйлӧма 1942 воын чери кыйигӧн. Мамыс, Людмила Григорьевна, нэмсӧ колхозын, видз-му бердын мырсӧма. И пыр виччысьӧма ӧтка писӧ война вылысь. Кувсьылӧма 1967 воын.



Павел Елькинлӧн нель чой пӧвстысь талун ловъя сӧмын ӧти, медічӧтыс, Юлия Разумниковна. Верӧсыскӧд Сёськаса ань быдтіс кык пиӧс, Сергейӧс да Алексейӧс. Олӧ ӧні Юлия Разумниковна Сыктывкарын, 85 арӧс регыд тырӧ. М.В.Кузьчуткомоваыд туйдӧдіс да, меным мойвиис воыны Павел Елькинлӧн чой ордӧ. Со мый сійӧ висьталіс ас вок йывсьыс:

— Ме нэм чӧж бур кывйӧн казътыла Павелӧс. Помнита, сійӧ пыр видзліс менӧ кодӧнкӧ дзерӧдӧмысь, зӧв тӧждысис меддзоля чой вӧснаыд. Лыддылыс кывбуръяс, кинотӧ сиктад ваясны да, кино вылӧ аскӧдыс босьтлывліс. Уна бурторийӧ менӧ велӧдіс. Мыйкӧ дыра уджаліс Будённӧй нима колхозын. Сӧсся война вылӧ босьтісны. Колльӧдіс Павелӧс мам ӧтнас. «Бородино» пароходӧн Сыктывкарӧ лӧччисны. Менӧ керка видзны мам нарадитіс. Мукӧд чойыс сәки гортын эз нин овны. Коді карын уджаліс,

кодi Вьльгортӧ лӧччис... Ырзӧмӧн, кыз синваӧн бӧрдi, вокыд жаль да. Быттӧ бӧръяысь аддза Павелӧс. Сидзи тай и лои...

Юлия Разумниковна пыдiсянь ышловзис, сутш чӧв олыштiс, быттӧ бергӧдчылис сийӧ ыли кадас, да водзӧ нуӧдiс сӧрни визьсӧ:

— Гортӧ, дерт, вок гижыштавлiс пронт вывсяньыд. Весиг карточка на мӧдӧдлiс, автомата сулалӧ. Но письмӧясыс дыр каднад вошласисны-гудыртчисны кытчӧкӧ. Карточкаыс сӧмын коли. Альбомын тонӧ куйлӧ. А май 9-ӧд лунтӧ бура помнита. Велӧдчи ме сӧки сизимӧд классын. Мунiм школаӧ, а сӧни шуӧны: талун пӧ огӧ кутӧй велӧдчыны, война кусӧма. Победа, Победа! Мунӧй сельсӧвет дорӧ, сӧни митинг лоӧ. Йӧзыс чукӧрмис сьӧд, быттӧ став сиктыс воӧма татчӧ. Унаӧн сӧрнитiсны митинг вылад, нимкодясисны, мый пеж гадӧс лои нырыштӧма...Кодi сьылӧ-йӧктӧ, гажӧдчӧ, кодi бӧрдӧ, синвасӧ чышкалӧ... Гортӧ локтӧм бӧрын нин сельсӧветсянь ли пошта вывсянь ли, ӧни ог нин помнит, кодкӧ пыралiс мянӧ да вайис весьӧпӧртана юӧр: «Людмила! Павелыд ӧд тӧнад усьӧма...». Мамӧлы быттӧ сьӧлӧмас пуртӧн сатшкисны. Крапкысис-уси джоджӧ да садьсӧ воштiс. Ӑдва и палялiс. Сӧсся куим лун ловъя нисӧ кулӧма туплясис. Синваыс оз пет ни. Ас пытшкас вӧйтчис, тыдалӧ. Локтас удж вывсьыс, колхозысь, няйт кӧмнас пыдi жырьӧдз пырас. Мортыдлы пи усьӧм бӧрас ставыс веськодъ лои. Коркӧ, палялыштiс да, лыддӧдлӧмӧн мӧдiс бӧрдны. Пуктас Павеллысь карточкасӧ пидзӧс вылас да синваыс шорӧн киссьӧ. Кымыныськӧ казътыштас бур кывӧн ӧтка питӧ. А думсьыс, дерт, пыр виччысис Павелсӧ война вылысь, эскис, мый коркӧ сийӧ быть локтас чужан сиктас, Сыктыв ю бокын сулалысь бать-мам керкаас. Но эз тай тадзи ло. Мыйта лӧктор вайис ставлы пеж войнаыд. Менсьым муса вокӧс сотiс бӧръя здукас...

Сьӧлӧмӧс чепӧльтiс олӧма аньлӧн вок йивсьыс тайӧ висъта-сьӧмыс. Павелыс дзик жӧ менам Ӑльӧксан чож кодъ вӧлӧма. Вежавидзысь да пӧслукман, пыськӧс да повтӧм. Ме эськӧ шуи: кыкнанныс Коми мулӧн авъя быдтасъяс. Найӧ и ыли Австрияын, войналӧн бӧръя здукъясӧ эз дзедбсясны Альпы гӧраяслӧн изъяс сайӧ, а мунiсны водзӧ, пуктiсны вир кисьтана косьыслы пом. Буретш татшӧм йӧзыс тӧчисны Ыджыд Вермӧмлы подувсӧ, буретш найӧ и чегисны сьӧд немечлысь сьылдизирсӧ...

Тайӧ гижӧдсӧ дасьтӧм бӧрын нин Павел Елькинлӧн медiчӧт чойыс кувсьылис. Олiс сийӧ Сыктывкарын.

Снимокъяс вылын:

1. Александр Дмитриевич Гуляев.

2. Салдат гуяслӧн схема.

3. Павел Разумникович Елькин.

4. 782-ӧд мыльк ӧнiя кадӧ.

5. Юлия Разумниковна.

Снимокъясыс Александр Ульяновлӧн гортса архивысь.





Нина КУРАТОВА

СИӢ ЛУНЫС

Нэм джынйысь унджык нин кольӧма сійӧ кадсяньыс, кор помасьліс ыджыд войнаыд, но сійӧ луныс, кодӧ вайис Победа йылысь юӧрсӧ, век на син водзын. Верман-ӧ мортыд вунӧдны сэтшӧмторсӧ? Виччысим ми сійӧ лунсӧ кузь нель во чӧж, мыйта удитӧм сьӧкыдсӧ и тшыгсӧ пыкны, мыйта синвасӧ кисьтӧм да страксӧ терпитӧм. Война заводитчигас ӧд ми ичӧтик нывкаяс да зонкаяс на вӧлімӧ, кӧмтӧг котралӧм, а помасис — да ме со нин и студентка, педучилищын медводдза курсын велӧдча, ола карын. Общежитиеныс Пушкин нима улича вылын. Ӑти жырйын олам дас нывка. Ыджыд, кузьмӧс жырйын стенъяс пӧлӧныс вит крӧвать да ӧти ыджыд пызан. Крӧватьясас, кӧть и векниӧсь, узялам морт кыкӧн. Пызан саяс ми дасьтам урокъяс, а корсьурӧ ставӧн ӧтув пуксьылам пируйтны — кодлыкӧ гортсьыс ваясны картопель-капуста да мыйсьурӧ шыд пуыштны. Удайтчас кӧ ещӧ пачсӧ ломтывлыны, ӧд и пескыс абу. Арнас, кынмалӧгас нин, раз-мӧдысь миянӧс нулісны Краснӧй горкаӧ пессӧ заптыны: васьыс керъяссӧ лэпталӧм да пилитӧм-поткӧдлӧм, но ми нӧ, дас нель арӧса нӧриник нывкаясыс, уна-ӧ вӧчам? А тӧлыс ӧд кузь... (Ӑні быть нин лоӧ пӧкайтчыны — войяснас тшӧкыда вӧчлӧм пес гусялан походъяссӧ. Сы йылысь менам весиг гижлысьсьӧма коркӧ, «Моздор тыр пес» висьттор).

...Сійӧ асывнас ми эг ӧна тӧрмасьӧй ӧновтны вольпасьясны-мӧс, кӧть общежитиеным важӧн нин ызгис-пуис вӧрзьӧдӧм зӧ поз моз. Миянлы ӧна тӧрмасьны некытчӧ: велӧдчам дошкольнӧй отделениенын, мӧд сменаӧ, рытнас. Да и водӧм ми тӧрытсӧ зӧв нин сӧрӧн, кӧнкӧ вой шӧр бӧрас, велӧдчӧм помасьӧм бӧрын

нин. Ветлім пывсыны карса баняё, медбөръя сменаас сөмын и веськалім. Бөръя сменаад да, санпропускникыс примитіс мужичөйясөс и нывбабаясөс отув. Сэки од санпропускниктөм пывсяныс эз и вөв. Пока сәні жаритасны кәлуйтө, час виччысян. Но и пывсим-мыссим да корөсясим кодөнкө энөвтөм корөсьнас сьөлөм бурмытөдз. Гортө локтімө леммөмаөсь. А жырйын ыркыд. Көть и тулыс нин, а тувсов төлыс ёна на ыркөдөма жыр пытшкөссө. Одиё тай дзевсим вөсньыдик шебрасъяс уланым.

Асывнас, кызди и пыр, комендант гөлөсысь садьмим. Быд асыв сийө чуксалө миянөс: чеччөй пө, менам титанын ваыс пуө нин, пөсь чай тиянлы дась. Миян сөмын крөвать пружинаяс дзуртыштисны, асьным ог чеччөй, куйлам. Мөда-мөдөс на вильшалыштам да төрытьяс санпропускникад пасьтөм мужичөйяскөд паныдасьлөмсө казтылам.

— А, нывъяс, кажитчис төрыт тиянлы?— шпыннялө орчча крөвать вылын Аня, миян медзбой нывкаыс. Сийө миянысь арөсөн ыджыд да, буракө, зонъяснас интересуйтчөдзык нин.

А ми Дунякөд, өти грездаяс, нюмвидзам:

— Мыйла нө эз? Миян сиктын нывбабаясыд и мужичөйясыд нэмсө отув пывсылөмаөсь да. Сийө шуда кадсө көть өні казтыштам.

А збыль өд, и татшөм казтыштөмыс дойдө и долыдмөдө, вөлөмкө, морттө.

А коридорын талун мыйкө вывті нин дыр ноксьоны. Быттьөкө и лөньліс нин, воддза сменаын велөдчысьяс мунлісны да, а бара на со котралөм лыбис. Миян жырным пыран-петан өдзөс дорас дзык, да ставыс кылө. Оздзөсыс өтторъя клопакылө, сөмын крөватьдорса стеныс дрөгмунлө.

— Мый нин сәні? Пөжар али мый?— Аня миян медзиль да медсюсь, сийө первойөн и мөдіс өдзөс дорас.— Мый нө сідз вартөдланныд да зымакыланнды?— юрсө өдзөс мөдарө гоньгөдөмөн гораа юалө сийө.

Но кодкө либө пырмунаномозыс зурасис миян өдзөсө, либө дөзмөмпырысь нарошнө клопкис-пөдлаліс, Анялөн тай чургөдөм юрыс муртса өдзөс костас эз веськав. Вочакыв пыдди тай збой нывка гөлөс кыліс жө-а:

— Йөй али мый тэ, юасян... Он мөй аддзы?.. Победа!.. Ставыс митинг вылө тэрмасьоны!

Пөдлассьөм өдзөс дорын сулалө Аня: падмөма, быттьө көсийө гөгөрвоны лөөмторсө да некыдз оз вермы...

— Кы-ыв-лі-нныд?— мыкталыштө сийө миян вылө паськалөм синнас дзоргигтыр, а сәсся уськөдчө өдзөс мөдарас.

Ми крөватьяс вылынөсь, пуксьөмаөсь нин, но джоджө век на ог лэччөй, виччысям мыйя, гашкө, тшөтш вөжөръясөн дубалімө.

Регыд Аня бөр пырө төвныр моз, горзө:

— Победа! Победа! Чеччөй, йөктыны кутам!— ачыс чеччалө нин джодж шөрын да мый вермө кекөначасьө.

Повзьөдөм лэбачпиян моз ми ставөн уськөдчим сы дорө, тшөтш чеччалам да горзам. То кодкө и паськөмнас нин ноксьө,

пасьтасьны заводитö, а то кодкö век вошöм лэбач моз лэбалö. Сöмын Лия, миян жырйын медся шань да лöнь нывкаыс, век на пукалö крöвать вылас да ачыс аслыс висьталö али миянлы кайтö:

— Но и мый, Победа кö... Батьöй вед всё равно оз лок, усь-ли сэтчаньö.

Меным юрö сийö жö мөвпыс кучкылис, но мöд мөвп нöшта öдйö вöтлис сийöс: «Гортын бабö да чоюкъяс тöдöны оз на Победа йывсьыс-а?» — и син дорышöс сотыштис чепöсйöм синва.

Колöкö, и мукöдыслөн менам моз жö пессис сьölöмныс, но дыр нюжмасьны некод нин эз вермы. Пока ми мыссьыны да мый да котöртлим, кöмасим-пасьтасим, общежитиен лои нин чöv-лöнь. Öдзöснас медбөрья клопнитысьяснас ми и лоим.

Стрöйбаяс кості тальöм трöпкаяс вывті ми шелзьöдам Киров уличалань. Со и улич выласöсь. Пу плашкиөн вольсалöм, абу няйт ни абу гуранöсь миян уличаным. Быд лун таті котралам велöдчыны. Веськыдвылын Киров нима жö парк. Зэв джуджыд öграда сайын кылö гырысь топольясö поздысьöм лэбачьяслөн шумыс. Тулыс! Со и юыс нин восьсöма, пароходьяслөн да катерьяслөн тутöстөм шыыс кывлö. Война заводитчöм бöрас парк-сö мыйлакö зэв джуджыд потшöсөн гөгöртöдлöмаöсь. Гашкö, мед ми вок кодь билеттöмаыс эз пыр паркас гажöдчынысö. А колöкö, и мöд помка на. Война чöжыс öд тані оліс Ленинградса зоопарк. Зверьясыслы, гашкö, и быть потшöс-томаныс коліс. Ми найöс эг нин сулöй, нулöмаöсь нин бөр Ленинградса. Но училищеным дзик парк дорас, туйсö сöмын вудж. Джуджыд кильчö вывсянныс верман пöттöдзыд кывзыны паркаса оркестрысь ворсöмсö. Мыйсö сöмын сэні эз ворслыны. И «На сопках Маньчжурии» вальстö, и краковяктö, и «Синий платочектö». Корсюрö и ми каттысьлім забор вылас да пыравлім паркас, мудзтöдз гуляйтім паркаса кузь аллеястыыс. Сэні верман вöлі паныдасьлыны мукöд техникумьясын велöдчысь ас сиктсакöд да пыравны картинаяс петкöдлан музейö, любуйтчыштны серпасьяснас. Шуöны, «Комната смеха» пö вөлöма, да ми эгö жö нин сулöй.

Сийö асывнас ми чавкангьяс моз и лэбим улича кузяыс. Педучилище кильчö помö сувтыштлім, эгö и пыралöй. Висьталісны, талун пö ог велöдчöй, а öні пö мунöй митинг вылö НКВД керка дорö. Та йылысь миянлы и висьтавыны оз ков. Ад-дзам, мыйта нин йöзыс чукөрмöма гырысь колоннаяса НКВД стрöйба дорас, да весиг миян дорöдз кылö сэтысь ызгöмыс. То кодкö речь висьталö, то лозунг горöдласны, то гудök шы да сьылöм кылыштлö. И сылань мунысьыс да котöртысьыс миян моз уна жö. Кодкö киас гöрд флаг нуö, кодкö гудök, кодкö сьывны горöдлö. А то олöма нывбаба кыскö киöдыс ичöтик зонкаöс да чышкалö синвасö. А то кутшöмкö пöль, беддя, тшöтш тэрмасьö, öтгорья бедьнас тотшнитö-мунö-воськовтö. Митингуйтанінад трибуна дорас он сибав, сы мындаөн нин чукөрмöмаöсь. Вьльон локтысьяс сулалыштасны, жöдзыштасны да бокö вешйöны. Тонö тай кодьяскö бокöджык асьныс нин гаж вöчöмаöсь. Öти

олӧма нин дядьӧ шӧрас сулалӧ да гудӧкнас няжгӧ, мӧд сыкӧд орчӧн кокнас топайтӧ да ӧтторъя «едрит-твой» горӧдлӧ. А найӧс кытшалӧмаӧсь нывбабаяс, кодӧ мича чышгъяна, кодӧ куш юра, гораа сьылӧны «шондӧбанӧй» да сьӧлӧмсяньыс йӧктӧны. Эстӧн, ылынджык, Орджоникидзе уличаас гудӧк шы жӧ кылӧ да сьывны горӧдлӧм, но сэнӧ йӧктыны окотитысьыс этшаджык, кок улас няйтӧс чавкӧдчӧ, тувсов туй вылыс абу на шупалӧма. Ми неуна жуйялыштӧм митингуйтысьяс гӧгӧрыс да веськӧдчим сылань жӧ, кытчӧ нырвизьнас унджыкыс веськӧдчӧны — Орджоникидзе улич кузя вывлань. Миян дас нывкаа чукӧрыс джынӧныс нин кытчӧкӧ разалӧс. То ӧти аддзӧма тӧдсаяссӧ, то мӧд. Миян дорӧ лестехникумса тӧдса зонгъяс ӧтувтчисны. Сэсся аддзим кооперативнӧйын велӧдчыс нывкаясӧс. Найӧ корсисны-юасисны медицинскӧйын велӧдчыс пӧдругаяссӧ.

Татшӧм празникыд ставсӧ ывла вылӧ, йӧз дорас чукӧстӧма. Радлунсӧ ӧд быдӧн зӧльӧ юкыштны и мукӧдгъяскӧд. Петӧмаӧсь, миян моз жӧ гуляйтӧны, гажӧдчӧны да аддзысьӧны.

Тӧдлытӧг кутшӧмкӧ тӧдтӧм нывгъяс гусялисны миян дорыс Анянымӧс, лестехникумса зонгъяс ылалӧсны жӧ миян дорыс. Кватитчим да, ми нельӧн нин сӧмын асланым жырсаыд: куимӧн миян грездсаыс да Пальса Маша. Драмтеатр дорынӧсь нин. Драмтеатр кильчӧ помын гудӧк шы кылӧ да гора гӧлӧсгъяс.

— Гашкӧ, артистгъясыс и сьылӧны да? — тэрмасьӧ сылань Пальса нывкаыд. — Гашкӧ, миян артистканым, Сидорова, сэнӧ жӧ да? Миян грездыс ӧд сійӧ. Москваын велӧдчис артиставнысӧ. «Солдаты Сталинграда» пӧ регыд кутам петкӧдлыны, воли пӧ быть видзӧдныс, меным шуис.

Гажӧдчыштны драмтеатр дорын эськӧ и абу лӧк, но ми, тӧдса зонкаяскӧд торӧдчӧм бӧрын, друг быттьӧ гӧгӧрвоим: лешмыссьӧма. Мудзимӧ, и кынӧмгъясным сьумалӧ. Училищеса столӧвӧйын ӧбедайтӧлим тӧнлун кык часын, а сы бӧрын эгӧ на няклясьлӧй. Вайӧ, мися, бурджык лӧччам Интернациональнӧй улич вылӧ да кежалам «ИТӧОРӧ». Тадзи шулисны сӧтыс нянь вузалан лавкасӧ. Нянь карточкаяс миян сьӧрыс, сійӧс некор, некытчӧ ог кольлӧй, питшӧгын новлӧдлам. Мӧд ногыс ӧд воштан. Ми сиктса челядь, бабӧяс велӧдлисны виччысьӧмнад овны, торгъя нин кор карад мӧдӧдӧны быдтасгъяссӧ.

...Гажыд гаж, но кынӧм сьумалӧмыд, вӧлӧм, сюсьджыка на индалӧ, кодарлань чепӧсйыны. Ӑдйӧ ӧд драмтеатрсянь лӧччӧдыс пӧкатӧдыс лавкаланьыс мӧдӧм. Шуам, нянь паекнымӧс ньӧбам да пырмунанмоз нургъяссьыштам дай. Пӧт кынӧмнад сэсся водзӧ на позяс гуляйтны да гажӧдчыны. Этатшӧм празник ӧд талун, гортӧ огӧ на жӧ мунӧй.

Интернациональнӧй да Бабушкин крестасьланӧнын (ӧнӧ на сэнӧ ыджыд топольыс сулалӧ) топольбокса важиник пу керкаыс пегисны миян дорӧ Аняным да эсӧйӧ кык тӧдтӧм нылыс. Анялӧн мыш вылас картофель нӧбовтас, нывгъяслӧн тшӧттш кутшӧмкӧ тубрасгъяс да туйсгъяс. Анялӧн сингъясыс ворсӧдчӧны. Аддзис миянӧс да радлыштӧс:

— О, нывгъяс! Отсасьысьыд лои! То, картофель мамӧ ыстӧма! Парокӧдӧн вайӧмаӧсь нывгъяс! Тӧ кытчӧ мӧдӧдныд?

— Ми «ИТӨӨРӨ», лавкао нянь ньобны косийм пыравны да ээсса гулайтыштны на,— вочакыв сетам Анялы.

Сийо инмодчыштло Дунялы сояс, шуо:

— Тэ на дорысь эбосаджык, давай миянкод, отсыштан меным картофельсо нуны. А мукодыс мед няньсо ньобоны да гортю жо локтоны. Пир вочлам, картофель пуам, сола тшакон чосмасыштам. Победаыс но мый выло!

Найо вуджоны Бабушкин улица да модоны карса базарлань (они сен стадион), а ми Интернациональной вывти модарланьыс.

Нянь лавкаын ми ношта паныдасим тодса нывъяскод да накод варовитигтыр лэччим Бабушкин кузяыс парк дорөдз. Митингуйтананын некод нин оз кыв, зато пристанью лэччанинын да Сыктыв берегас пукалоны йоз, сысянь сьылөм шыыс ылодз кыло. Миян подругаяс сэтчо и веськодчисны, а ми модим гортю, общежитиею. Тасянь дзик нин и матын общежитиеным. Шойчыштам коть.

Гортю локтим да ышловзим быдон. Чов-лонь. Аня да Дуся кындзи некод абу. Мукодыс миян моз конко лэбалоны на жо. Ломтысьо пач. Аня пачсо лодсаланмоз ошйысьышто:

— А тоданныд, пессо кытысь босьтим? Некодз он тодой!

— Лун шора луннас ко гусясьны эн петав,— сералам ми. Аня дзорөдо юрнас, эн по тодой, эн.

— Комендантлысь гусялим, титан ломтанинсьыс. Сэни пескыд пыр эмышт. Ачыс талун гажа, мунис гортас, готыр дорас. Мед ветлас!.. То, картофельыд пуны нин косийо...

Анялон голосыс кыпид, ывла вывсянныс кыпид голосъяс жо кылоны, и шондыс ошинью швачко. Пусысь картофелюн дукуыс гильөдо ныр розьясөс. Ми пуксим кровать выланым, легодам кокъясон. Аня шыасю миян дорө:

— Проста пукаланныд, сьылыштой мыйко гажаос. Часлы, ме сола тшак туисысь тасьтио ректышта.

Ми городам отырышъя: «Вставай, страна огромная..!»

Аня шенасю кинас:

— Они сийос мый нин! «Мича нывъяс Эжва дорө лэччиснысө» бурджык. Помасис нин од войнаыс.

Но ми мыйлако заводитам сывны бара жо война йылысь, миян музыка велодысьлысь радейтана сьыланкывсө: «Он убит у города Медыни, боль моя слеза, птицы смолкли, небо помутилось...»

Аня бара на олодчо:

— Но и сильопиян! Дзикодз нормомаось... Кыскыны лоо картофель чугунсо. Гашко, пусис нин...

Кыскю тай посъ картофель дорад другон чукормим-а. Пызан гогор нин, кодэ сувтсон, кодэ пукало, мурзам да картофельсо полялгмоз пызан шорас кабыр солө чуткыштам-тульодам.

Аня козяйкаалө:

— Паньыс но абу тиянлы? Сола тшак то туис тыр да. Нок ко эсько, но мамолон москыс по век на сулалө.

Ми ушгьям нин посъ картофелюто сола тшакон да чоскыдысла юмбыралам воннымос, муроктыштлам. Доладысла миян дзир-

далöны сингъясным. Öд тайö бөръя каднас, туйяс лёкмисны да, ю вощытöдз некодлön эз вöв витсё грамм нянь норма дорад содтöд нурыс. И со, ю вощьöма... Збыль, праздник талун! Победаыс тöдöма, корджык вонысö! Тулысыскöд да шондiыскöд öтув!..

Победа йылысь юöрыд аскинас нöшта на вайис миянлы выль радлём. Училищеса нянь вузалан буфетö вайöмаöсь съöd нянь пыдди еджыд пызьысь пöжалём пушыд сайкияс. Витсё грамм нянь пыдди кык ыджыд, пушыд сайкиön. Ми ставным, даснан нывкаыс, вайимö да кузь пызан шөрö пунктiм найöс, быдса ыджыд чукөр артмис! Бощтнысö ог убöлитöй, любуйтчам. Со öд, Победаыд кутшöм!

Еджыд булки чукөр миянлы лои бур, пötös олöмлön символön, көть и тöдiм — сийö кадöдзыс дыр на. Но надеяыс вöли нин, да тайö и ловтö кыпöдiс. Мортыдлы кыпыд, кор эм бур олём вылас эскöм-надеяыс. Öнi ме сийös казътыла и завидьтышта на сийö томиник нывкаясыслы. Налön вöли водзö олём вылас бур эскöм.



И.Г.Торопов война кадö верстьö арлыдаодзыс вотöдз на кайис вöрö сортовка кер лэдзны. Асьсö вердiс, висъысь мамыслы, ичöтджык кум вокыслы да чойыслы няньöн отсалiс. Аслас повесътъясын шöр герой Федя Мелехинлöн да мукöд персонажъяслöн öблик-öбича пыр Иван Григорьевич петкöдлiс, кыдзи война кадö тылын «дорисны» Бiджыд Победа. Мый на вывтi мунiс, кутшöм пай ставöн пунктiсны, кутшöм дон мынтiсны... И кутшöм долыда, кöть унаöн и синва сор, горзiсны «Победа! Победа! Победа!». Йöзöдам «Регыд дас квайт» повесътсъыс юкөн.

Казътыштам и гижысьсöс, и войтыр вывтi мунöм тужанужасö, и Бiджыд Победасö бур сёлöмөн, сöстöм вежөрөн.

Иван ТОРОПОВ

РЕГЫД ДАС КВАЙТ

* * *

...Вöвлiны-ö тiян олöмын сэтшöм здукъяс, кор эськö тi, дас вит-дас квайт арöса морт, көнкö бокын дыр кад олöм бöрын, тöдтöм йöз дiнын уджалöм-вийсьöм бöрын мыйкö дыра кежлö бöр вöли воанныд гортад? Бöр воанныд став свет пасьталаас медмусаинö, көнi тi чужлiд-быдмылiд, көнi кужтöм на вом доръяснад медводдзаысь шуид «мамö» кыв. Көнi тiянлы ставыс тöдса — сад йöрад быд ув, быд шы, керка стенин быд потас, — сёлöм доймытöдзыд тöдса, и ставсö тайöс аддзигөн да кылигөн юр садыд бергöдчö помтöм нимкодълунысь...

Вöлiны-ö тiян татшöм здукъясыс?

Эз кö, эз кö мунлы татшöмыс тiян вывтi, тi öдвакö гөгөрвоад, мый вöчсис менам сёлöмын.

Сөнiка туйöдыд болскигөн бөръя помыс менам зэв ёна мудзисны кокъясöй, пуксыны эськö да кöть неуна шойччыштны. Но пуксысыс öмöй, кор сёлöмыд важөн нин лэбовтöма гортöдзыд.

Медбöрын туйыс мынтöдчис жö вöрлөн топыд сывъясысь, петiс паськыд кушинö, көнi уна лыда джуджыд мылькъяслөн дзибъясыс кушалöмаось нин лымйысь да косьмöны-руасьöны тувсов шондi водзын.

Кежамöй шуйгавыв, асланым грездлань, кодi лöня поздысьöма горулö, лöзöдöм йиа Сыктив пöлөнö...

Ме котөрөн вои Кирö Мысйылö, көнi, зонкалөн юрси моз,

сука быдмис ловпу сора поноль, и мыйон сомын тыдовтчис грезным, сувти сэтчө. И видзөда, видзөда... Кокъясой лигыш-мунюмаось, морөсөй шоналома, сьолөмөй вынысь дүпөдчө морөсын... И лолөй радлө, и нор быгтьтө тшөтш... И синъясой вазьоны...

Дерт, менам синъясой медводз тэрмасьоны асланым керкалань. Со тай сийө сьөдөдө воймом мышнас. Вевт вылас, таладорсяныс, лымйыс абу на сьлөма. Дерт, котасис и сьөкыда личкө. Колө, зыр босытны да, гьлөдны лымсө... Төвбыд керканым овтөмон вөлі. Буракө, медводдзаысь на керөмсяныс. Оз кывны сэни ни челядлөн гажа гөлөсьяс, ни мамөлөн вильшасьомысь миянөс өлөдөмыс. А батылысь гөлөссө ме и вунөдны нин понди...

Кирө Мысйылын немся исласьысь абу, коть эськө и зэв на позьө. Дерт, не исласьөмөдз өни: унджык зонкаыс уджалө. А коть и он уджав, та ыджда чойтө тшыг кынөм вылад абу зэв окота кайны.

А вот войнаөдз тати ёна исласьлим! Гырысь и посни. Лызьон и даддьон, весиг турун кыскалан додьясөн. Километрысь унджык төвзөдө-нуө, сомын пельясад төв шутьялө...

Помнита, өтчыд мужикъяс пондисны вензыны: коді пө искөвтигас веськалө Пока Мититлөн звөз вылө. Ми батыөкөд медпервойон шуркнитим. Лым бус пыр пуля моз лэбитон батыөкыдкө веськөдлышталө зор помон, ме кыпыда горза... И өд миян додньым кайис звөз вылө.

Коркө сэсся овлас ли оз ли татшөмыс-а?

Пока Митит, дөмаса ыджыд гын сапөга, важ көч ку шапкаа да дөра пася, пукалис кильчө помас да вуграліс шонди водзын. Сийө нөшта на пөрысьмөма, чужөм вылас кольөмаось сомын йөгъяс моз чурвидзысь черлыясыс да лөза-гөрда сөнъясөн везйөдлөм кузь нырыс.

Сийө пырысь-пырсө эз и төд менө, а сэсся, кор төдіс, нимкодъмис, перйис кепысь писыс чукчи лапа кодь чорыд да лыөсь кисө да нюжөдіс меным.

— Но, бур пи, ёна быдмөмыд, — шуалис сийө вазысь синъяснас өдийө лапйөдлігыр. — Регыд батытө вөтөдан... Кхы... Кывлі, мастерон пө уджалан... Мамыд эськө, коньөрүшко, ёна и рад вөлі.

— Дедуш, а вокъясой нө кыдз-мый олоны? — юася, а ачим муртса ог бөрд.

— А мый? — олоны. Нянь карточкаяс пө тай налы петөны тэсянь... Тьөткаыд, дерт, тиян чырыщджык жө-а...

Ме куритөді старикөс махоркаөн, содтөд сеті табаксө некымын чигарка вылө и мөдөдчи водзө.

Кор вои асланым керка өшинь улө, кокъясой дзикөдз лигыш-мунісны, оз көсийны мунны водзө; кокъясой асьныс көсийоны пыртны менө овтөм керкаө, кодлөн кильчөланы оз нуөд некутшөм кок туй...

Оз тшынасьны трубаяс, некод оз тыдав, некод оз мыгчөдлы еджгов юрсө сьлөм өшиньяс пыр. Сомын войтва, кыдзи и коркөя шуда луньяс дырйи, гажаа тюргө-виялө вевт вывсянь.

Но коді нө, кутшөм зонка сэтшөм тэрыбасө котөртө Кулига

помсянь? Да тайо жё Шурик, ичот вокой! Шапкатом и дором кежсыс... Кодко, буракo, висьталoма нин ме йылысь.

Ме шойовошомон тэрыба восьлала паныд, а сийо нин со ме дорын, видзодo ме выло, кутo петысь бордомсo, быттьo яндысьыштo... Но тадзсo сомьн oти здук; мoд здукнас ме нин топoда сылысь еджгов юрсo морoс бердo, шыльoда сыркъялысь мышсo. И сьолoмой менам ымралo дас кык арoса морт дiнo муслунысь и сэк жo нетшкысьo гoгoрвотом шогысь да дойысь.

— Но, чoв, Шурик, тэ жo мужик морт, — шуала ме, кыз верма, збодерджыка. — Мыйла нo куш дором кежсыд котралан? Висьмoдас oд тувсов толыс... А мыйон сэки лечмoдан?.. Весиг миян участокын йoдысь кындзи немтор абу...

Ми восьлалам орчoн, киясoн кутчысьомон. Сийo видзoддывлo ме выло, и нывлон кодь мича да гырысь сингьясас сьлон — и радейтом, и шензьом.

— Федя, мый ыджа тэ лоомыд!.. Ме быдсoн повзыли...

— Тэ быдмыштoмыд жo, Шурик.

Миян выло дивoпырысь видзoдoны посныдик зонкаяс да нывкаяс, а шочиника паныдасьлысь тодса бабаяс шуалoны сьолoм сетана кывгьяс.

Тьоткалон верoсыс, пoрысь дядь, oтнас гортас. Сийo воча чеччис кузь улoс вылысь — ичoтик, oмoлик, но, кызди и пыр, жылеткаа. Сийo абу на сэтшoм пoрысь, ар квайтымына, но кутшoмкo висьомгьяс дзикoдз нин кoсьтoмаoсь морттo да oмoля пo и лэдзлoны паччoр вылысь. Ме нимкодьпырысь казяли, мый тоьбыднад менам пановтсьoма дядьoс тушаoн.

— Но, воин, Федя, кульсы вай, — шуалис дядь, велалoмпырысь, важ моз нырнас кыскышталигтыр. — Часлы, чай пуктам... Шурик, вай, зонка, петавлы свежoй вала.

Шурик петис. Ме шыбити нoпийoс, пoрччыси. Понди лэптавны пызан выло ассьым гoснечoс.

— Быдторсo тай вайoмыд, Федя, — ышлолалис дядь. — Видзoда тэ выло, а аслым кажитчo, быттьo батьыд воис ме ордo, Oндрей... Сы моз жo вoран да... А кысь нин воас... Пиянoй менам некор оз воны ни...

— Но ладнo, дядь, мый сэсса керан... — гoраа oлoда ме пoрысь мортoс кoсьмом корпаас тапкoдигтыр; сийo сьoкыд пеля, и лоo гoраа сeрнитны ськoд.

Стариклон вoли кык пи, и кыкнанныс усины война вылын. Ичoтджыкыс, Васька, ар куимон сомьн ыджыдджык меысь. Ми oтлаын моз быдмывлим ськoд, oтлаын ворслим да чери кыйлим. Вoли лэччам тывгьясьны Кoджса тьясo да гoпгьясo и сымда гыч кыям. Ме, ичoтыд, вoли зeв eна пола тьса быд пoлoс гагсьыс да сьoд лельo-нидзувсьыс. А сийo нарoшнo шыблалo найoс ме выло; либo, сералигтырйи, бoсьтас да вoмас аслыс сьoйлас сьoд лельoсo.

Со Васькаыс видзoдo ме выло стенсянь — гoгрoс чужoма томиник салдат, важиник пилоткаа да туша сертиыс ыджыдджык гимнастeркаа. Видзoдo и быттьo кoсийo шуны: «Часлы, Федя, ми тэкoд кoвтам на Йир тысьыд гычгьястo!»

Но, буракo, оз нин ло сьлон татшoм шуoмыс: дас кoкьямыс

арөсөн усьома мортыд, Берлин дорын нин мина выло весь-калома...

Рыгнас ставон чукормим пызан сайо. Медбөрын воис Митя вокой; вөлөмкө, сийо школасяныс котөртлөма мөд грездө, мамөлөн чой ордө.

Топөдчылім кык вок. Митя зумыдыштөма жө, көть и тушанас абу ена нюжалөма. Сийо миян пөвстысь медсюсь, тэрыб вөраса, өти здук оз өшйыв инас. Киясыс винелөсь, мамөлөн кодь чорыд кучикаөсь.

— Кайин да некор сэсса он и воы, Федя, — мода вылас дивитө менө Митя, а руд сингысыс видзөдөны ме выло шоныдсыс-шоныда; и еджыд синкымгыса, тулысланьыс өнджыка беринөс-сьом чужөмыс сэтшөм шуда.

— Уджыс уна, вокө, — дорйыса ме. — Мастернад пуктисны да, юрөс гыжйыштны некор... А ти кыз-мый велөдчаннды?

— Шурик бурджыка, а ме омөльджыка, — нюмгылө Митя. — Сылы тэ моз сетчөджык велөдчөмыс...

— Вай ти кызкө-мыйкө өнджыка нин зильөй, — кора ме.

Лэчыд гөлөса варов тьотканым некымынысь бөрдыштіс, усьомаясөс да куломаясөс казтыліс. Мекөд, дерт, медмелі сийо. Чөскыдджыкторгыссө меланьөджык вешталө. А сэсса, оз-оз да и норасыштас вокгыс вылө.

Ме гөгөрвоа сийөс: өд содтөд лоө төждысьны на вөсна. А найө сөмын улөджык копыртлөны еджыд юргыснысө татшөм здукьясас.

Куим вок узьны водім пөлатьө. Менө тайө пөрийө шөрас водтөдісны, а асьныс ляскысисны-топөдчисны өтар-мөдарсянь. И сэки вөлись заводитчис миян тыр-бур адззысьөмыс, сэки вөлись ми гугөдім өта-мөднымлы гажтөмтчысь ловьясьнымөс.

— Федя, мунам бөр гортө овны! — друг пөся пондіс шөпкыны ичөтик Шурик. — Ме ог вермы сэсса йөз ордад...

— Ми Шуриккөд унаысь нин көсийлім мунны гортө, но тэ нө виччысим, — мөдарсянь вашнитіс Митя.

Налөн татшөм сёрниис пуртөн моз кырыштіс менсьым сьөлөмөс. Ме дзикөдз шөйөвоши и немтор ог куж шуны. И ачымөс дивита: мися, нянь карточкаяс мөдөдалан и, чайтан, ставыс нин бур сэсса!

— Обидитөны тіянөс? — юася.

— Век мыйкө не сідз вөчсьөма! — дөзмөмөн сёрнитө Митя.

— Гашкө, терпитыштаннды на? — заводитла бурөдны ме найөс. — Тьоткаясыдлы өд сьөкыд жө. Кыкнан пиыс, братангысыд миян, война вылын усисны. А ми со ловьяөсь. Налы өд, буракө, ассьыныс пиянсө окотаджык адззыны миян пыдди...

— А ми нө мыйөн мыжаөсь! — оз сетчы Митя. — Бөр гортө мунам, Федя. Шөндөдас и — мунам. Каргупель пуктам, гожөмнас пондам колхозын уджавны, нянь карточкаяс сорнад олам.

— Кыкөн?

— А мый нө! — збоялө Митя. — Ми ставсө нин арталім.

— Неважөн, Федя, ми сола треска зэв ена сөйим, — шөпкө Шурик. — И ме уна ва юи, кынөм дундытөдз. Войнас вөтася: быттө ме асланым гортын, петі сарайө. Быттө Сюрукыд миян

эм на. Ачыд од төдан: сійө тай век вөлі локтө салатө нювны... Сэки быттьө тшөтш ме дінө локтис да нюлө... Асывнас садьми да, менам чистө көтөдсьөма вольпасьсө. И сэтшөма пинялисны менө... Мунам, Федя, гортө овны!

— Меным либө ковмас жө бөр локны? — шуа ме.

— Мыйла нө! — ырсмунө Митя. — Ми кыкөн олам! Нянь карточкаясыд кө лооны, ми олам!.. А тэ уджалышт на, бур меса сюрөма да...

— Гашкө, меным гөтрасьны колө да? — шуа сэсса ме. — Гашкө, бур гөтыр кө сурас, миянлы лөсьыдджык лоө овны?

— Мамыд кодь некод оз сюр, — ылөсас шуө Митя.

— Федя, вай первой асьным видлам! — долыдмө Шурик. — Йөзыд — йөз и эм.

Паччөр вылын, шочиника корснитлігтыр, жылеткасө пөрч-чытөг, кымыньон узьө сьөкыд пеля, косьмом-омөльтчөм дядь; мукөдьясыс узьөны жырйын. А ми дыр на шөпкөдчам пемыд полатьын.

Аскинас ми, куим вок, мөдөдчим детдомө, коді вөлі сиктлөн шөр грездын.

Кык судтаа керка, коркө пө сэні овлөма поп, а өні — батьтөм-мамтөм челядь олөны, од татшөмыс не этша чукөрмис войналөн сьөкыд воясө.

Ми пырим югыд залө, гөгөр чилзөны-котралөны өткодь паськөма посньыдик челядь. Менам тпиктө сьөлөмөй, меным шог, меным сьөкыд видзөдны тайө гажа, но и коньөр челядь вылас. Вокъяслөн шөйөвошөмаөсь жө чужөмгьясыс.

Воспитательница киөдыс кутөмөн вайөдіс руд платтьөа, капуста мач кодь еджыд юра ичөтик нывкаөс. Мыйөн сөмын ме казялі сійөс, сьөлөмөй муткыртчис морөсын, и пөсь синва ылькнитис сингьясө. Сэтшөм ас чужөма вөлі тайө нывкаыс! Ме водзын быттьө сулаліс ичөтик Митя.

А сійө уськөдчис вокьяс дінө да радпырысь горөдіс вөсни гөлөснас:

— Вокьяс воөмаөсь! Митя воөма! Шурик воөма!

А менө оз и төд. Ме вылө оз и видзөдлы.

Митя босьтис сійөс моздорас, индалө ме вылө да шуалө:

— Верук, а тайө — Федяыд миян. Эн өмөй төд?

Нывка эскытөма видзөдліс ме вылө да шуис:

— Тайө абу Федя. Тайө төдтөм дядьө.

Серав коть бөрд. Вунөдөма нин со.

Сэсса өдва и локтис ме ордө. Гашкө, и ёнджыкасө локтис сы вөсна, мый ме понді вөзйыны сылы кампет.

И со ми пукалам улөсьяс вылын, чойөй визула дзөрө менам водзын, чөскыда сөйө кампет; ме шыльөда сылысь лым еджыд юрсисө, и менсьым лолөс косявлө шог да дой.

А од кутшөм дона ныв сійө вөлі батьөлы да мамөлы. Сы вөсна, мый век пиян да пиян вөлі чужөны (Шурик бөрын миян куим вок кулісны ичөтнас). Помнита, батьө вөлі шуө: нөшта кө пи чужас, медмисьтөм нимсө бөрья. И Енмыс сетис тайө нывкасө. Радыс вөлі батьөлөн да мамөлөн! Оз и кужны, кыдзи нимтыны. Сө нимтө од вежлалісны жө. Медбөрын батьө шуис Вероникаөн.

Ачыс кык вежон сөмын и нимкодясис муса Верониканас. Сэссия со и мамөйд дзикөдз выlö эновтис.

А Вероника азыма сөйө кампет, серөктышталө вокъяслы. Мыйкө со төдө оз-а, коньөр? Мыйкө кылө оз сьөлөмыс, кутшөм сьөкыд олөм пыр ковмас сылы вуджны?

Бөртинас, уна вояс мысти, Вероника шуас аслас челядьдыр-лөн тайө кад йывсыс:

— Батьос ни мамос ог помнит. Помнита сөмын: кутшөмкө зонкаяс пуксьөддывлісны менө пидзос выланыс да гөститөд-лывлісны кампетөн. Да еджыд няньөн...

* * *

Уджаланінө бөр мунігчөж ме мөвпалі сы йылысь, кызди водзө овны, мый водзө вөчны. Но сідзи немтор эг и вермы думыштны. Ладнө, мися, виччысьыштла мыйтакө, а сэссия видзөдлам.

Вои — а сэні бара на юр выв тыр удж. И луньясыс бара пондісны төвзыны пуяс вылысь арся коръяс моз.

Өтчыд пукала вөлі Шура Рубакинлөн кабинетын, отсая лө-сьөдны сплавконтораса директорлы делөвөй письмө. Друг тарк-нитіс телефон да сэтшөма, мый повзьөдіс менө и Шураос.

— Федя, вай кывзыв, кодос-мый сэн косявлөны! — шуис Шура да нюжмасьыштис. Тайө луньясө өд миянлы узьөм ни олөм, кылөдчөм заводитчис.

Ме матөді сьөкыд трубкасө пель дінө и пырысь-пыр жө чечышті места вылысь, быгтьө менө өтпырйө чушкисны витсө мазі. Трубкаас шемөсмөм гөлос помся горзіс:

— Победа!.. Победа!.. Победа!.. Победа!.. Победа!.. Германия капитулировала! Победа... Победа... Братцы, Победа наша! Победа!.. Победа!.. Победа!..

Ог велав, мый горзө Шура. Сійө нетшыштіс киысь телефон трубкасө, мөд пельсө ыджыд кинас тупкөмөн ляскысис сы бер-дө... Синьясыс ыждөны-паськалөны, нөпкысьөм чужөмыс гөр-дөдө, ойдө вөвлытөм шудөн... Гольскис-пуктіс трубкасө, кыкнан кинас өдөбтөмөн чечыштіс пөтөлөкөдз да горөдіс:

— Иэхх!

Топөдіс менө ён сывнас, пондіс окавны вомос, чужөмөс, юр пыдөсөс, пондіс гөгрөддыны кабинет пасьята. Горзө:

— Федя, босьт флагьяс, өшлы быдлаө! Тшөкты быдөнлы, мед кодлөн эм гөрд чышгьян, өшөдас жө бедь йылө. Сэссия пы-рав пекарняө, тшөкты, мед рыгтөдзыс — көть синсьыныс би пе-тө! — а вөлі еджыд нянь. Мед быдөнлы пөттөдз вөлі! Ме босьята ас выlö магазин-столовөй, рыгнас став йөзос чукөртам столовөйө. Тэрмась, браток!

Ме кватиті водзвыв нин дасьтөм флаг чукөр и — шондіа ыв-лаө. Бухгалтерияса нывьяс тані жө мырддисны менсьым флагья-стө — асьным пө өшөдам. Көтөрті столовөй дінө и давай клө-нөдны-кучкавны көрт листө, весиг би сьавкйө сэтысь.

Быдладорсянь шызьөм бабаяс котөртөны, мужикьяс и, чужөм

выланыс повзём-юасём: мый нё лоёма, абу-ё пөжар? А ме швачкёда да горза: «Победа!.. Победа!.. Победа воис!..»

— О, Енмөй... Енмөй!

— Да збыль өмөй олим сэтчөдз?

— Да мун сэсь, кутшөм нин удж талун!

— Бабаяс! Лешакъяс! Челядьнытө босьталөй садикысь, челядьтө босьтөй...

— Ок, и юся ме талун, став война пайсысь...

Бабаяс бөрдөны да усиг да чеччигтырйи, повзём съолаяс моз, сьув-сьвмунөны отарө-мөдарө.

Ме котөрта пекарняө, висьтала олома пөжасьысьлы еджыд нянь пөжалөм йылысь приказ. Сийө мыйкө пондө лөвтны: «Кыдз ог!.. Но, Кростос... Пөжала, Федя...»

Сэсса ме котөрта бонаяс кузя ойдөм Ыбын вомөн мөдлапөлө, важ посёлокө. «Динаяс керкаө өшөда флагсө!» — ас кежысь шуа ме. Вот эськө Динаыс кө гортын вөлі, но сийө уджалө.

Гортас өтнас Диналөн батысь, Тэрыб Ольош. Сийө муртса на воёма чери кыянинысь.

— Победа, Алексей! Победа, Михайлович! — котөртигмоз горза ме.

Сийө мыйлакө кутчысьө паськыд тош динас...

— Да, збыль али мый, Педөр?.. Эн-ё тэ ылав, детина?

— Збыль, збыль! Рытнас столовөйын пондам пасйыны! Черид шедіс эз?

— Шедіс, детина, шедіс... Мича сиръяс пырөмаось куломө. Тар эм и... Ёна койтисны, гажа поводдяыс да кык асылөн өкмыс тар уськөді!.. Час өні жө котөртөда столөвөйө...

Молодеч жө начальникным! Тайө лун-войсө ми, дерт, кылім нин, мый Победа лун матысмө. И Шура вежон сайын нин тшөктіс Тэрыб Ольошы: тэ пө мяян өтнад кужанджык вөравны да чери кыйны. Вай пө отсав бурджык пызан дасьтыны. А дон вылад пө огө сувтөй...

— Кутшөм сэн дон, Павлович, — дөзмис весиг Тэрыб Ольош. — Ме өмөй ог гөгөрво, кутшөм лун матысмө! Мед сөмын Енмыс отсалас-а.

И мойвиөма со мортыдды! Окмыс тар!

А луныс, луныс кутшөм мича талун! Шондіа, гажа, жургыштөны Ыбынө котөртысь тувсов шоръяс, ва сора ыркыдөн, сир дуска ыркыдөн өвтө парма ягьясьысь... А сынөдыс кутшөм! А сынөдыс мыйтөм! Некор на татшөмыс эз вөвлы! Некор! Ньөтчыд!

— Федя, Федя, вай ме тэнө окышта!..

— Федя, сулав, вай ме тшөтш!

Менам чужөмөй дзикөдз нин көтасьөма. И ог төд ёнджыкасө мыйысь — окасьөмысь-ө, синваысь-ө, лапыд тувсов сынөдсьыс-ө...

— Бабаяс, бабаяс, рытнас ставныд столовөйө локтөй!

Меным сэтшөм окота котөртны улыс складө, Дина динө. Ме шуа начальниклы, мися, лэчча да кора сэтчөсьясөс.

— Ме мөдөді нин, Федя, мөдөді. Быдлаө мөдөді. Тшөкті ценнөй вөр плиткаястө бурджыка домавлыны и... Федя, збыль өмөй нө Победа? Збыль өмөй нө ми вермим? Збыль өмөй нө оз нин ло войнаыс?! И ми ловйөн колим, а, Федя?

Сэсса ми нуөдiм медбөръя военной совет: кодi мый вермас сетны Победа пызан вылө. И заводитчис некор вöвлытöм на коңдысьöм-ректысьöм, сэтшöм, кор окота сетны öтувъя пöртиö ставсö, мый тэнад эм. Сiйö лунас весиг зэлыдкодь завмагным ёна небзис: гашкö пö, и немтор оз ло Победа лунсьыд, мыйкö кöть и лишнöй лэдзяс.

И быд керкаын мунис коңдысьöм-ректысьöмыс. И йöзыс асьныс ёна и шензисны сыысь, кутшöм лышкыд сьölöмаось найö вölöмаось. Да öд сэсса татшöм луныс некор на эз вöвлы...

Столовойö шötöмөн суйим куим рад пызан, и быд рад чегö сёян-юанысь. Кузь нель во чöж ми эгö аддзылöй та мыңда сёян-юансö...

Мыйыс сöмын танi эз вöv!

И улиса дзирдалысь пувйыд, и пемдыштöм нин сола тшакыд, и сола трескаыд, и жаритöм картофельыд, и шома капустаыд; и пызан пасьятыс сир чериняньяс, и банйöм вылыса еджыд пирөгьяс, кодьяс йылысь ми весиг и думайтнысö нин эгö кужöй... И тайö, лышкыда сöвтöм, быдлуньяджык сёян пövстас чурвидзисны, мед кöть и вель ылынöсь öта-мöдсьыныс, жаритöм тарьяс...

А шыд вöли пуöма менам важ друктысь, öтувъя козёл Яковысь. Эг и удит ме сылысь водзöс босьтны... Да и кыз нин öни скöралан сы вылө: Яков, кыз ыджыд сьölöма патриот, ошйысьтöг-горзытöг пырис öтувъя пöртиö.

А юанторьясыс вöлины: югыдгöрд пув ва, сöмын на вийöдöм зарава и, дерт жö, — спирт...

Со кутшöм пызан ми лöсьöдiм öти лунөн!

И öдвакö сюрис эськö сэки сэтшöм морт — пöрысь ли том ли, мужик ли баба ли, — кодi эськö, столовойö пырöм бöрын эз шатовмун татшöм озырлунсö казялöмысь, татшöм пызан водзас веськалöмысь. И ставсö тайöс вайис миянлы сэтшöм дженьыд, но сэтшöм нин виччысяна кыв — Победа!

Чужöмьяс, чужöмьяс, чужöмьяс... Шудаось, норось, пöся дзирдалысь синьясаось, тшыгла югьялысь синьясаось; и став чужöмыс — топалöм бандзибьяса, омöльтчöма, ёна омöльтчöма...

Ас кыöм ковтаяс, ситеч платтьöяс, горзöм-сёрнияс, и камод пыдöсьясысь лыбöм нафталин дук; шензьöм и радлöм, ёнджыкасö радлöм, сьölöм тырөн радлöм...

И мича чужöмьяс, ловзьöм чужöмьяс, омöльтчöмаось, но мича-ось, быттьö весалöмаось ас вывсьыныс кузь война чöжөн чукöрмöм сасö.

И ставсö тайöс вöчис öти кыв — Победа!

Шура Рубакин сувтiс, мыйкö кöсийö шуны, ставлы мыйкö кöсийö шуны.

Кутшöм сьökыд мортислы — вом дорьясыс тiрзöны, быдсөн чеччалöны, синьясыс, буракö, оз аддзыны, тырöмаось синваөн. Стöкансö кутысь кийс дзöрö, и спиртыс визувтö чуньяс кузяыс.

Ставөн лөньöмаось и чöла видзöдöны миян начальник вылө, Александр Павлович Рубакин вылө. И тайö сьökыд здукас некод оз вермы отсавны сылы, некод.

Дерт, Шуралөн лов пытшкын öни нöйтчöны-чепсасьöны уна

сюрс кыв, лосьыд кыв, но найос некыз он вермы кутны тайо здукас, некыз он вермы кутны...

— Ми вермим, ёргъяс... — лөня шуис Шура да кузя видзөдліс гөгөр, быдөн выло видзөдліс. — Юам Победа вөсна... — Сэсса сылөн быттё дзыкөдз бырисны кывъясыс.

Спиртыс талун ньоти абу курыд. Абу спирт, а — зарава! Кыдз пулөн юмов ваыс, муысь сысьялём ваыс. Кутам юны талун! Юны, мыйта лоо, мыйта мыгчасны! Ставыскөд отвылысь! Юны ловьяяс вөсна. Юны куломаяс вөсна. Юны Победа вөчысыяс вөсна!

Кутшөм чөскыд жаритөм тар кокыс. Кутшөм меліа төдмасьо сэні, пытшкөсам, чорыд спиртыскөд... Кутшөм шоныд лои, пось весиг... Кутшөм долыд лои, кутшөм шог, кутшөма ыззьёма лолөй... А эстчаньын со Дина пукало, батыскөд орччөн. Веж идзас кодь юрсиыс усьысь ва моз сямунёма пельпомъяс вылас, личкө найос, мед көть оз жө лямөд. Кыйкнитліс ме выло синъяссө и, менам синъяскөд вочаасьом бөрын, бөр лэдзис. Эз лысьт мекөд орччөн пуксыны. И ме ачым эг лысьт... Ме весиг эг и думыштлы, мый колө орччөн пуксыны. Ме сөмын көсийи, мед ставөнкөд отлаын вөлім, ме талун став йөзсө радейта...

Мекөд орччөн, веськыдладорын, пукало Марина Кирикова, дженыд соска вөсныдик платтьоа, венеч улысь воысьлөн кодь югзыысь чужома. Ме став вир-яйөн кыла, кызди дзескыдінад менам кокөй инмөдчывло Мариналөн топыд яя пось лядвей діно, и таысь менам пемдылоны синъясөй.

Марина тшөктө ёнджыка сөйны меным, ачыс судзөдалө ме водзө чөскыдджыкторъяссө, мыйкө меліа сёрнитө. Сэсса сийө ачыс сувтө да тшөтш гораа шуө тост:

— Бабаяс, вайө юам миян вөсна, став бабаясыс вөсна! Од мыйта лои терпитны миянлы!.. Татшөм лунад позьө и юыштны миян вөсна!

Юим бабаяс вөсна!

Юим Берлинөдз воысь садатъяс вөсна!

Юим садатъяс вөсна, кодыяс эз воны Берлинөдз!

Юим весиг миян вөсна, зонпоснияс вөсна! Ме ёна нин гажа вөлі, но тайө тосттө кылі на и — юи. Кыдз нө он ю? Од ми, устөм мерлинаяс, сэтшөма ружтім-мырсим, гөгъяснымөс вөрзёдалім, косъяснымөс чегим, сплав вылын кымим, сись картупель сөйим, — но бертім мужичөй удж! Верстьө мужичөйяс пыдди бертім! Кыдз он ю татшөм зырымбедьяс вөснаыс?!

Сэсса коді сьылө, коді бөрдө, коді азыма вензьө, а коді некыз оз вермы дугдыны сөйөмысь, сөйө, сөйө, сөйө.

Шура Рубакин ывла вылын нин няръялө-ворсө хромкаөн «Барыня». Йөз чукөр, горзіг-ливкйөдлігтыр, майкөны кокъяснас муртса на вежөдны босьтчөм лапта. Менам синъясын йөзыс кык пөвстаось нин лоины, но ме век жө казяла, кызди начальниклөн гөтырыс, кузь тушаа Нюра, азыма воськовтө Лизалань, фельдшерицалань. И менам пөлөстчөм вежөрын друг быттё ыпнитлө: «Сулав, Нюра, сулав, бур аньөй, оз позь өні сы йылысь, кадыс оз лөсяв...» Ме босьта вильыша сералысь Лизаос киодыс

да кыска йоктысьяс шөрөдз. И ачым тшөтш йокта, зэв сьолөм-сянь йокта, коть эськө ньоти ог куж. Ме сөмын зия кызд поэю вылөджык чеччыштавны, мед ставсяис вылөджык чеччыштны. Ме выло видзөдигөн Лиза нөшта ёнджыка ваксьө-сералө, куснясьтөдзыс сералө. А ме зия нөшта на вылөджык скокнитны да йөзлөн юрьяс весьтөд видзөддыны, оз-ө лок миянлань Нюра, Шура Рубакинлөн законной гөтырыс...

Бөрьяисьсө чеччыштөм бөрүн ме вошти кок улысь мусө. Быттьө муис кытчөкө вешийс ме улысь, кытчөкө бокө вешийс, и ме дыр лэби сийөс корсигмоз...

Бөр вои ас садьө морөсын саток дойись. Куйла зэв небыд вольпась вылын. Татшөм вылас ме нэмөн на эг узьывлы... Кылыштө сөстөм прөстынялөн да пөдушка эжөдлөн свежөй көрыс. Кодкө пөрччөдө менө, гырдазанас личкыштіс морөсөс. Видзөда — Марина.

— Мый, мусаникөй? Палялыштін?... — сийө дугдіс менө пөрччөдөмысь, сийө друг вылын морөснас ляскысис ме выло, увсянь шымыртіс голяөс пөсь кияснас, топөдіс да пондіс окавны, окавны — вом дорьясөс и чужөмөс, и синьясөс, и голяөс.

И ме муртса бара эг вошты садьөс. Ме вунөді став йивсьяс. Ме, кутюк моз, тшөтш воча окаси. Ме нинөм эг кыв ни эг аддзы... Став вир-яйөй сотчис менам...

Друг бара доймис морөсөй, и ме шуи, ачым ог төд мыйла:

— Морөсөй зэв ёна доймө... Марина...

И мыйлакө лөсьыд меным вөлі тадзи норасьнысө.

— Кыті нө, кытіджык висьө? — пөся шөпкө Марина. Сийө разис дөрөмөс, небыда малыштіс чорзьөминьяссө, серөктіс да шуис:

— Йөюк...

Сэсся окыштіс кыкнан нёньөс да мелісьяс-меліа бара шуис:

— Йөюк... Тайө тэнад бур висьөм... Быдман тэ... Та бөрүн регыд бритчыны кутан... Нывьяс дінө котравны...

Друг сийө пондіс тэрыба пөрччысьны, а ме, яндысьтөм син, гусьөникөн видзөді ме водзын кушалысь, енлөн кодь мича, вирөс шызьөдысь нывбаба вир-яй выло, и менам дзикөдз вошис лов шыөй. Сэсся сийө тэрыба водіс мекөд орччөн, топөдіс менө ас дінас, и ме ачым топөдчи сы дінө. Гөгрөс кынөмыс сьлөн и ыджыд морөсьясис вөліны пөсь пачысь кыскөм небыд тупөсьяс кодьөсь, и кыліс, кызди наын ёпкө-тіпиктө вирыс... И лов шыис сотө и чуксалө, чуксалө...

— Лок ме дінө, йөюк, лок, — пөся шөпкис Марина. — Эн пов... Некод оз төдды... Мися, код вөлі Федьяис, да узьтөді джоджын... А мужиклы, волас кө коркө, верма и веськыда висьтавны. Мися, кузь война чөжыс өтчыд, куш өтчыд... сибөдлі ас дінө зонмөс. Андел кодь сөстөм да мича зонмөс... Да, буракө, некор нин оз и волы сийө... Вошис кытчөкө, без вести пө, сөмын на төдмалі... Ланьт, Федя, немтор сэсся эн шу... Оні абу тайө главнөйис... Абу...

Ме сэсся немтор нин эг вермы шуны. Менам став кывьясыс вунісны. Сы вөсна, мый ме быттьө эг нин ло ачым ачымөн. Менам ыгьялысь вир-яйөй ойдіс-йиджтысис сьолөмөс сывдысь

муслунён да шудён, и ме быгтьё понді лэбны кытчөкө, вöвлытём шудайнö лэбны...

Ой, мый ме!.. Ме, буракö, важён нин лэба, асывсяньыс лэба... Сійö здуксяньыс, кор медводзён участокын кывлі шемöсмöдысь, коддзöдысь... Победа кывсö... Буракö, и Марина тшöтш лэбö... И мукöдыс тшöтш...

А гашкö ме, Федя Мелехин, сьöкыд кадён быдтём-нюжöдём леторос, öнисянь век понда кытчөкө лэбны — öнöдз тöдтём на шудайнгясö лэбны...

Öд войнаыс помасис!..



ПЫДДИ ПУКТАНА АВТОРЪЯС!

Редакцияö гижöдъяснытö ыстигён быть колö юöртны:

1. Ассьынд ним, вич, ов; кор да кöни чужлöмныд (лун, тöлысь, во).
2. Паспорт юöръяс: номер, серия, кор да кöни сетисны, гортса адрес (прописка серти).
3. Индивидуальной налогöвой номер — ИНН.
4. Страховöй свидетельство номер.
5. Банкын счёт реквизитъяс.

Тайöс юöрттöг редакция гонорар оз вешты.

*Журналын йöзöдтём гижöдъяс
редакция оз рецензируют и авторыслы найöс оз мöдöд.
Редакция оз век во öти кывйö авторъяскöд.*

Компьютерный набор — **Н.Кузнецова.**

Учредители: Администрация Главы Республики Коми,
«Союз писателей Республики Коми» — региональное отделение общероссийской
общественной организации «Союз писателей России».

Издатель: АУ РК «Издательский дом Коми». Директор Орёл И.Н. Адрес издателя: 167982.
ГСП-2, Республика Коми, г. Сыктывкар, ул. Карла Маркса, д. 229, Дом печати.

Адрес редакции: 167982. ГСП-2, Республика Коми, г. Сыктывкар, ул. Карла Маркса, д. 229, Дом печати. Телефоны редакции: 24-47-52 (гл. редактор), 24-51-52 (общ. отд./факс), 24-46-36 (бухгалтерия).

E-mail: kodzuv@mail.ru; Сайт: www.komikerka.ru

Подписано к печати 15.05.2020. Дата выхода в свет 29.05.2020. Формат 70x108^{1/16}. Печать офсетная. Усл. печ. л. 7; усл. кр.-отг. 8,4; учётно-изд. л. 7,54. Тираж 440. Заказ № 20-2886. Регистр. ПИ № ТУ11 - 00347 от 24.03.2017 г. выдано Управлением Федеральной службы по надзору в сфере связи, информационных технологий и массовых коммуникаций по Республике Коми. Публикация материалов на социально значимые темы осуществляется за счет субсидии, предоставленной Администрацией Главы Республики Коми из республиканского бюджета Республики Коми. Отпечатано в ООО «Коми республиканская типография», 167610, Республика Коми г. Сыктывкар, ул. В.Савина, д. 81. Цена свободная.

